



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald. I.5.49







Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.49





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.5.49



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald. 1.5.49




Atto. 1/5.




*Ex Libris Joannis Nencini*  
1874











FRANCISCI PHILIPPI  
+  
PEDIMONTII ECPHRASIS IN  
HORATII FLACCI ARTEM  
POETICAM.



Cum privilegio Pauli I I I. Pont. Max.  
& Senatus Veneti.

VENETIIS, M. D. XLVI.

28



FRANCISCI  
JEDIMONTII  
HORATII  
POETICA



Comptinghouse  
Paris I I  
de Senatus

VENETIS, M.



R. AYNVTIO FARNESIO,

P. ALOYSII F. PAVLI III. PONT. N.

DIGNISS. CARDINALI NEAPOLITANO,

PATRONO QVE OPTIMO FRANCIAE

SCVS PHILIPPVS PEDI-

MONTIVS S. D.

I QVI unquam optimarum artium præcepta tradiderint, optimarum uero rerum artes conscripserint; Heros præstantissime, laudem meruerunt; Si quis unus est Horatius, mea quidem sententia, præferendus: etenim poetica reliquis artibus tum excellentia, tum difficultate præstat; metricaque oratio ut equestris solutam ab humilitate pedestris nomine uocandam antecedit. Qui, etsi naturam ad heroicam illam Homeri Virgilijque maiestatem accedere ueluit, ut ipse ad Augustum ingenue fateretur, certo tamen acriter iudicio inter alios tanquam stella fulgens emicat. Quod quidem in huiusce artis præceptionibus conscribendis planum fecit (ut omne carminum genus penè absoluisse, inque satyra non parum enituisse omittamus.) Nam si nullum aliud monumentum posteritati reliquisset, omnibus uel conuientibus summam ingenij uim, iudicijque pondus plane hoc libello ostendisset. Qui semper est pro puluino a studiosis habendus, nocturna manu uersandus ac diurna, maximi emolumenti causa; tum ut obscuritas, quæ a lectione quâ plurimos reiecit, peruincatur. Nemo enim Horatij mentem, sensusque abstrusos percepit meo iudicio; qui poeticam uim omnem non percalluerit; cum ars quæque ex cognitis, ac penitus perspectis rebus constet. At quid inde, queret aliquis, fructus? omnibus profecto de scriptis non tantum carmine, uerum etiam & quandoque soluta oratione, exactum, rectum, acerrimumque poterit iudicium facere qui opusculi præcepta huius assecutus fuerit. Sed cum plerique grammatici in eius interpretatione defudarint, nullus eorum, quos adhuc legerim, scopum atti-

A ij



git. Eruditiores enim (ut de ineptis literatoribus, quos gram-  
matistas uocant, perpetuum habeatur silentium) dum multa,  
quæ nihil ad rem, affectarunt, lucem inferre conati tenebras  
fortasse obduxerunt. Quod nimis arroganter dictum haud  
prius exisimes uelim, quàm nostram hanc lucubrationem illam  
cum aliorum commentarijs contuleris. Quam quidem dum  
coagmentarem, cunctos interpretes euoluisse non inficio; &  
plerumque eorum expositioni adhæsisse, si quæ arridebat; sepe  
uero meam interposuisse sententiam. Sed utcunque studiosi  
consulent, id unum affirmare audeo; clariorem lucem, quàm  
unquam antea illuxerit, hac mea ex phrasi Flacco accessisse;  
multaque præterea cognitu digna. Si uero offendes aliqua  
parum accurate conscripta, quæ ingenij tui offendant magnitu-  
dinem, scito Patrone optime, quòd hæc, dum familiaribus meis  
poeticam explicabam, ad domesticum usum exaraueram; nun-  
quam fore prospicien, ut in eruditorum manus, quibus per-  
penduntur ingenia, deuenirent. Nunc autem amicorum ius-  
su foras dare coactus tibi dedico, cum haud nescius sim, quan-  
tum Farnesiorum ueteri, atque illustri familiæ res literaria de-  
beat. Paulus quippe Pontifex Max. auus tuus literatissimos  
uiros, doctrinarumque studijs deditos in amplissimo dignitatis  
gradu collocauit; adeoque bonarum artium studiosos in dies  
magis auget, fouet, atque extollit; ut merito eum ad consopi-  
tas literas excitandas, amplexandasque, imo uirtutem omnem  
amplificandam, augendam, conseruandamque Deus Opt. Max.  
hominibus uicarium constituerit. Adactus præterea sum, ut  
ad te confugerem, non tam uirtutis tuæ fama, quàm uirtute  
ipsa, atque humanitate. præsertim quòd in literarum studio  
tantum profecisti, quantum ea ætate nemo unquam alius. Et,  
ut audio, poeticæ huius lectione admodum delectaris. Quòd  
mihi ingenij tui pariter, atque iudicij clarissimum est indicium.  
Nam in literis non postremas obtinet partes, qui Horatium ex  
poetis peculiarem sibi auctorem sumpserit. imo doctus uir, aut  
eruditus nequaquam est uocandus, qui in tali arte perdiscenda  
non elaborauerit; contraque ineruditus, indoctusue minime  
nuncupandus, qui in ea profecerit. Agnoscis & hanc pontifi-  
ciam sententiam? ingenue fateri per quem profecerim malo,  
quàm



quam in furto deprehendi. Quod si a tanto uiro id opus probabitur, in eandem sententiam omnes ituros certo scio. Sin autem secus eueniet, indyti saltem nominis clypeo munitum contra maleuolos tuto exhibet. Cæterum haud ignoro, quam munusculum hoc amplitudini tuæ non conueniat, quam uē paupertate sordescat sua. Ad te enim potius spectabant quæ maiora ab hominibus dicari solent. Quippe qui a generosa stirpe ortus, atque præstantissima, omni bonorum genere excellis; animi inquam, corporis, utque nil amplius ad laudis cumulum desideretur, externorum; quæ a philosophis fortunæ tribuntur. Tibi nanque omnes animi pariter, & corporis dotes in seuit natura (abest profecto adulatio, adestque ueritas.) Tibi præterea fortuna, quæ plerumque uirtuti ac bonitati aduersatur, mirum fauet in modum, idque merito, & non absque Dei nutu, sanctissimæ enim, & ueræ Christi religioni adeo addictus es; ut iure eum dignitatis obtineas gradum, quo inter principes ecclesiæ fulges. Ecquid præterea? ea liberalitate funderis, ob quā Aristoteles expetendas opes fere censebat. omitto comitatem, qua animos allicis; omitto optimos mores; omitto, quod raro cuiquam contingit, seniles cum grauitate curas in iuuenta. omitto denique accuratam circumspectionem, circumspectamque considerationem in re, quaque obeunda. spero tamen, quod lata fronte, ut soles, munusculum hoc admittens animi ardore compensabis; mirumque agnosces desiderium mea omnia, imo dignitatis tuæ me ipsum dedicandi. Quod si tantillum uoluptatis apportasse intellexero, maiora moliar, nouosque partus in dies edere conabor. Vale.

#### PVRESIUS LECTORI.

Quoniam Pedimontius doctor & præceptor meus Ecphrastica lege astrictus multa omisit, quæ alioquin ad textus explanationē attinebant; idcirco operepretium facturus mihi uisus sum, scholia quædam adiungere. tu uero æqui bonique consule, & Vale.



DE IDEA CONCIPIENDA. *procapit. p. m.*

*h.* Vmano capiti ceruicem pictor equinam  
Iungere si uelit, & uarias inducere plumas  
Vndiq; collatis membris, ut turpiter atrum  
Desinat in piscem mulier formosa superne:  
Spectatum admissi risum teneatis amici?  
Credite Pisones isti tabulae fore librum  
Persimilem, cuius, uelut agri somnia, uanae  
Fingentur species, ut nec pes, nec caput uni  
Reddatur formae. *Pictoribus atque poetis*  
Quidlibet audendi semper fuit aequa potestas.  
Scimus, & hanc ueniam petimusq; damusq; uicissim,  
Sed non ut placidis coeant immitia, non ut  
Serpentes aubus gementur, tygribus agni.

*Vo' placet Aeroniani  
Hic, ut uenia peti-  
mus tanqua poeti; de-  
mus tanqua eting.  
men potius inuicta pu-  
to, ut alternis uisus  
gnoscamus, et eodem  
iusto, in opus 2, uices.  
in nos obtegamus, atq;  
to subianxist, uicissim,  
et et uenia dms, et qua  
tibi rōi patamus.  
at aut hanc poesi uenia  
que fingant, in uisat  
et um forme rōi dāt.  
t rōi cōgeries prater na-  
uam mō sit, nā agri  
vgrig opulenti, quā  
aut loca, in sublimia humilēq;, uetere nouis, poetica uulgaris miscet.*

**L A T O**, diuinus ille philosophorum princeps, mundi  
opificem Deum rerum omnium, quas creat, species for-  
mas ue (ita enim interpretatur Cicero quas ille ideas uo-  
cat) penes se habere, easque tanquam pictas tabellas, & quodam  
modo exemplaria quaedam mente inspicientem inferiores hasce  
diuinitate sua proferre asserbat. necesse enim est artificem  
earum rerum, quae a se fiunt, priusquam manum admoueat, pre-  
cognitam habere notitiam; animoque prauidere formam, cuius  
exemplo opus quodque informet. sic itaque in omni arte, pin-  
gendi maxime, fingendi, atque sculpendi; quae quidem eodem  
imitationis tramite cum poesi Aristoteli incedere uidentur; pri-  
mum est animo prospicere quid quisque facturus sit. siquidem  
pictor nunquam tabulam aliquam preclare depinget, nisi formam  
illam animo prauidet; neque fictor imaginculam e cetera argil-

*mi E  
uelint  
gnarior  
appella  
uy. Ce*



laue, aut sculptor saxo recte formabunt, ni cogitatione prius effinxerint. Poeta quoque, priusquam calamus sumat, necesse est, ut pectore operis concipiat formam, ipsumque poema disponat. Igitur Horatius noster de arte poetica precepta daturus præcipit id, quod primum ac præcipuum est, Ne, cum totius operis futuri speciem, & quasi imaginem quandam preparamus, ueluti ægroti cum somniant, uanas ideas mente concipiamus. Irridebitur quippe Poeta, qui uarias species commiscebit, cuiusque animus in condendo poemate uanis somnijs, & (ut ita dicam) delirationibus distrahetur haud secus, ac pictor; qui in tabella monstrum aliquod præter naturæ, a qua nulla ars discedere debet, imitatione exhiberet. cuiusmodi, si caput haberet humanum, collum equi, reliquum corpus plumis oblitum, tandemque superiori parte uultu muliebri formosum, in feriori in turpem piscem delineret. quemadmodum Homerus monstruose chimæram expressit.

Προδὲ λέων, ὄμβρον δὲ δράκων, μέσση δὲ χίμαιρα;

uel potius de Scylla aut Charybdi poetæ fabulantur. Nam eiusmodi monstra innuit auctor, mea quidem sententia, dum inquit;

Vt turpiter atrum  
Desinat in piscem mulier formosa superne.

Quippe Maro consulto eius scopuli naturam poeticis pigmetis coloratam exprimens ita Scyllam depinxit.

Prima hominis facies, & pulchro pectore uirgo

Pube tenus, postrema immani corpore pistris,

Delphinum caudas utero commissa luporum.

Necnon huiusmodi somnia fingentes in aliud grauius peccatum incidunt. nam dum opus uarijs refertum portentis per insana figmenta uariabitur, materiæ series minime cohærens nunquam continuabitur; ac poematis primæ partes cum postremis non conuenient; minimeue totum ipsum, quod (ut inquit Aristoteles) ex principio, medio, ac fine constat, absoluetur; eritque formæ per simile, quæ capite & pedibus careat.

Nam quod de poetarum nimia licentia uulgo fertur, eis licere quicquid libeat, non sic libera datur facultas, ut a natura omnino recedat; cuiusmodi esset serpentes auibus, tygribus agnos adiungere, ac mansuetissima immitioribus comparare. Quæ enim fin-

Aen. iij. 178. 24.

*Allyit Hor. ad puerbum  
et a Lucretio refert. Atq.  
naturæ, hoc dictum  
est, liberos esse potius  
ac pictoris et in natura  
ni Encomis. ait, Atque poetarum genus libere. Sentit aut libere esse locis et pictoris quicquid  
uelint fringere. Nam poetæ nomine agunt, eorum illi frustra præscribas. Et aut plurimè  
quaritur inter poetarum et picturam. Hinc est et Simonides auctor Plat. picturam tacite poetarum  
appellauit, locum aut loquentem picturam. prout Hor. ut pictura potius erit. Ad Encom.  
iij. Cent. i. Adag. 48.*



ECPHRASIS IN HORATII

guntur, conuenire debent cum natura, atque ab ea nullatenus discrepare. Verum in excogitandis figmentis Homerum in primis omnis poeticae uirtutis fontem imitandum proponit Aristoteles, qui maxime ante alios docuit, quonam pacto mendacium dici effingique oporteat.

NON ESSE A MATERIA DISCEDENDVM. *prope. ij.*

Inceptis grauibz plerunque & magna professis  
Purpureus, late qui splendeat, unius & alter  
Assuitur pannus, cum lucus & ara Dianæ,  
Aut properantis aquæ per amœnos ambitus agros,  
Aut flumen Rhenum, aut pluuius describitur arcus.

*Alexon prouer.  
biu esse admonet,  
viti ab imperito quo  
piã pitorre, qui pre  
iter uisum nihil na  
macerat pinger. a quo  
m cu naufragus non  
my chret, ut uultu  
sui exprimeret, ac  
p naufragiu suum de  
pingeret, interroga  
uit ille, nã ex uisio  
cebat aliud aliq. r.  
ra, primum in uocem  
deant in puerbiu aliq.  
i summa usurpabit  
eos, qui q. dixerut  
at utique in mperbiu  
at mculant, eund  
nam nihil utineat.*

Sed nunc non erit his locus. & fortasse cupressum  
Scis simulare, quid hoc? si fractis enatat expes  
Naubus, ære dato qui pingitur. Amphora coepit  
Institui, currente rota cur urceus exit?

Denique sit quoduis simplex dumtaxat, & unum.  
*lãcludit, debet esse poema unu & simplex, coepit  
materia corripiscat, nec mĩtã aut implũtã rĩt.*  
Cauendum omnino est, ne magna proposita re in uarias friuo  
lasque egrediamur descriptiones; ac ne, dum luxuriantis inge  
nij petulantia flosculos affectare admodum uelimus, a materia  
ipsa discedamus, nam etsi poetarum digressiones quandoque  
splendent, opusque ipsum decorant; unaque & altera descri  
ptio si commode & perapposite, tanquam purpureus pannus,  
assuantur, plerunque coruscant; damnantur tamen, cum pro  
posita materia non conueniunt. Nimium quippe erit inde  
cens, si poeta magna professus & grauiatenui tempestatum, plu  
uiarum, lucorum, amniumue descriptione occupabitur, tum  
præcipue, cum res ipsa expetere non uidebitur. Similis quo  
que erit poeta, qui a proposito discedens nimis in parergis im  
morabitur.

*h. q. inu  
nit Anach  
is, cuius  
cuius uan  
formatur*

*Ab Eras. Chil. i. Cent. v. Adag. xix*



morabitur, pictori; Qui cum in laboris mercedem accepto  
 ære naufragum hominem disiecto temone, abrupto malo, uelis  
 antennisque dispersis, mare euomentem, ac sine ulla spe ena-  
 tantem, ipsam tamen ratem natantesue tabulas apprehenden-  
 tem pingere deberet; qualem Homerus Vlyssen descripsit; cu-  
 pressum effingat; aut alia id genus, quæ res non postulat.  
 Comparabitur etiam figulo, qui cum amphoram inchoarit, sum-  
 pta translatione pro altiori materia, in urceum desinat, pro uilio-  
 ri & abiecta. Poema denique unum, simplex, atque omnino  
 proposito congruens usque ad finem esse oportebit; minimeque  
 refertum implicatumue ijs, quæ nihil ad rem.

## DE STILO.

*Maxima pars uatum, pater, & iuuenes patre digni,  
 Decipimur specie recti. Breuis esse laboro,  
 Obscurus fio: sectantem leuia nerui  
 Deficiunt, animiq; professus grandiat urget,  
 Serpit humi tutus nimium, timidusq; procellæ.*

Animaduertendum in primis est ne specie boni decipiamur,  
 dum scilicet stili breuitatem affectemus, in obscuritatem incida-  
 mus. Quod fortasse Horatio ex poetis accidit; ut ipsemet fa-  
 tetur hic quorundam opinione, cum inquit, Breuis esse laboro,  
 obscurus fio. Hoc uideo, inquit Cicero, dum breuiter uolue-  
 rim dicere, dictum a me esse paulo obscurius. Nam id uitij  
 non tantum equestri, uerumetiam & pedestri oratione plerun-  
 que euenit. & forsan eiusmodi crimine maxime laborassent ue-  
 teres illi historiarum scriptores, Cato inquam, Pictor, & Piso;  
 qui unam dicendi laudem putabant esse breuitatem; nisi perspi-  
 cuitati, quæ a Quintiliano sermonis præstantia habetur, adhæ-  
 sissent; ac magnopere desudassent, ut intelligeretur quid ipsi  
 dicerent. Etenim multa sæpenumero existunt, quæ non nisi  
 longo orationis contextu propter subiectam materiam explica-

B



ri possunt; quod si secus fiat, tenebræ obducentur. Oportet ergo poetam exactissimo acerrimoque iudicio præditum esse; ne dum mediocrem, leniorem, equabilioremue stilum affectabit, languidum, mollem, enervatum, dissolutumque ostendat. & rursus ne, dum sublimia grandiaue profitebitur, turgidiorrem inflatioremque se præbeat; aut hunc euitans in humiliorē recidat. Eapropter æqua iudicij lance pensandum erit, temperamentumque (ut ita loquar) adhibendum; ne alterum extremorum, quod tanquam crimen philosophorum sententia damnatur, aliquis sequi uideatur; nimium quid insolens ac turgidum in dicendo, aut contra humile abiectumque demonstrās. Quinimmo medium plerumque, in quo sita est omnis uirtus, pro uirili unum, æque aucupari debet; utque uidebitur res ipsa postulare, ita stilus adaptandus. Quod quidem in Homero præcipue Vergilioque deprehenditur; modo enim in Heroicā altitudinem sese extollunt, modo in mediocritatem deprimuntur. incensi quandoque concitati, ubertate ac nimia luxurie redundantes; rursus temperati, sedatiorēs, sobrii ac ieiuni, diligentissima materiei habita ratione, omnibus apparent; qui in eorum lectione paululum desudauerit. Cui enim non perspicuum est Maronem nostrum omnis poeticæ uirtutis instar poetamata sua uario stilo, atque ad rem perapposito temperasse? Quàm lenem, placidum, mitem ueluti humilimus ac simplex pastor in pastorum ludicris colloquijs conscribendis se præbuit? Rursus assurgente materia a' pastoritia leuitate discedens ad grauitatem sese erigebat. quod apparet in Pollione ac Sileno. At in re rustica pertractanda mediocritatem quandam adhibuit; cantumque heroica tuba, ac pastorali fistula temperauit. Non tamen quin quandoque extra præscriptos fineis egrediens ab humilitate mediocri non discedat. quod facit ubi C. Iulij Cæsaris indignissimam cædem grauitè & non sine stomacho conqueritur. Demum ad arma canenda postmodum ascendēs, & quasi classicum inflans, Dij immortales, quo spiritu, quo flatu, quo denique furore intonat? adeo sibi poeticam omnem gloriam, dignitatemque uendicauit (Homerum semper excipio) posterisque scribendi quodāmodo facultatem eripuit. quia nemo ad tātā ingenij magnitudinē ne prope' quidem unquam accedet.



*Qui uariare cupit rem prodigialiter unam,  
Delphinum siluis appingit, fluctibus aprum,  
In uitium ducit culpæ fuga, si caret arte.*

In uariando poemate erit iudicium acre adhibendum, ut quid contineat accurate diligenterque circumspeciamus. Decet autem in primis ipsum opus uarium efficere, poeticis uel coloribus ac figmentis ornatum reddere; cum alioquin admirationem, oblectationemque, qui poetarum est scopus, nequaquam præbeat. Poësis enim decorum suum, uenustatem, atque saporem (ut ita loquar) nunquam habebit; nisi a uarietate accipiat condimenta. Nam poetica & artes quamplurimæ nobiles naturam tanquam ducem sequuntur; quæ quidem mirum in modum uarietate gaudet. Quod si ad historicum spectat historiam ipsam uariam reddere, ut uarietatis oblectamento lectorem detineat (nulla quippe res æque delectat ac uaria lectio) etenim si ieiune rei tantum ueritatem, qui in rebus gestis conscribendis ultimus est finis, nullis adhibitis descriptionum pigmentis, omni que fuco abiecto, quemadmodum annales a uetustissimis exarabantur, explicaret, tædium dubio procul adportaret. Quanto magis poetæ hoc proprium munus erit? qui pictor est loquens. atqui nulla res magis picturam splendescere faciat, quam colorum illa diuersa uarietas. Huiusmodi autem uariandi opus normam diligentissime obseruarunt et poetis, perfecteque absoluerunt Homerus Vergiliusque, duo quidem almae poësis clarissima lumina; ac Liuius noster in historicis (ut græcos omitam) quem ego fortasse non nimis audaciter historiæ patrem appellare soleo. quo nomine Cicero Herodotum decorauit. Contra uero minime decet in uariando poemate prodigiosa atque monstrifica figmenta comminisci, a natura ipsa recedendo, haud secus ac pictor; qui in fluctibus aprum, in siluis delphinum pingeret. Nisi forte eluisionem illam totius orbis ab Ouidio, atque auctore decantatam depingere uellet, Omne cum Proteus pecus egit



ECPHRASIS IN HORATII

altos uisere montes; Piscium & summa genus hæsit ulmo,  
Nota quæ sedes fuerat columbis; Et superiecto pauide nata-  
runt Aequore Damæ. Rursus animaduertendum, ne ab  
altero uitio abhorrentes in alterum decidant; nam, ut idē aliās,  
Dum fugiunt stulti uitia, in contraria currunt; ne scilicet prodigiosam hanc uariationem euitando uarietatem ipsam penitus de-  
ferant; aut ita rude, incultum, inornatum uel poema efficiant;  
ut legi non mereatur, Charybdimque effugientes in sæuā Scyl-  
lam incident. Quod quidem indoctorum peculiare est; qui  
nullius artis periti, apposite locis suos splendores, ac diuersorū  
colorum pigmenta collocare nesciunt.

DE TOTIVS OPERIS PERFECTIONE. *Præc. v.*

*Æmiliū circa ludum faber Inus & unguetis  
Exprimet, aut molleis imitabitur ære capillos.  
Infelix operis summa, quia ponere totum  
Nesciet. Hunc ego me, si quid componere curem,  
Non magis esse uelim, quā prauo uiuere naso,  
Spectandum nigris oculis, nigroq; capillo.*

Decretum hoc a poetis minime paruifaciendum, tanquam sacra  
ta lex ab omnibus est seruandum; quo quidem sancitur, eos,  
qui poeticam prouinciam susceperint, aliud uel opus perficien-  
dum receperint, niti admodum oportere; ut omne, quod insti-  
tutum fuerit, absoluant; magisque totius operis perfectionem,  
quā partium animaduertant. Nam (et si non eo inficias o-  
mnia uel minima in poemate acriori iudicio perpendenda,  
suisque ornamentis decoranda, ut animos legentiū oblectent)  
tamen si alterum de duobus daretur, facta utriusque compara-  
tione, diguior erit subsannantium morsu, qui totum opus ne-  
quaquam absoluens parteis in eo ita elaboret, ut splendescant;  
quā qui totum perficiens laudabile, quādam tamen membra  
non ita perfecte consumauerit. Quanto enim præstantius ma-  
iusque



iusque partibus est totum, tanto minus obiurgandus qui peccat in membris, quam qui in toto corpore. Idque Horatius quambrevissime potuit, more suo decrevit, exemplo fabri adducto; qui in statuis ex ære faciendis nihil aliud laude dignum exprimebat, præter duo extrema, ungueis videlicet & capillos; reliquum vero corpus adeo à naturæ imitatione alienum, quòd uix spectandum erat. itaque infelix merito dicebatur eiusmodi operis summa; quoniam absolvere, totoque æneo signo dignitatem, ac uenustatem addere nesciebat. Atqui ego si statuum conflandam mihi curarem, malim effingi turpi naso, alius ue membri deformitate, dum reliquo corpore absolutio uiuum hominem imitaretur; spectandaque foret nigris oculis; qui uenustiores habentur, suntque auctore Plinio corporis pars preciosissima; quippe in eis animus inhabitare fertur; cum intentione, remissione, coniectu, atque eorum hilaritate motus animorum significantur. Effet quoque pulchra ac decora atris capillis, reliquisue membris ita inter se coherentibus, ut à natura ipsa parum recederet, quam si toto corpore deformi, eius tamen parte aliqua formosa ac laudanda locaretur. Sed notandum hac præceptionis norma in membrorum confectioe errata haud tuto permitti; quinimo sanciri, ut unusquisque in totius poematis perfecta absoluteione magnopere desudet; suisque exornet coloribus, ac ornamentis. Quòd si quandoque fieri secus non poterit, quin in alterutro peccet; cum natura hominis erroribus sit obnoxia; à grauiori lapsu, in toto scilicet errare, cauendum erit.

DE INVENTIONE. *Præc. vj.*

qua potest quicq, in ea  
conferat. etc. sic.

*Sumite materiam uestris qui scribitis æquam*

Tracta Viribus, & uersate diu, quid ferre recusent,  
Quid ualeant humeri. Cui lecta potenter erit res,  
Nec facundia deseret hunc, nec lucidus ordo.

Potenter pro viribus,  
ac si diceret quātum  
quis potest, noue di-  
ctum.

Vetus est Apollinis Delphici oraculum, γυναι σὲ αὐτὸν, usque a'

*Utile. premiū subducit inuariantibz eoz materia. Scilicet, ut ad sumenda quina  
materia inuariant, fructus erant. Inuandū ē, quod nō ut uellet, sed ut p  
materia elegerit, i. nec ubertate uerborz, nec ditē diuā copā ostendebit, nec d  
positiōe cōfidel.*



uetustissimis temporibus ad nos deductum, atque ab omnibus tantopere celebratum; quo monemur ut nosmet ipsos perno-  
scamus, diligenter accurateque humanæ naturæ uim, & condi-  
tionem examinemus: ne philautiæ illecebris allecti arrogantia,  
aut temeritatis crimen subeamus; ea quandoque assumendo,  
quæ nostras uires excedant, ac nullo iure uendicare deceat.

Quapropter merito Horatius præcipit, ut unusquisque in ex-  
cogitatione earum rerum, quas pertractandas suscipit, imbecilli-  
tatem ingenij sui metiatur; minimeque materiam sua faculta-  
te maiorem recipiat; quam uel præ manibus non habeat, aut po-  
stea poetico penicillo, illustriorem, splendidioremque reddere  
non certo sciat. quinimo id onus suis humeris imponat, quod  
facillime sustinere ualeat; eamque demum sibi prouinciam de-  
poscat, quam cum dignitate obtineat. Siquidem ex sapientum  
decreto ea in re se quisque exercere debet, quam percallet; ac fi-  
nis cuiusque artificis est bene & feliciter in arte, unde nomen ha-  
bet, sese gerere, opusque susceptum ad unguem perficere.  
Nam qui ingenij opibus congruentem materiam elegerit, facun-  
dia, ordine, qui lucidum ac splendidum poema reddit, disposi-  
tioneque ostendente quid quibus in locis sit collocandum mini-  
me uacabit. unde auctor ipse, alijque uiri doctissimi illius felicif-  
mæ ætatis maiestate heroici carminis, quam Vergilius naturali-  
ter insitam habuit, deteriti canere laudes, ac bella Cæsaris non  
sunt aggressi. quis enim (ut idem alibi Agrippæ sese excusans,  
quod eius gesta non scribat, eamque prouinciam uario impo-  
nens inquit) Martem tunica tectum adamantina

Digne scripserit? aut puluere troico

Nigrum Merionem? aut ope Palladis

Tydidem superis parem?

Qui enim mente ea concipit, quæ suis uiribus assequi nequa-  
quam poterit, more Gigantum ad cælum ipsum aspirans ab ar-  
duis inceptis cadet, deorsumque præceps ibit; ac medio itinere  
tanquam defessus equus humi procumbet.

DE DISPOSITIONE. *Præc. vij.*

Ordinis hæc uirtus erit, & uenus, aut ego fallor,

*ut sunt con-  
gens et  
aut ego pro  
cā non noui*



i. modo utat<sup>r</sup> ordine  
artificiali.

dispositionis poetice, quæ statim inuentionem sequitur, hoc pro-  
prium munus erit; ne à principio continuata rerum serie, histo-  
ricorum more, materiam ipsam ordinatim prosequantur qui  
poësin profitetur. sed quæ dicenda uideantur in poematis prin-  
cipio, ad medium seruentur; quæ uerius in medio, ad extre-  
mum; & quæ in extremo, præpostere in primordio collocen-  
tur. Quod quidem, etsi omnes poetæ egregij diligenter ob-  
seruauerunt, Homerum tamen ac Maronem multo artificiosius  
absoluissè perspicuum est. Ille enim, quemadmodum histo-  
riæ ordo postulabat, cum à raptu Helenæ exordiri debuisset,  
ab Achillis cedere nescij stomacho atque indignatione magnum  
poëma inchoauit. Hic uero cum ab excidio Troiæ, à Iuno-  
nis odio, quo perpetuo Troianos prosequeretur, principium  
duxit; omnemque hunc præposterum ordinem in tribus ænei-  
dos prioribus libris mirifice seruauit. Itaque ad hanc senten-  
tiam struo. ordinis hæc uirtus erit ac decus, nisi fallor; ut iam  
nunc in initio dicat, quæ supple, si rerum series attenderetur,  
postea dicenda forent; & iam differat debentia dici nunc, hoc  
est quæ ponenda essent in principio differat, postmodum in fi-  
ne, aut medio dicturus, uel plerunque omittat; prout acre iu-  
diciū dictabit. dummodo materiam recto ordinis filo nequa-  
quam intexat. Nam hac de causa præ cæteris Aristoteli diuinus  
Homerus uidebatur; quòd bellum alioqui principio, medio, fi-  
neque comprehensum totum scribere non fuit aggressus.  
Quidam uero non de totius poematis dispositione hic præcipe  
re auctorem arbitrantur; sed de quibusdam descriptionibus, quæ  
aliquando occurrunt, ut uideantur tunc apte & congruenter  
poni debere; attamen si in alium locum referuntur, maiorem  
operi uenustatem fiat allatura. Et hinc ultimo carmine statue-  
re eadem quam breuissime repetentem; alia esse à poeta asse-  
randa, alia uero respuenda, & tanquam rudia calamoque indi-

pres. in temp. omis-  
 multa occurrat, qu-  
 si differas, sint futu-  
 rum, presentia mi-  
 hil efficiat boni. ut  
 v. l. m. u. Classi-  
 sub ipa Antandro, e  
 Phrygia molimur  
 motu sola. quo in le-  
 uo omittit, ut lapide-  
 us r ferat in. ex.  
 pres. in tempus  
 i. nunc differat.  
 Vnde amet, i. qd con-  
 par suis vixit. Vnde  
 ignat. i. qd non se h-  
 reddet dilucidam.  
 Placet bonf. ut  
 pres. ad nathor-  
 r ferat, no ad temp-  
 i. op. suo faue. au-  
 si ad tempus, sit  
 talis ordo. Autor  
 plerazq. differunt, q-  
 omittat pres. s. te-  
 pus, in tempus s.  
 aliud.



gna penitus omittenda. Nam id demum toto animo expetere poeta debet, proque uirili aucupari, quod poema uarium, elegans, concinnum, suis uel coloribus ornatum efficiat. Rursus alij Flaccum hic monere contendunt; poetam quandoque se interponere, ac suas partes permiscere oportere; ut uehementius quod libuerit exprimat, legentiumque mentibus imprimat; & quae fugienda fugere, quae uel optanda optare uideatur. Quo quidem artificio usus est noster Maro, a saeva illa tempestate abhorrens, cum ait.

Non illa quisquam me nocte per altum

Ire, neque a terra moneat conuellere funem.

Rursus idem aliam poesin mirificis laudibus extollens, seque eius sacris initiari admodum optans inquit.

Me uero primum dulces ante omnia Musae,

Quarum sacra fero ingenti percussus amore,

Accipiant; coeli que uias & sidera monstrent.

id quoque diligentissime auctor ipse quanquam non in magno poemate seruauit. ubi postquam uaria diuersorum studia recensuit, dum alios alijs detineri ostendit, quid potius appetendum ex persona sua sic decernit.

Me doctarum hederæ premia frontium

Dijis miscent superis; me gelidum nemus,

Nympharumque leues cum satyris chori

Secernunt populo. Et reliqua.

Natura quippe comparatum est, ut uehementius ij, qui legunt, ad expetendum quippiam, uel euitandum moueantur, si prius

eisdem fugiendi aut optandi motus auctorum animis impressos

atque inultos animaduuerint, & quodammodo ex eorum affectionibus, quas graeci πάθη uocant, ipsi affecti fuerint. Libuit

uarietatem hanc sententiarum ueluti appendicem adiungere;

ut lectori aliorum commentaria uoluendi labor leuaretur. quam

prior sensus, legem uidelicet condidisse de totius operis distributione, meo iudicio ueritati magis adharet, magisque mater

iae continuationi congruit. ut locutus auctor de rerum exco-

gitatione statim de dispositione præcipiat.

*Catonis 25. cu intelligit Catonem, quæ in necessariis fuit natus reip. quæ  
scip. alter. n. cu mis hostis, alter in moris bellu gerit: unde Censorius  
quasi mali moris tuicis appellatus e. Carme scripsit d moris. Unde  
Sal. a Leneo Pompey mag. liberto rphæus e, qd Catonis uerbor, in ex  
ditis: fur esset. hinc noto inuassit Epir. Et uerba antiqui multu  
furnu Catonis Crispe Sugurtinae coditor historie  
Pignati. pstat in sumpta metaph. ab ar. Quint. dixit, uerbis utendu*



*campone* In uerbis etiam tenuis cautusq; serendis  
*is. colluca* Dixeris egregie, notum si callida uerbum  
*nona. n. uer*  
*hor. st. eope* Reddiderit iunctura nouum. et si forte necesse est  
*ling. coim*  
*ritas nume* Indicijs monstrare recentibus abdita rerum, &  
*rus.* Fingere cinctutis non exaudita Cethegis,  
Continget, dabiturq; licentia sumpta pudenter.  
Et noua fictaq; nuper habebunt uerba fidem, si

Arg. et in Græco fonte cadant parce detorta. Quid autem

*Cæcilio Plautoq; dabit Romanus ademptum*

*quæ Vergilio, Variorq;? Ego cur acquirere pauca*

Si possum inuideor? cum lingua Catonis & Ennij

Si. 3. *Sermonem patrum ditauerit, & noua rerum*

*Nomina protulerit. Licuit, semper q̄; licebit*

Signatum præsente nota producere nomen. i. *carb.*

*Vt silvæ folijs pronos mutantur in annos,*

*Prima cadunt, ita uerborum uetus interit ætas,*

*proponere. Et iuuenum ritu florent modo nata, uigent q̃.*

14. Caloni. Debemur morti nos, nostraq; siue receptus

*Auxurá, Terra Neptunus classes aquilonibus arcet,*

*Piperium*, Regis opus, Sterilisq; diu palus, aptaq; remis

*seu, inter* Vicinas urbes alit, & graue sentit aratrum.

*Seu cursum mutavit inquam frugibus annis*

Linuntis, qđ is mos fuerat Carthagis, ut seminibus

Nam et Solid. Cinctos dixit Lupas, primis illis p.

in usu no erat. statim Rom. in Capitolio. Et Cam  
sine turris visib. sua habita. Hanc. front.

capa cinerea in fovea exspirat ad se alludens Hor. cinereus

hinc malis cinctus & expeditis accipit ad pugnam parat

...alliorum in illis habitantibus. (The text is written in a cursive script, likely Latin, and is partially obscured by a dark binding edge on the left.)

Tenuem parcum in-  
telligo.  
Pulchra metaphora  
ab arborum insitio-  
ne.

Indicijs recentibus,  
novis uerbis. quæ qui  
dem, Aristotele teste,  
animorum indicant  
affectiones.

Pro Cethegis uetustis-  
simos eloquentiæ se-  
clatores uerborumq;  
conditores intelligit.  
M. enim Cor. Cethe-  
gum ut eloquentem  
celebrauit Ennius.  
Cincturos dixit bene  
præcinctos expeditos  
paratosq; ad pugnan-  
dum, græcorum imi-  
tatione, qui ἐκράνους  
sirenuos uocant mili-  
tes. Parrhasius.

Miro artificio Flaccus cum de nouandis uerbis loqueretur, nouum intulit uocabulū ; uel semel à Plauto usitatum : qui inquit, qui inuidet eget,



illi, quibus inuidetur  
habent. quamvis alij  
impersonale arbitren-  
tur. Parrhasius.

*Doctus iter melius, mortalia facta peribunt.*

*ab Agrippa m  
mine Aug.  
i. quæ diu ui-  
uat.*

*Nedum sermonum stet honos, & gratia uiuax,*

*Multa renascentur, quæ iam cecidere, cadentq;*

*Quæ nunc sunt in honore uocabula, si uolet usus,*

*Quem penes arbitrium est, & uis, & norma loquendi.*

*i. ratio*

*iniqua. i. nouum.  
Istis. n. uia oia lon-  
ga lateq; inuidant, qd  
rebro magna iacta-  
ra agro rom. infer.*

*Aug. alioq; pur-  
gando animu alie-  
rit. et qm nihil ex-  
tra faciat inuida-  
ia nra, quæm sinu  
fluuij, qd rita no  
possint cursu tfer-  
ri. cu ad uelabrum  
Tyberis flecteretur.*

*Aug. alioq; nega-  
tio, quæ uermi-  
bus, uermi alieu-  
degit, totumq; pur-  
gavit. terminos  
disposuit. qd hodie  
effusi, hæc in ser-  
uione uident.*

*Aug. Cont. Mag-  
tribuit. Potest.  
xvij. ex sen. Con-  
terminauit rati-  
us ratiis ex pro-  
ximis appis pedes xl. s. i. senis.*

*Aug. Cont. Mag-  
tribuit. Potest.  
xvij. ex sen. Con-  
terminauit rati-  
us ratiis ex pro-  
ximis appis pedes xl. s. i. senis.*

*Aug. Cont. Mag-  
tribuit. Potest.  
xvij. ex sen. Con-  
terminauit rati-  
us ratiis ex pro-  
ximis appis pedes xl. s. i. senis.*

*Aug. Cont. Mag-  
tribuit. Potest.  
xvij. ex sen. Con-  
terminauit rati-  
us ratiis ex pro-  
ximis appis pedes xl. s. i. senis.*

*Aug. Cont. Mag-  
tribuit. Potest.  
xvij. ex sen. Con-  
terminauit rati-  
us ratiis ex pro-  
ximis appis pedes xl. s. i. senis.*

*Aug. Cont. Mag-  
tribuit. Potest.  
xvij. ex sen. Con-  
terminauit rati-  
us ratiis ex pro-  
ximis appis pedes xl. s. i. senis.*

*Iandudum ab omnibus receptu est, Poësin ipsam a' uerbis com-  
positis, epithetis artificiose appositis, longis quandoque amba-  
gibus, anfractibus, circuitionibusque quas Græci περιφροσύνας uo-*

*cant, sua postulare ornamenta; ut lauta ac magnifica carminum  
supellestili redundet. Nam si ut in soluta oratione, ita in eque-  
stri locutio obseruaretur, nunquam poema elegans politum ue-*

*euaderet; adeoque incompta ieiunitate sua laboraret, ut nullā  
afferret oblectationem. Vnde poetarum doctissimi quique  
quod uno uerbo exprimi poterat, elocutione plerumque circun-*

*scribentes pluribus explicarunt; Homerus alijsque uetustissimi  
uates tot epitheta mirifico artificio, innumerasque uerborū cōpo-  
sitiones excogitarūt, ut iure hanc laudem Græcia sibi uendicet;*

*adeoque ceterorum scriptorum sermonem neglexerunt, quod  
Ariphades, auctore Aristotele, carpebat tragædos; quippe qui  
in tragædijs conscribendis, his uerborum immutationibus quos*

*Græci uocant, usi fuerint; qui a' communi sermone abhorre-  
bant. cuiusmodi sunt δόμων ἀπο, & σέθεν, & ἀχιλλέως πέρι, aliaque  
id genus. Quod quidem consulto ab illis factum asserit philo-*

*sophorum columen; nam simplicem ac uulgarem in loquendo  
proprietaem eo modo effugientes plebeiam humilitatem euita-  
runt. Idcirco animaduertens auctor huiusmodi uocabulorum ua-*

*riam coagmentationem necessariam, statuit, in cōponendis uer-  
bis iunctura, compositioneue artificiosa uti oportere. Quod  
quidem fiet, si nouum uerbum ex duabus notis & usitatis uoci-*

*bus, perinde ac membris, conglutinabitur; ut aurifodina ex au-  
ro & fodio, maleficus ex male & facio. quæ quidem e' duobus  
quasi corporibus coalescunt; nam ex tribus compactionem no-  
stra linguæ Quintilianus non concedit, quamuis Cicero capsis*



compositum esse ex cape et si uis dixerit; lupercalia quoque & solitaurilia quidam tres æque partes orationis esse contendunt; quæ ipse non tam ex tribus, quàm ex trium particulis coiisse arbitrat. Nam Cæsaris sententia inusitatum uerbum perinde atque scopulus euitandum, usitatisque tutius utimur. Quinetiam Aristoteles ipse Platonē subsannat, quod improprijs minime ueritis nominibus usus fuerit; oculum quippe ὀφθαλμὸν, araneum σπιδρακὸν, & medullam ὀστέον nūcupauit. Nec me latet apud latinos quædam esse uocabula mixta ex romana externaque uoce; cuiusmodi sunt Bidinium, Epitogium, & Anticato; aut ex duabus peregrinis, ut epirhedium ab ἐπὶ græca præpositione, & rheda gallico nomine. Nihilominus in hoc magnopere elaborandum, ut unusquisque quoad fieri possit propriam linguam locupletet; ne tanquam inops aliena ope indigere uideatur. quod quidem enixe conatus est Cicero. Quibus uero modis huiusmodi uerborum compactio fiat idem recenset Quintilianus. Nam aut ex duobus latinis integris, ut superfui & subterfugi, aut ex integro & corrupto ut maleuolus, aut ex corrupto & integro ut noxiuagus, aut duobus corruptis ut pedissequus fieri posse asserebat. At quoniam in dies multæ res nouæ hominum industria excogitantur, quæ priscis temporibus latuerunt, tunc nouis rebus noua etiam uerba imponenda; audendumque est, nam quæ primo dura uisa sunt usu molliuntur; et si noua non sine quodam periculo fingi assueuerant. Philosophi enim ueteres nouam materiam conscribentes, resque maioribus incognitas pertractantes noua uocabula effinxerunt; quemadmodum epicurus primus πρόληψιν appellauit, quam anticipationem, aut prænotationem Arpinās interpretatur. atque etiam Aristoteles primus induxit ἐντέλεχεν; quam recentiores quidam perfectionem, habitum alij, quidam actum uertunt; Cicero noster perennem & continuam motionem nūcupauit; quidam uero in philosophia non parum uersati malunt consummationem, quam uis alij uocem hanc ab Aristotele primum excogitatam minime opinentur, interpreteturque ἐντέλειαν. Et ne a nostris discedamus, M. Tullius, qui philosophiam latinis literis illustrare uehementius laborauit, nonne multas uoces maioribus ignotas excogitauit? nonne & hac ætate eruditissimi uiri impellente rerum ma-



teria, quas tractandas susceperint, noua uerba Latio apportarūt? quod quidem (ut alios omittam) Gaza græci pariter ac latini sermonis peritissimus in Aristotelis animalium interpretatione recte fecit. sed hæc licentia habet suos præscriptos fines, quos transgredi nequaquam licet. Noui enim grammaticum, qui hæc Horatij lege adductus, Aristotelisque decreto nomina κατὰ σιωπὴν, hoc est ex compacto, uel, ut uulgo loquuntur qui eius dogmata profitentur, ad placitum, asserentis, quoties latinum uocabulum non succurrebat, quidquid in linguam, ut aiunt, discipulis dictabat. Idcirco auctor subdit libertatem hanc sumendā, esse cum pudore, & modestissime, non nisi impellente necessitate. Nam quod inquit Aristoteles nomina esse secundum conuentū, non ita liberam dedit potestatem, ut liceat omnibus uerbum quodque pro suo arbitrio effingere. ibi enim nomina non a natura indita asseuerans, uetustissimos illos, qui ea rebus imposuerunt, inter sese coijisse, ac, prout ratio postulare uidebatur, ita res communi consensu appellasse statuit. Necessario quippe dicendum est non e' cœlo in terras rerū uocabula defluxisse; sed cum homines ad loquendum idoneos natura procreasset, ipsos sibi, cæterisque animantibus, ac rebus omnibus nomina indidisse. Sed in huiusmodi nouarum uocum compositione monet auctor græcis adhærere, a quibus multa nostra emanarunt, ac, ut maiores obseruarunt, ita & posteros oportere. Nam si apud Graios uerbum erit, quo latinus sermo careat, eniti debet unusquisque latinum uertendo reddere; quod quidem diligentissime fecit Cicero; uel si latine exprimere non poterit, græcum utendum accipiat. ut philosophiam, ephippium, aliasque uoces quamplurimas ueteres receperunt; quia elegantius ad uerbum romanæ reddi non poterant. Vnde iure asserit Quintilianus nos græcis uti uerbis confesis, ubi nostra defunt; sicut illi a nobis nonnunquam mutuantur. atque eò, magis quoniam, eodem auctore, nō omnia nos ducentes ex græco fonte sequuntur; quemadmodum ne illos quidem, quoties suis utique uerbis signare nostra uoluerunt. Quis enim apte latino sermone antiperistasin illam ab Aristotele tantopere celebratam explicabit? aut Aristophanicum illud Σφραγιδονυχιδευσκομίτας innumeraue alia? qua quidem de causa interpretatio illa Plauti essentia atque entia nimis dura uide-



tur. Hinc M. Varro in latinæ linguæ fragmento, quod opus ad Ciceronē scripserat, uocabula asserit partim esse nostra; partim externa, quorum profecto maior pars a græcis defluxit. nemo enim inficias ibit græcam linguam in uocabulorum conglutinatione artificiosiore esse romana, copiosioreque; ut uno comprehendat uerbo quod pluribus latinis explicandum foret. Ad hæc idem Quintilianus Varroni adhærens uerba item censet aut latina esse, aut peregrina; & peregrina ex omnibus prope gentibus, ut instituta etiam multa, uenisse, Thuscis, Sabinis, & Prænestinis. Vnde ut eorum sermone usum Vettium Lucilius insectabatur; quemadmodum Pollio in Liuiio Patauinitatem deprehendit, quinimo ex Gallia plurima uenerunt, ut rheda, & petorritum. Quod uero Horatius parce detorquenda isthæc uerba a græco fonte asseuerat, boni ciuis officio fungitur. Nam cum latinus sit, sermonem patrium merito locupletandum tradit; tacite præcipiens ab aduenis uerba mutuanda non esse, nisi nimia cogente necessitudine, cum secus fieri non poterit; imo certatim conandum latine loqui. Eo quippe sermone debemus uti, qui notus sit, ne ut quidam græca uerba inculcantes iure optimo irideamur; inquit Cicero qui aliâs linguam latinam græca uberiorem esse affirmauit. nescio an uere. Demum ut ratio eorum, quæ paulo ante dicta, assignetur, locus admonet. Si enim noua nomina effingere ob linguæ egestatem, ut Lucretius inquit, maioribus concessum fuit, posteris cur denegabitur? præsertim quod semper licuit, licebit, Cum oportuerit, nouum ali quod proferre nomē à communi sermone haud omnino alienū, uulgarisque consuetudinis nota signatū; perinde atque numismata regnantis principis facie, uel alio quouis caractere publice signantur; posteaque temporis decursu, aut regni uicissitudine abolentur. Consuetudo quippe certissima est loquendi magistra; utendumque plane sermone, ut numo; cui publica forma est. Nam uetustissimis temporibus in Latio rudes gentes ferino cultu uitam degentes siluestri sermone utebantur; cuius quidem reliquiæ ad posteros non emanarunt. Successit inde Latini regis ætate latina locutio; quæ asperitatem illam priscæ linguæ leniorem reddidit. Hinc sermo Romanus lenis, purus, elegans, & candidus, quem tantopere clarissimi scriptores illu-



stratum, expolitumque reddiderunt; neque statim ab initio sed paulatim ab Andronico, qui primus fabulam docuit, Ennio gradatim, Plauto, Nævio, Pacuio, Cæcilio, Accio, Terentio, ac deinde cæteris excultus fuit; donec addita Varronis, Ciceronis, Vergilij, reliquorumque eruditissimorum uirorum qui tunc floruerunt, lima, reiectisque quamplurimis uocibus obsoletis, quas maiores illi affectarunt, quibusdam uero noue excogitatis, perpolitus, ac, ut ita dicam, perfecte consumatus euasit. Demum cum barbarorum sæuissimi ad Italiam deuastandam, diripiendamque confluxerunt, non sine latinæ linguæ perniciæ, totiusque Reipublicæ literariæ calamitate, amissa romani sermonis una cum imperij maiestate, lingua barbarie deprauata proripuit, unde ortum duxit ea, quæ nunc utimur, uulgaris nuncupata. Nec est mirum si locutionis usus, ac rerum uocabula cursu temporis mutantur; cum & res ipsæ, quarum sunt nomina, intereant; nosque homines, qui loquimur, morti tantopere fimus obnoxij, & quotidie tanquam folia decidamus. Præterea quoniam aliqua ex usu plerumque recedunt, hominum solertia multa in dies excogitat, quæ priscos latuerunt. Nemo enim, quod ego sciam, apud ueteres bellorum scriptores mentionem inuenit de æneis tormentis, quæ posterius ad hominum interitum perniciose inuenerunt; alijsque rebus quamplurimis, ac diuersis instrumentis ætas nostra utitur, quæ prisca ne somniauit quidem. Cum itaque res & nomina quæque ueterrima extincta deleri, nouæque renasci uideamus, ab usitata loquendi consuetudine non erit discedendum, atque usu; qui est doctorum consensus, optimusque dicendi artifex; & ut auctor decernit, penes quem arbitrium est, uis & norma loquendi. Quapropter quemadmodum nunc iure uitio daretur, si quis latine scripturus Ennij uel Plauti uerba nimis antiqua potius, quam Ciceronis aut Vergilij seligeret; ita fortasse non reprehendendus qui res nouas, dum a romano græco uel fonte artificiosius compositionem non habebit, aut per plura uerba commode explicare non poterit, eo nomine, quo uulgus, nuncupabit. Adhæc seu romanæ locutionis deprauatione, seu scriptorum consensu uerba quædam latina a sua nobilitate degenerarunt, inque aliam significationem demigrarunt. Cuiusmodi imperator, qui prius ab exercitui imperando nomē



habuerat, nunc autem supremus est titulus, ac supra reges; Princeps apud priscos qui primus erat. Dux qui ducebat alios, unde dux exercitus; comes qui comitabatur. Nunc autem recentiores pro regulorum nominibus utuntur. quorum equidem duo prima similitudinis ratione quadam in ea significatione recepta sunt. quem enim principem hodie uocant primum inter regulos obtinere dignitatis gradum constat. Dux quod ducere & moderate regere eos debeat, qui ipsius imperio obtemperant; bonique pastoris more suum pecus conseruare; quippe Homerus hac de causa reges atque ductores uocat ποιμένας λαῶν; potiusque tondere quam deglubere. Comes uero cum comite quid habet commune? Idcirco cum hæc effingendi noua nomina libertas latiores habeat fines, quam fortasse opinantur, nullo pacto admittendi sunt, meo iudicio, curiosi quidam; qui Iouianum Pontanum tanquam parum romana iura seruantem damnare conantur; quippe qui suis lucubrationibus nernaculæ linguæ sordes insperferit. neque animaduertunt id eum consulto fecisse, minimeque latini sermonis, peccasse ignoracione. percalebat enim uir ille naris emunctæ quantum loquendi consuetudo polleret; adeoque in sanctissimæ romanæ linguæ adyta penetrauit, ut sacris initiatus à Cicerone sacerdote cerimoniarum beneperito, omnia eius deæ mysteria didicerit.

DE RHYTHMIS. *Præf. viij.*

*Res gestæ regumq; ducumq;, & tristia bella  
Quo scribi possent numero, monstrauit Homerus.  
Versibus impariter iunctis querimonia primum,  
Post etiam inclusa est uoti sententia compos.  
Quis tamen exiguos elegos emisit auctor,  
Grammatici certant; & adhuc sub iudice lis est.  
Archilochum proprio rabies armauit iambo;  
Hunc socci cepere pedem, grandesq; cothurni*

Impariter aduerbiū  
auctorem effinxisse  
docuit Terentius Scan-  
rus.

Exiguos tenues, aut  
molles interpretatur  
Parrhasius an potius  
exiguos appellauit ad  
heroicum magnitudi-  
nem respiciens?

Pro soccis comædorum



calceamentis comoe-  
dias, pro grandibus  
cothurnis tragædorū,  
altiores ipsas tragæ-  
dias intelligit.

Libera uina nuncu-  
pauit, uel quod libe-  
ros reddant homines  
in loquendo. tunc. n.  
cum Bacchus domi-  
natur, secreta animi  
proferuntur. ac iure  
inquit uetus græcorū

paroemia ἐν δὲ τοῖς ἀλλοῖς  
Sæc. uel quod liberet  
animos à curis. unde  
Densipse liber dictus.

Alternis aptum sermonibus, & populares  
Vincentem strepitus, & natum rebus agendis.

Musa dedit fidibus diuos, puerosq; deorum,  
Et pugilem uictorem, & equum certamine primum,  
Et iuuenum curas, & libera uina referre.

Descriptas seruare uices, operumq; colores

Cur ego si nequeo, ignoroq; Poeta salutor?

Cur nescire pudens praue, quàm discere malo?

Haecenus de inuentione poetica, dispositione, elocutionisque  
artificio abunde differrimus; nunc uero de numeris ad rem ido-  
neæ & congruenter aptandis, quouero pacto materia quæque suis  
rhythmis, qui formam induunt, tanquam pictura suis coloribus  
decoretur, ordo postulat ut præcepta dentur. Ac primo res  
gestas, aut bella uersu heroico, quem Plutarchus uocat τελεῖότα-  
τον, μέτρον, conscribenda (argumentum enim, quod longam re-  
quirit seriem, non nisi heroico metro recte pertractari Aristote-  
les tradit) Homerus est optimus testis. Qui, etsi unus ex o-  
mnibus quid ipsum poetam deceat percalluit, in hoc præcipue,  
quod sua poemata huiusmodi carminis genere absoluit, maxima  
dignus laude eidem peripateticorum principi uisus est. τὸ γὰρ ἡρώ-  
κον ἡρώτατον, καὶ ὀγκώδεστατον τῶν μέτρων ἐστίν. Nam qui humile  
argumentum heroica tuba canens, sublime uel tenui fistula,  
aut rebus abiectis carminis maiestatem, arduis uel abiectio-  
nem addens, materiei congruentem figuram apponere nesciet,  
iure irridebitur; non secus atque pictor; qui, lugubrem homi-  
nem, moestum, sordidatum, & quodammodo lachrimantem ex-  
primi cum deceret, purpureos ac splendentes colores insperse-  
rit; eumque latum, hilarem, ac potius ridentem reddiderit.  
Elegos autem uersus; quamuis adhuc non satis liqueat, quis pri-  
mus inuenerit (alii quippe Polymnestum Colophonium, alij  
Naxium Etheoclem furentem excogitasse asserunt) ad res fune-  
stas, luctuosasque adinuentos esse nomen ipsum ostendit. quod  
Flebilis



a' commiseratione, uel potius luctu, quæstu'ue, auctore Suida,  
ἀπὸ τοῦ ἐ' λέγειν, emanauit. Vnde lachrimans Ouidius docto  
& perapposite inquit

Flebilis indignos elegeia solue capillos,

Ah nimis ex uero nunc tibi nomen erit.

Quibus postea iuniores uoluptates, desideria, atque gaudia ex-  
plicarunt; quotiescunque uoti compotes euaserint. Cuiusmodi  
illud Propertij;

O me felicem, ò nox mihi candida, & ò tu

Lectule delicijs facte beate meis.

Ac rursus Ouidij.

Dicite io Pæan, & io bis dicite Pæan,

Decidit in casses præda petita meas.

Demum Tibullus, Propertius (ut græcos fileam) Ouidius que  
amoris ardores, amantiumque feruētes affectus suis elegis depin-  
xerūt; adeo a' proprio mœrore elegia ad lætitiā demigravit.

At ex quorundam aliorum sententia locus hic exponitur, non  
tantum ardentes amores elegis fuisse conscriptos, sed materiam  
omnem. Et sic conclusa fuit sententia compos uoti; nam pro-  
ut cuique libitum, diuersas res eorum concentu cecinerunt.

Conuitia uero, probra, maledicta, contumeliasque iambico car-  
mine ita, Aristotele teste, nuncupato, quod eo ueteres ἰαμβίζεν,  
hoc est conuiciari inuicem soliti fuerint, recte explicabit, qui rhy-  
thmos materiei accommodare conabitur. quippe quod Archi-  
lochus in Lycanibem socerum Neobolem filiam desponsam de-  
negantem acerbe, & cōtumeliose inuectus adinuenit; tantoque  
maledictorum ueneno insperfit, quod eum, ne uiperino morsu  
amplius ulceratus uiueret, ad laqueum compulit. Vnde Cice-  
ro ad Atticum Archilochia edicta cōtumeliosa & uirulenta nū-  
cupauit. Huiusmodi autem uersus ab inuentore Archilochi-  
us dictus comicis pariter, tragicisque gratissimus, & tanquā alijs  
metrorum generibus ad suū negotium magis idoneus, acceptus  
est. Siquidem, cum comœdiæ tragoediæque ab interloquenti-  
bus personis suum decus recipiant, uerbisque ultro & citro ab-  
soluantur, hoc rhythmō ad alternos sermones explicandos ap-  
tissimo summopere gaudent. Qui quidem adeo in scena be-  
ne sonat, ut etiam perstrepenste, atque exhibilante populi circū

D



spectantis corona exaudiat ut; uel ex quorundam interpretatione, nunquam satis laudatus; nam quamuis ei populus assentiat, uulgi tamen laudes excedens maius præconium meretur. Præterea huiusmodi metro consilia rerum uaria, deinde acta, negotiorumque diuersi euentus, quales comœdia ac tragœdia pertractant, apposite conscribuntur. Sed ut melius structura explicetur, magisque sensus eluceat, repetendo rursus auctoris uerba meam interponam sententiam.

Hunc focci cepere pedem, grandesque cothurni

Alternis aptum sermonibus, & populares

Vincentem strepitus, & natum rebus agendis.

Primo carmine archilochiū metrū in comœdiā, tragœdiamque admissum tradit; duobus inde posterioribus rationem addit; ac primo utriusque communem. idcirco scilicet comœdiam iure accepisse, atque tragœdiam, quod alternis colloquijs, & familiaribus explicandis sit peridoneus; quibus ambas refertas uideamus. Et quod iambicum metrum maxime sermonum uicissitudini accommodetur, illud esse argumento Aristoteles tradit; quoniam in differendo, collocutionibusue plurimi sane iambi ore facilitate quadam, ac (ut ita loquar) naturæ instinctu emanant. Secunda ratio ad tragœdiam tantummodo attinere uidetur; ut intelligamus iambū strepitus plebeios excedere, seruerumque ac uiliū personarū, quales comœdia amplectitur, discordias; & ad serias grauiioresque res tragicas assurgere. Quæ quidem expositio meo iudicio nequaquam arridet. ita quippe Horatius sibi ipsi non constaret; quo quid turpius? Viro præsertim doctissimo. Nam si carminis id genus comicam humilitatem aspernaretur, tragicamue sibi uendicaret altitudinem, quonam pacto focci accepissent? cum eiusdem decreto uersibus tragicis rem comicam exponi nunquam deceat. Nisi fortasse tragicocomœdia esset, ut quidam arbitrantur, utroque stilo temperata, nobilibus æque permixta personis, atque abiectis. Cuiusmodi Plauti Amphitruo. Quapropter confuse rationem assignare arbitror; cur comœdia tragœdiaque pedem hunc tantquam peculiarem assumpserint. Quia uidelicet sermonibus aptus sit alternis, natus quodammodo Dramatico poemati, uincens populares strepitus; hoc est, optime exprimens, perfecteque



absoluens populi rumores, lites, atque iurgia. ambæ enim uarios populi mores continent, uitæque imaginem quasi quandā ostendunt. Nam qui aliquid recte explicat, absoluitque ad unguem, uincere & superare uidetur. Qua quidem significatione inquit & Maro;

Nec sum animi dubius, uerbis ea uincere magnum

Quam sit, & angustis hunc addere rebus honorem.

Sed iam ut ad reliqua traducatur oratio, ecphrasis admonet; a cuius quandoque finibus egredi impune liceat, dum auctori lux inferatur. Laudes Deorum, & heroum, qui eorum filij habentur, uocanturque semidei, uersu lyrico decantandas esse ex antiquorum hymnis patet; tum athletarum, pugilumque palmas; & eorum, qui uictores ab olympico cursu reuertissent. Iuuenum quoque amores, ludos, comestationes, compotationes uel fidibus celebrari oportere, ut græcos omittam, testatur Horatius ipse. Quæ quidem metrorum genera, quoniam lyra canebantur, quemadmodum & nunc fortasse numeri hetrusci, odas nuncuparunt. Demum concludit auctor has descriptas uices, hoc est rhythmorum uarietates, quæ prout materia requirit adhiberi debent ab eo, qui inclytum poetæ nomen consequi studet, tanquam leges ære incisas, esse seruandas. Cum alioquin iure exsibiletur, ut qui eruditionis minimum, arrogantia uero plurimum acquisierit. Vnusquisque enim de sudare in ijs, quæ nesciat, ac summopere elaborare debet, manumque etiā, si oportuerit, ferulæ supponere. Nam qui cæco sui ipsius amore irretitus, falsæ uel existimationis crimine præpeditus ea, in quibus hæsitat, addiscere repudiarit, merito tanquam stultus, insolens, rerumque omnium inscius accusabitur. Quod quidem hac ætate pluribus usu uenire quis est, qui nesciat? Vix enim re metrica, utcunque potuerint, degustata statim altius euolant, condendisque poematis sese accingunt. Quod si tria, uel quatuor ad summum epigrammata absque pedum claudicatione ediderint, digito cælum attigisse sibi uidentur. Atque utinam illud Solonis mente fixum haberent; *ἡγεσθαι μὲν ἀεὶ διδασκόμενοι*. Reliquum est, quid Horatius per operum colores innuat, cum multi multa, ac diuersa tradant, emulare. Quidam enim colores, operum proprietates interpretantur; quippe aliam tra-

D ij



goedia, aliam comoedia postulat. Alij uero causas probabiles; quæ decus suum, ac poeticam dignitatem dant operibus; adducuntque exempla quædam comica. Sed harum opinionum utra magis uero sit propior, doctorum uirorum sit iudicium. Non enim nostrum est institutum quenquam subfannare, promam tamen quod sentio. Ac per colores operum rhythmos intelligo; à quibus tanquam à forma, præstantiori parte, poetæ cognomentum fortiuntur. dicuntur enim qui iambis utuntur iambici, qui elegias conscribunt elegiographi, qui exametris uero poemata absolunt epici. Nam quemadmodum duo sunt, quæ in pictura requiruntur; tabella inquam ipsa, ut materia figuram exposculans; ac diuersi colores, qui symmetria, beneque structa collocatione formam addunt, & nomen. Si enim pictum hominem conspexero, hominem à specie, & non à materie tabulam nuncupabo. Ita in poesi duo præcipua considerantur; rerum uidelicet, quæ tractandæ à poeta sumuntur, materia; ac numeri, à quibus informatur, efficiturque suis coloribus distincta. Eum itaque locum habent rhythmi in poemate, quem colores in pictura. Nam, etsi à quibusdam grammaticis accipiuntur poetici colores alia longe significatione, quam numerorum, dicunturque apud rhetoricos orationis ornamenta: tamen recte Horatij sensum perpendendo, decus profecto atque ordinem nequaquam seruasset, si orationis colores, aut schemata, adhuc de metris præcepto non absoluto, quæ nihil cum ipsis habent commune, potiusque ad grammaticos spectare uidentur, interposuisset. eo quidem magis quod statim subdit.

Thyestes Pelopis filius  
Atrei fratris uxorem  
compressit. cui ille po-  
stea facinus facinore-  
us filios comedendos  
apposuit. notissimum  
tragediæ argu-  
mentum.

*Versibus exponi tragicis res comica non uult;*

*Indignatur item priuatis, ac propè socco.*

*Dignis carminibus narrari coena Thyestæ.*

*i. numeris, uerbis, sententijs*

Nunc regulam eandem pauloante datam idem alijs uerbis repetens dilatare mihi uidetur; ab hac uidelicet rhythmorum norma nullo modo esse discedendum, materiamque omnem appositis numeris conscribendam. Res enim comica humiliori metro, pri-

com-  
milit  
exodia  
m, ut  
manc  
nitue  
usq  
tharita  
aguar  
ut de  
uener  
i, ita

i. no p  
i. humil  
i. Trago



uato sermone, & quodammodo seruili gaudens, altiori, turgido, atque regali nunquam decore explicabitur; minusque comode tragica grandiloquium requirens summissio & abiecto numero absoluetur. Quippe tragœdia, Aristotelis sententia, Epœiæ est per similis; quod metrico sermone ambæ præstantium imitationem personarum complectuntur. adeo ut qui de uirtute, uitio uel tragœdiæ bene dijudicauerit, idem & de exametris rectum poterit iudicium propalare. Quamuis aliqui arbitrentur hic auctorem uersus ponere pro stilo, ut sit sensus; comœdiam tragico elatoque stilo, contra uel tragœdiam comico & abiecto exarari minime debere. Nam ut Aristoteles idem decreuit, eo differt tragœdia à comœdia quod cum omnis poësis imitatio quædam sit, hæc humiliores, illa præstantiores imitantur, deos puta, atque heroas; quos antiquitas tantopere celebrabat.

DE DECORO, ATQUE AFFECTIBVS EXPREMENDIS. quæ res ad actionem pertinere uidentur. *Præf. x.*

*Comœdia melle nitens, quædia crassa, utraq; magis seruet nitent, ut utiq; exigit theatrum. i. aquag. ror ut decet uenerit sibi, ita seruet.*

Singula quæque locum teneant sortita decenter.  
Interdum tamen & uocem comœdia tollit,  
Iratusq; Chremes tumido delitigat ore;  
Et tragicus plerunque dolet sermone pedestri.  
Telephus & Peleus cum pauper, & exul uterque  
Proijcit ampullas, & sesquipedalia uerba,  
Si curat cor spectantis tetigisse querela.  
Non satis est pulchra esse poemata, dulcia sunt,  
Et quocunque uolent animum auditoris agunt.  
Ut ridentibus arrident, ita flentibus adsunt  
Humani uultus. si uis me flere, dolendum est  
Primum ipsi tibi, tunc tua me infortunia lædent.

*Tollit uocem, exclamat Ter. in Aescloph. & colu. etc. rap. à maria Naptuni ubi bon. ait ee, qd dicit Hor. in Poetia. Interdum in x. sedulicant. i. uehementer litig aquarum seruet, seu filibus. i. quæuis, persona imit. in eo Euripides taxatur ab machina Aristophane, quod Telepho & Peleo re gno pulsus uerba nist. magis superba dederit. producat Parrh.*

Pro ampullis uerba turgida, inflata, & gloriosa intellige; quæ lia regum. quæ sesquipedalia uocat, quod iustâ mensurâ excedit mora quadâ nimia, ac maiestate, ut ita loquar, proferuntur.



*Telephe uel Peleu male si mandata loqueris  
Aut dormitabo, aut ridebo. Tristia moestum  
Vultum uerba decent, iratum plena minarum,  
Ludentem lasciua, seuerum seria dictu.*

Omnes qui poeticam prouinciam susceperint, pro suo iudicio maxime quid deceat animaduertant, ut unicuique persone sue partes tribuantur; ipsumque decorum obseruent; cuius ignorantia non modo in uita, sed sepius in poemate, & in oratione peccatur. *ἔστι γὰρ μέγα πρὸς τὸν ἄνθρωπον χεῖρον*, inquit Stagiritas.

Nam etsi pauloante statuimus comœdiam humili stilo, ac uersu conscribendam, tragœdiamque sublimi & elato; nihilominus materia, quæ tractatur, quandoque cogit, interloquentiumque conditio, ut altera alterius uestem induat. Comœdia inquam ipsa in tragicâ altitudine decentissime extollatur, equestremque sermonem, quemadmodum Terentius iratum Chremetem inducit tumido ore exclamantem, ô coelum, ô terra, ô maria Neptuni. Rursusque tragœdia in comicam humilitatē, pedestrem ue orationem deprimatur.

Nam si Telephus aut Peleus; qui cum quondam reges fuerint, regno deinde pulsi, calamitosi atque afflicti latum scribendi campum tragicis præbuerunt; pauperes, extorres, & mendici in tragœdia introducerentur; oportet eos uti sermone depresso ac summissa uoce; ut de sua ærûno sissima uita querentes spectatores ad lachrymas commoueant.

Quis enim tam ferreus esset, qui reges moestos, sordidatos, statumque suum deplorantes, educentesque ab imo pectore suspiria fideis oculis aspiceret? Enimuero cum oratoris proprium sit omnes animorum motus, quos hominum generi rerum natura tribuit, penitus pernoscere; nam omnis uis ratioque dicendi in eorum, qui audiunt, mentibus aut sedandis, aut excitandis exprimenda est, ut finem persuadendi attingat; cumque Ciceronis sententia poeta finitimus sit oratori, numeris paulo astrictior, uerborumque licentia liberior; nō satis erit si pulchrum, politum, ornatum ue poema condatur, nisi etiam suaue, iucundum, flexanimum; aut quod recte affectiones explicans quo-

abit. i.  
Et qual  
am bono  
ci.  
uati.  
rat, u



cunque libeat auditoris animum compellat. Idque fortasse non ea difficultate quisque assequetur, qua arbitrantur. si uidelicet eos affectus, quos audientibus incutere uolet, non absque animi impetu, atque ardore inflammatus euomuerit. Nunquam enim spectator ad mœrorem, luctumue adiget, nisi prius loquentem ipsum mœrore affectum, lugentemue aspexerit.

Nam quemadmodum a natura ipsa hominibus est inditum, ut ridentibus arrideant, hilaritatemque uultu ostendant; ita flentibus tristitiam, squalorem, lachrymasque præ se ferunt. Hi quoque suapte natura maxime persuadent, Aristotele teste, qui perturbationibus affecti sunt; quo fit ut exagitatus exagitet, perturbetque uerissime perturbatus. Nullo quippe modo fieri potest, inquit Cicero, ut doleat is qui audit, aut oderit, aut inuiderit, aut pertimescat aliquid, aut ad fletum, misericordiamque deducatur; nisi omnes hi motus, quos orator illi adhibere uolet, in ipso oratore impressi atque iniusti uidebuntur. Præterea qui personæ cuique congruentem orationem nequaquam tribuet, nullo pacto attentos animos, patentesue aures habebit; quinimo spectantium consensum ad somnum aut irrisum prouocabit, dignus equidem, qui eiiciatur, ac tota cauea exhibetur. At quoniam uultus est imago animæ, mentisque sermo quidam tacitus, idcirco eum orationi, ac materiæ qui loquitur adaptare debet, rebus inquam minacibus iratum, tristibus mœstum, letis hilarem, grauib; austerum, et, si de rebus serijs loquatur seueritatem adhibeat, si de iocosis leporem. Demum illud scitu fortasse non erit iniucundum, quod quemadmodum pulchrum animal, aliudue quippiam ex aliquibus compositum, Aristotelis sententia, non ordine tantum, membrorumque omnium compactione ac symmetria dicitur; uerumetiam & congruenti magnitudine; siquidem unumquodque pulchrum ex magnitudine constat atque ordine; ita & in poematibus magnitudo, qualis in Homericis ac Maroniano, requiritur, ut pulchra iure dici mereantur, eò quidem magis, quod mediocritas in pœsi nullo pacto conceditur.

*abitus i. m.  
et qualitate.*

*non bonarum q. ma.*

*et.*

*uauat i. phibet na inuolans. f. ad humu. i. ad humilitatem, et obiter aduolat ad antiquum morem, quod*

*rat, ut in maiore strati iacerent. Placuit quemcumq.*

*Format. n. 24. Ratio  
præcepti. si n. ingt. lingu  
animi interpi. est, oportet  
ut ea quæ ex prinit, pri  
alia ingt. uideant.  
ad antiquum morem, quod*



*Effert. i. manifestat  
aperit.*

*ut unusquisque populus  
nisi maius abusu esse,  
ad Equestris ordinis, cuius  
erat spectandus in orche  
stra.*

Post effert animi motus interprete lingua. Si dicentis erunt fortunis absōna dicta, *i. non convenientia.* Romani tollent equites, peditesque cachinnum. Assignat nunc auctor animi motus exprimendi modum, repetens eorum, quæ dixit, breuem quandam rationem. Vnusquisque enim naturaliter uarijs perturbationibus obnoxius, intus in pectore cum gaudio, excandescencia, mœrore, alijsque id genus affectionibus moueatur, nunquam alios accendet; nisi oratione, quæ a deo ad exprimēdos animi sensus concessa hominibus est, inflammata eosdem impetus atque ardores expresserit. Quod quidem nullo pacto commode fiet; nisi iucissim ipse animo affectus ad dicendum prodeat. & hinc iure opinabatur Cicero Pacuiuium, cum Telamonem iratum luctu filij furentemque inducebat, leni animo ac remisso nequaquam fuisse; sæpe enim audisse fatebatur poetam bonum neminem (id quod à Democrito & Platone in scriptis relictum esse constat) sine inflammatione animorum existere posse, & sine quodam afflatu quasi furoris. Vnde longe opinione falluntur, ut ego arbitror, qui quosdam poetas uersus amatorios, ni maius græce *ἐρωτικὸς*, ipsos amore non incensos ardenter edidisse opinantur. Nam quemadmodum cupidinis uim nemo unquam, nisi eiusdem prius telis confossus, uere atque ex animo explicabit; ita & rem funebrem nullus uir, etsi eruditissimus, apte conscribet; nisi dolore affectus, eo quidem animi mœrore ad condenda carmina accesserit. Sed quid plura? Nemo est adeo iudicij, poetarum uel lectionis expertus, qui non animaduertat tunc maxime poetam quenque legentem concitare; cū ipse uero animi motu, & quodam quasi furore inflammatus cecinerit. Quis enim epigramma illud, uel potius epitaphium a doctissimo Catullo in fratris inferijs non sine suspirio, ac gemitu ab intimo corde emissum legat? quin pallore uultum mœstitia decoloratum reddat, uox admiserabilem sonum inflectatur, oculique lachrymarum uim profundant? Quod quidem tanquam speculum, in quo affectionum uim omnem, atque ardorem intueri quisque possit, hic apponere fortasse non dedecebit.

Multas per gentes, & multa per æquora uestus

Aduenio ad miseram frater ad inferias;

Vt te



Vt te postremo donarem munere mortis,  
 Et mutum nequicquam alloquerer cinerem.  
 Quandoquidem fortuna mihi tete abstulit ipsum,  
 Heu miser indigne frater adempte mihi.  
 Nunc tamen interea prisco quæ more parentum  
 Tradita sunt tristes munera ad inferias  
 Accipe fraterno multum manantia fletu;  
 Atque in perpetuum frater aue, atque uale.  
 Poeta itaque uolens audientes legentesue suis carminibus com-  
 mouere, prius debet ad unumquemque fortunæ habitum seip-  
 sum informare. Vt si lætum hominem inducere uelit, iratum,  
 aut mœstum; necesse est, ut prius quàm manum paginæ admo-  
 neat, lætitiā, iram, aut mœstitiā ipse animo concipiat; affi-  
 ciaturque uere perturbationibus illis, ut optime exprimat. Si  
 quidem mentis conceptus congruentia uerba subsequuntur, quæ  
 Aristotelis sententia sunt τῶν ἐν τῇ ψυχῇ παθημάτων σύμβολα. Quod  
 si quispiam legem hanc non obseruans interloquentibus perso-  
 nis eam orationem tribuerit, quam secunda aut aduersa fortu-  
 na minime postulare uidetur, ab uniuerso confessu, equitibus  
 pariter & plebe irridebitur.

DE PERSONARVM DIVERSIS CONDITIONI-  
 BUS, ATQUE NATVRIS. *Greg. xxi.*

*Intererit multum Dauid ne loquatur, an Heros,  
 Maturus ne senex, an adhuc florente iuuenta  
 Feruidus, an matrona potens, an sedula nutrix,  
 Mercator ne uagus, cultor ne uirentis agelli.*

Animaduertendum est omnino, ne tantummodo poetæ ad se-  
 cundam aut aduersam fortunam respicientes, eos, qui prospero  
 ipsius utantur flatu, gaudio exultantes gestientesue introduce-  
 re, aut contra eadem reflante mœstos atque afflictos, uarijsque  
 affectionibus congruentem sermonem effingere satis ducant.  
 Nam & diuersæ hominum, quos loquentes fabulæ suscipiunt,

E



conditiones, qualitates, atque naturæ diligenter obseruandæ; ut is decor cuique tribuatur, quem status postulet. obscurus in quam personis ignobilitas, illustribus nobilitas, humilimisque abiectio tanquam proprii colores ascribantur. Interest enim non parum, interloquatur ne seruius an herus (ut heros pro domino accipiamus) quippe illum, cuius uis & fortunæ conditio infima est, ut inquit Cicero, cōtemptū, summissum, semperque dicto audientem esse oportet; cum dominus famulis opera faciunda imponere, recteque imperare debeat; uerba autem, & uindicta non, nisi cum oportuerit, adhibere. Ni maius simpliciter pro Dauo personam quamlibet infimam & abiectam, pro heroe præstantiorem, inque amplissimo dignitatis gradu locatam intelligere. Nam alioqui scriptor personæ cuique congruentes mores, prout eius uita ac natura postulare uidentur, non assignans, pictori iure comparabitur; qui pulcherrimum formæque præstantem iuuenem in tabella effingere conatus, luscum, gibberum, loripedem, simis naribus, labeonem depingeret; tandemque pro Ganymede Therfitē Homericum illum ostenderet. Qui αἰσχρὸς ἀνὴρ ὑπὸ ἱλίον ἦλθε,

φορκὸς ἔην, χαλὸς δ' ἕτερον πόδα, τὰ δ' εἰ οἱ ὦμα

Κυρπὼ ἐπὶ τῇδε στωοχακότε, αὐτὰρ ὑπερδεν

Φόρος ἔην κεφαλὴν. Ὑεδνὴ δ' ἐπενύθε λαχύν.

Quod si senex inducatur, maturitatem, quæ peculiaris eiusce ætatis est, retineat; rebusque agendis accuratam circumspectionem adhibeat; celeritatemque cunctatione compensans semper illud mente fixum habere ostendat, Σπύλλε βρεκδ'έως. Nam iuuenis adhuc florente ætate ferox, sanguineque, ut aiunt, efferverescens uehemens, ac uiolentus impetu animi potius, quam consilij tarditate cuncta aggreditur. Matrona uero opulenta, pollens, fucata, ancillarumque comitatu inflata, pariter uentris atque animi tumorem cum præ se ferat; nutricem uel pedissequam sedulam, diligentemque ad munus suum omnia illius mandata exequi summo studio decet. Rursus poeticis pigmetis mercatorem informare qui uolet, decus seruiabit; si eum huc atque illuc pasim uagari, ac toto foro uolitare, negotiumque suum haud otiose agere finxerit. quippe qui coaceruandæ causa pecuniæ impiger ad extremos currit Indos; ac sæpenumero



nauium iactantibus austris, sortem ualde suam dolens militiam  
nuncupat potiozem. Demum agelli cultor effingendus erit egēs,  
atque tenuis; ut qui terminos agelli sui nunquam aut raro exce-  
dens, paruuli ruris fructibus, ac uoluptatibus contentus, ui-  
tamque degens securam cum bobus ac uomere, procul ab om-  
ni molestia & perturbatione, ea felicitate gaudeat; quam Apol-  
lo Pythius Aglao Psophidio arcadum pauperrimo tribuit. adeo  
ut de eo merito Maronianum illud prædicetur.

Fortunatus & ille, deos qui nouit agrestes,  
Panaque Siluanumque senem, nymphasque sorores.

Illum non populi fasces, non purpura regum

Flexit, & infidos agitans discordia fratres.

Aut doluit miserans inopem, aut inuidit habenti.

Quos rami fructus, quos ipsa uolentia rura

Sponste tulere sua, carpsit. & reliqua.

*Colchus an Aſyrius, Thebis nutritus an Argis.*

Ad hæc natale solum a' poeta perspicendum, cœlique clima, in  
quo quisque natus, educatusque sit; cum diuersæ gentes, ac na-  
tiones inter se diuersis moribus ac naturis differant. Scythæ  
enim, Firmico auctore, feri sunt atque inhumani; Itali sem-  
per regali nobilitate præfulgidi; Galli stollidi; Græci leues &  
fallaces, quorum familiaritates parum fideles uocat Cicero; A-  
phri subdoli ac bilingues, apud quos inhumana crudelitas, per-  
fidia plusquam punica, nulla fides, nulla religio, nullus deorum  
metus, nullum iusiurandum, nihil denique ueri, nihil sancti;  
auari Syri; acuti Siculi; luxuriosi semper Asiatici, & uoluptati-  
bus occupati; Hispani elata iactantiæ animositate præposteræ;  
demumque Græci artibus, Hispani numero, Galli robore, Poe-  
ni calliditate pollent; inquit Cicero. Vnde haud immerito  
Vegetius, quibus e' regionibus tyrones eligendi sint, præ-  
cipiens asserit, cœli plagam ad robur non tantum corporum,  
sed etiam animorum plurimum ualere. Quippe nationes,  
quæ nimio solis ardore exsiccantur, minus habere sanguinis ar-  
bitrantur; & propterea constantiam, aut fiduciam pugnandi



nullam; metuunt enim uulnera qui exiguum sanguinem habere se nouerint. Contra septentrionales populi remoti a' solis ardoribus inconsultiores sunt, largoque sanguine redundantes ad bella promptissimi. At qui in temperatioribus plagis oriuntur, & sanguinis copiam habent ad uulnera contemnenda, & prudentiam circumspectionemque in dimicatio. Præterea non tantum regionis, uerumetiam & urbis, in qua quisque genitus, habendam esse rationem, cum singulæ ciuitates suos habeant mores & instituta, iubet auctor; dum de Thebano atque Argiuo meminit. Nam Colchus & Assyrius prouincias denotant.

DE PERSONIS INTRODUCENDIS. *Præf. xij.*

Orestes post maternā  
cædem tati sceleris cō  
scientia cruciatus in  
perpetuū mœrorem,  
ac deinde furorem in  
cidit. Quī morbus a'  
medicis melancholicus  
nuncupatur. Quam  
rem poetæ fabularū  
inuolucro cōtegentes  
eum a' furijs agitatū  
effinxerunt.

*Aut famam sequere, aut sibi conuenientia finge  
Scriptor; honoratum si forte reponis Achillem,  
Impiger, iracundus, inexorabilis, acer,  
Iura neget sibi nata, nihil non arroget armis.  
Sit Medea ferox, inuictaq; flebilis Ino;  
Perfidus Ixion; Io uaga; tristis Orestes.*

Cum generaliter de unicuique personæ decoro tribuendo pauloante præceperit, nunc ordinatim ostendit, quæ personæ in fabulas admittendæ, distinctionem quandam subiiciens; quæ doque scilicet notas, ut quæ à prioribus poetis celebratæ fuerint, introduci; & tunc famæ maiorum, atque existimationi adhærendum; id est quam opinionem habuerint qui de eis prius scripserunt, eam feruent & posterius. uel si aliquid noui depromendum esset, fingant conuenientia, congruentesque mores tribuant, minime ab illis discrepantes, quos prisca auctores indiderunt. Exempli gratia si Achillem ab Homero poetarum principe adeo celebratum, decantatumque, ut ab Eustathio doctissimo interprete φιλοχολός cognomento uocetur, reponere, aliudue de eo poema contexere uelis; fac effingas talē,



qualem ille prius informatit . appareat inquā in tuo opere impiger, iracundus, inexorabilis, acer, parumque legibus obtemperans; ut qui ius fasque paruipendens omnia armis arroget.

Quæ quidem ad ferocem natura militem spectare uidentur. Sed notandum, impigrum atque acrem uocasse Achillem eiusdem Homeri exemplo; a quo ποδάρκης aliās nuncupatur, πόδας ὠκὺς aliās non sine summa laude. Inter alia enim corporis bona non paruuducendum est cursu præstare. Ad cursum, inquit Vegetius, præcipue assuefaciendi sunt tyrones, ut maiore impetu in hostem currant, ut loca opportuna celeriter, cum usu uenerit, occupent; uel aduersarijs idem facere uolentibus præoccupent; ut ad explorandum alacriter pergant, alacrius redeant; utque fugientium facilius terga comprehendant. Vnde Maro Camillam Volscæ de gente ut bellatricem ac uiraginem, quippe colo calathisque Mineræ non erat assueta manus, sed prælia dura pati, laudibus extollens ei summæ gloriæ tribuit, quod pedum cursu uentos præuertebat. Quinetiam Homerus alibi Antilochum à cursu ita laudauit;

Ἀντίλοχος περὶ μὲν δέειν ταχὺς, ἠδ' ἐν μάχῃ τῆς.

Papyrius quoque e' Romanorum ducibus contra Alexandrum Macedonem, cum Italiam inuadere statuisset, imperator designatus, cursoris cognomentum à pedum pernitate adeptus fuit. Agilitas denique ad currédum cum corporis uiribus ad reliquas exercitationes tertium humanorum bonum, cum primum sit sanitas, secundumque pulchra forma, à Platone habetur in legibus. Cæterū quā Achilles iracundus fuerit, atque inexorabilis, abunde ex longa non modo contentione, sed pene dimicatione, quam cum Agamēnone habuit, apud Homerum cognosces. ei quippe iracundia inerat tanquam animi habitus.

Si quid inexpertum scenæ committis, & audes

Personam formare nouam, seruetur ad imum

Qualis ab incepto processerit; & sibi constet.

Absoluit nunc auctor distinctionis, quam diximus, partem alteram. Ut si quis forte nouam personam, de qua maiores nequaquam meminerint, inducere uelit, summa ope niti, animumque ad id maxime aduertere debet; ut quos mores ab initio ei dederit, quamue naturam, ad finem seruare faciat; ne sibi ipsi non



constare uideatur . absurdum enim esset admodum , si quem a principio grauiem atque seuerum effinxerit , operis progressu scurram , aut prodigum auarum , audacemue timidū ostendat . Vnde Maro passim toto poemate Aeneam suum ob singularem pietatem summis laudibus ad coelum extollens à quibusdam lacescitur , quippe qui sibi contrarius eum postremo impium , inhumanumque inducat . si enim clemens , misericors , ac maxime pius erat , nonne hac Turni supplici prece , humilique obsecratione flecti oportuerat ?

Equidem merui , nec deprecor , inquit ,  
Vtere sorte tua ; miseri te si qua parentis  
Tangere cura potest , fuit & tibi talis  
Anchises genitor , Dauni miserere senectæ .  
Et me , seu corpus spoliatum lumine maius ,  
Redde meis ; uicisti , & uictum tendere palmas  
Ausonij uidere . Tua est Lauinia coniux .  
Vltèrius ne tende odijs .

Nihilominus desinant critici tantum uirum subsannare ; quem potius tanquam artis poeticæ iubar admirari , ac suspicere maxime decet . Subdit enim iustam iræ causam , ulciscendique libidinem ; qua accensus Aeneas iure quodammodo Turni in aduerso pectore ferrum condidit . Et iam si recte poetæ uerba perpendantur , tunc quoque illum ad ignoscendum propensum quisque deprehendet . Inquit enim .

Et iam iamque magis cunctantem flectere sermo  
Coeperat ; infelix humero cum apparuit alto  
Balteus , & notis fulserunt cingula bullis  
Pallantis pueri ; uictum quem uulnere Turnus  
Strauerat ; atque humeris inimicum insigne gerebat .

Patet igitur quod Aeneas supplici Turni prece iam flecti coeperat , uitam profecto condonaturus , ni Pallantis balteum conspexisset ; quem pro Troianis acerbissima morte affectum , & quæ infelici Euandro ad bellum discedens promissa dederat , mente recolens , iustissimus ultor merito interfectorem luce priuauit .



DE IMITATIONE ATQUE CONVER-  
TENDIS FABVLIS. *Bræ. xij.*

*Difficile est proprie communia dicere ; tuq̃  
Rectius iliacum carmen deducis in actus ,  
Quàm si proferres ignota , indictaq̃ primus .  
Publica materies priuati iuris erit , si  
Nec circa uilem , patulumq̃ moraberis orbem ;  
Nec uerbum uerbo curabis reddere fidus  
Interpres .*

*Communia, non pri-  
uati iuris ; quibus o-  
mnes uti possint .*

Quoniam Flacci ætate græcos , quorum monumentis discipli-  
næ omnesque artes ingenuæ illustratæ fuerant , tum præcipue  
poësis ipsa , partim imitando , partim autem interpretando uer-  
tendoque poëmatata exarabant ; adeo ut fabulæ nonnullæ latinæ  
ad uerbum de græcis expressæ fuerint : idcirco de imitatione , cō-  
uertendisque fabulis aliquid præcipere consentaneum duxit .  
Quæret aliquis forsitan , cur Horatius hic imitationem tantope-  
re extollat ; potiusque transferendam esse à græcis materiam ,  
quàm nouam proferre moneat . cum alibi se iactans dicat ;  
Libera per uacuum posui uestigia princeps ,  
Non aliena meo pressi pede ; qui sibi fidet  
Dux reget examen ;  
Innuens doctum uirum , ingenijque uiribus fidentem non alie-  
no auxilio , sed , ut dicitur , marte suo uinumquodque opus ag-  
gredi , atque perficere . Sciat qui de hoc ambiget Romanos , ab  
urbe condita per multos annos Reipublicæ tantūmodo admini-  
strationem , imperij incrementum , atque arma digna duxisse ,  
in quibus elaborassent ; doctrinas uero , omniaque literarum stu-  
dia neglexisse ; ut qui eorum emolumentum ac suauitatem non  
dum degustarant . Poësis enim Romæ sero in lucem prodijt .  
Nam CCCCX . annis fere post cōditam urbem Liuius An



dronicus primus fabulam cōscripsit . Philosophia uero donum  
 & inuentum deorum ad Ciceronis usque ætatem latuit ; quam  
 ipse latinis literis ( ut empedoclea dogmata omittam , quæ Lu-  
 cretius latinis carminibus explicauit ) quantum amicorum cau-  
 sã , atque Respublica otij dabant , illustrandam suscepit . Po-  
 stea nero quàm literæ , ac disciplinæ paulatim in honore , qui qui-  
 dem alit artes , esse ceperunt , tot florentia , ac pene diuina inge-  
 nia in earum studio defudarunt ; à græcorum lateribus nequa-  
 quam discedendo ; à quibus philosophiam , omnesque ingenuas  
 disciplinas habuisse ingenue fatetur Cicero . adeo ut pauci tunc  
 latine scripserint , qui ab illis non mutuati fuerint . Et , ut de  
 principibus tantum loquar , nonne Cicero in philosophicis li-  
 bris modo Stoicos , modo Platonem integrum , & præcipue in  
 officijs Panætium expressit ? Lucretius nonne totum Empedo-  
 clem hausit ? Demumque Maro nonne Homerum , Hesiodum ,  
 atque Theocritum tanquam auidissimus helluo exorbuit ? Nã  
 quemadmodũ Græci a Phœnicibus , qui ab Aegyptijs , doctrinas  
 acceperunt , sic & Romani ab illis . imo Romana lingua adeo  
 cum græca conuenire uidetur , ut iure quodã affines , sororesque  
 iudicentur . Animaduertens ergo Horatius noster quantum  
 Romani eiusmodi cum imitatione , tum interpretatione indige-  
 bant , ut sermo eorum locupletaretur , omnesque scientiæ græ-  
 corum , artesque transmarinæ in Latium commigrassent ( quod  
 quidem Latini fere affecuti sunt hodie , & fortasse quæ a Græ-  
 cis acceperunt meliora , & perfectiora reddiderunt ) considerãs  
 quoque quàm difficillimum sit nouam materiam , aut incognitã  
 proferre , merito decreuit satius esse , ab Homeri Iliade carmina  
 in scenam transferre , quàm poëma noui incognitiq̃ue argumen-  
 ti edere . eo magis quod ille , ut asserit Aristoteles , μιμήσας δρα-  
 ματικὰς ἐποίησεν , καὶ τὰ τῆς καμωδίας σχήματα πρῶτον ἐπέδειξεν οὐ λόγον ἀλλ-  
 λὰ τὸ γέλοιον δραματοποιήσας . ὁ γὰρ μαχέτης ἀνάλογον ἔχει ὥσπερ ἱλιάς , καὶ  
 ὁ δῖος οὐκ ἀπὸ τῆς τραγωδίας , οὕτω καὶ οὗτος πρὸς τὰς καμωδίας . Quod  
 quidem quemadmodum fieri oporteat , regulam subdit ; Rem  
 scilicet publicam , hoc est notam , peruulgatam , a Græcisque an-  
 tea conscriptam effici priuatam , ac suam cuiusque propriam , si  
 non totum opus , quod imitandum sumpserit , amplexabitur ;  
 materiamue omnem continuata rerum serie , ac ueluti ab ini-  
 tio ad



tio ad finem peracto circulo latinā reddiderit . nam locis uilibus ac uulgaribus , nimis tritis & communibus non est insistendum ; quæ neque præstantia neque nouitate legentibus oblectationē allatura existimentur . adhibendum ergo erit acre iudicium ; ut lectu digna , & quæ uoluptatem præbeant conuertantur , indigna uero omittantur ( nam Aristotelis sententia qui rem imitandam non imitabilem sibi proposuerit , sponte sua in peccatum incidit ) & pleraque de proprii ingenij thesauris depromantur ; ne semper imitator ex alterius ore loqui , & tanquam Echo quædam uerba uerbis reddere uideatur . cum alioqui poema concinnum , atque egregium nequaquam euadat ; imo tanquam res uilisissima nulliusque momenti contemnatur . nam quæ omnibus patent , affluentemque sui copiam præbent , pro nihilo habentur . Quod quidem studiose diligenterque , ut omnia , curauit Maro , Homerum imitatus . Sumpsit enim ab eo tantummodo operis formam ; & quæ splendorem dignitatemque suo poemati datura uidebantur , furripuit . Quando uero lineam decori cum transisse animaduertebat ( fieri quippe non potest , ut quandoque Homerus non cæcutiat ) ipse alieno periculo factus cautior accurate agebat . adeo quod unus omnium imitationis scopum attigisse mihi uidetur . Poema denique , quod imitandum suscipimus , debet esse exemplar & imago quasi quædam ; ad cuius similitudinem opus suum quisque effingat ; totum inquam corpus , & non partes singulas conformet . Nam qui uerbum e uerbo exprimit , interpretis munere fungitur . & quod maius , qui uertit etiam minime uerbum uerbo , sed sensum sensui reddere debet ; cum pleraque in contextu græco splendeant , quæ , si ad uerbum transferantur , latinam structuram omnino deformabunt . Multi præterea sensus græce paucis absoluuntur , quos latine pluribus explicare oporteat ; ut ob uerborum concinnitatem sententia arrideat . Vnde qui græcos nonnullos auctores latinos reddiderunt , hoc uitio laborarunt ; dum scilicet fidi interpretes uerbum de uerbo exprimere tentarunt , orationē asperam , horridam , incultam , atque concisam effecerunt ; adeo ut uiu latinam locutionem redoleat . Quod quidem Boetio usu uenisse arbitrantur ; seu quicumque alius primus Aristotelem latine loqui fecit . Verum ne indicta causa talis uir latinæ philo-

F



*Cyclopes filij suarum  
 Neptunij et Amphitri-  
 tes, ministri Vulcani  
 prope Aetnae Siculis no-  
 tem, qui solus fulmina  
 efficere fingunt apud  
 Lipara, quae una ex  
 Aeolij insulis: Et hoc  
 fortasse quod illi, quod primi  
 ferri usum inuenerint.  
 Sic dixi, quod unus oculus  
 orbiculari in fronte ha-  
 berent. Est enim Cyclops  
 circulus, ut aperitur,  
 oculus. Verg. Aen. 8.  
 Ferrum exercebant  
 uani Cyclopes man-  
 tro. Brontesque, Stero-  
 pesque et nudi membra  
 Pyracmon.*

*Quid. li. 4. et Pontus  
 Nec potes inferis  
 inferi Charybdis  
 Achaia, Terminus  
 oportet, ter uocat  
 ille fretum.*

sophiae parens iure uocandus cōdemnetur, ampliandi detur po-  
 testas. Ac primo distinguendum. Nam aut historias conscripse-  
 runt Graeci auctores, quos in Latium quispiam traducere niti-  
 tur; & tunc lex conuertendi, quam tulit auctor, omnino ser-  
 uanda. nihil enim interest si uerba negligentur, dummodo sen-  
 tentiae diligens ratio habeatur. quippe ab historia nil amplius,  
 quam res gesta desideratur. aut orationes. quae quidem non tam  
 sensa, uerumetiam uerba perapposita ac recte collocata, or-  
 namenta quoque dicendi, quae colores uocantur rhetorici, expetunt;  
 ut concinnae, distinctae, ornataeque uideantur. aut disciplinas.  
 & tunc quoad eius fieri poterit uerbum uerbo reddendum; una  
 quaque enim uox accurate est pensanda, ut sensus pateat.  
 Quod equidem in Aristotele ipso enucleando cui non est perspi-  
 cum? saepe enim ac saepius *ἢ* aut *ἢ*, aliaeque id genus mini-  
 me contextus particulae ponderandae occurrunt; quae si omittan-  
 tur, philosophi ordo, qui mirificus habetur, nequaquam con-  
 tinuaretur. Vnde merito doctorum hominum consensus obti-  
 nuit, ut in publicis Gymnasijs antiqua tralatio exponatur. Nam  
 alij politam structuram reddere conati multa intermiserunt; quae  
 alioqui ad sensus integritatem spectabant. constat enim, eiusce-  
 modi auctores non elegantiae, sed doctrinas acquirendi causa a-  
 studiosis uolui; eo magis quod philosophorum oratio mollis,  
 casta, uerecunda, uirgo incorrupta quodammodo, ut quae omnem  
 fucum aspernetur, potiusque sermo quam oratio esse debeat.  
 De poematis autem conuertendis longe alia est ratio. Nam quae  
 admodum imitatio probanda est, ita minime laudandi meo iudi-  
 cio recentiores quidam graecos poetas ad uerbum uertentes, la-  
 tinisue carminibus graeca carmina explicantes; qui profecto ne-  
 que emolumentum, neque delectationem praebent.

Nec desilies imitator in arcum,

Vnde pedem proferre pudor uetet, aut operis lex.

Prosequitur hic demum praecipuum ultimum in imitatione ob-  
 seruandum; ne dum imitando quispiam cuncta uelit consecretari,  
 ex amplissimo poetarum campo in eas angustias incidat, eosque  
 cancellos sibi circundet; unde amplius egredi non liceat, mini-  
 meque in euagationes illas poetarum, quae operis sunt condi-  
 menta, angusto loco circumclusus egredi possit. Nam qui cer-



ros sibi fines ac terminos constituerit, illos transgredi nō debet. & quēadmodum si lex aliquem fontem in insulam relegauerit, alio'ue terrarum angulo habitare iusserit, inde impune discedere nequaquam licet; ita cum imitator poetę sese addixerit, a Cuius scriptis ne transuersum quidem unguem aberrare statuerit, nihil aliud conscribet, nisi quod ille prius dictauerit. Quapropter ei, qui alios imitari uult, maxime cauendum & prouidendum monet; ne sibi ipsi libertatem adimat, sponteque sua in angustum carcerem introeat; unde pedem proferre nunquam ualeat, præsertim quod Cicero (licet de oratore loquatur, qui in hoc maxime cum poeta conuenit) imitatoremi primum elaborare debere in deligēdo duce asserit; deinde quæ in eo, quem probauerit, excellent, ea diligentissime persequi; ne uitiosa cōfectando pene' alter Fufius nominetur; qui C. Fimbriæ neruos in dicendo nequaquam assecutus, oris prauitatem, & uerborum latitudinem, uel, ut Gręci dicunt, *χασμὸς τῆς φωνῆς* imitabatur.

DE HEROICO POEMATE EXORDIENDO.

*Præcepti. x. iij.*

Nec sic incipies, ut scriptor Cyclicus olim,  
Fortunam Priami cantabo, & nobile bellum.  
Quid dignum tanto feret hic promissor hiatu?  
Parturient montes, nascetur ridiculus mus.  
Quanto rectius hic, qui nil molitur inepte;  
Dic mihi Musa uirum, captæ post tempora Troiæ  
Qui mores hominum multorum uidit, & urbes.

*i. ex magno principio re-*  
*ue humilem*  
*pus compo-*  
*er. sed ex*  
*umo. i. re-*  
*uij et dicit*  
Non fumum ex fulgore, sed ex fumo dare lucem  
Cogitat; ut speciosa dehinc miracula promat,

*Antiphaten, Scyllamq;*  
*Nec reditum Diomedis ab interitu Meleagri,*  
*principio luculentū opus edet. Et obiter alludit ad F*  
*clāmā. deo dictū, quj se à rebus dubijs in præsens exitū comieat. Agj Eras-*  
*chil. iij. Cent. vij. Adag. xl.*

*Antiphates, rex fuit*  
*Lastrigorum, Malant-*  
*bi, seu, ut alij uolunt,*  
*Lamj filius, qui Form-*  
*ax oppidū condidit. Hic*  
*cū cæteris Lastrigonū*  
*humane carne uescaba-*  
*tur.*

Hoc uersiculo utimur  
proverbij uice, quoties  
cunque uetosum ali-  
quem ostentatorem si-  
gnificare uolumus;  
qui uerbis quidem mi-  
ra omnia pollicetur,  
re ipsa postea nugas  
allaturus. *De hinc i. pa-*  
*tenna principis troianæ*  
*redat, narret, et pul-*  
*chras et admiratione*  
*dignas.*

*ij prouerbij, de fumo ad*  
*exitū comieat. Agj Eras-*



*Nec gemino bellum Troianum orditur ab ovo ;  
Semper ad euentum festinat , & in medias res  
Non secus ac notas auditorem rapit .*

Animaduertens Horatius nullum opus ad bonum finem peruenire , nisi ab optimo principio inchoatum fuerit ; qui alibi facti dimidium eum , qui coeperit , habere affirmavit ; Ἀρχὴ γὰρ , inquit Aristoteles , μεγάλην ἔχει ῥοπὴν πρὸς τὰ ἐπόμενα , καὶ πλεονὴ τὸ ἥμισυ τοῦ παντός ἐστι , καὶ πολλὰ ἐμφανῆ γίνεται δι' αὐτῆς τῶν ζητούμενων ; merito nunc Cyclici uatum ineptissimi comparatione , atque Homeri , a quo tanquam perenni fonte omnis præstantia defluxit poetica , subiicit regulam de opere heroico exordiando . Quod maiestate reliqua omnia antecedit , & fortasse ob suam magnitudinem poematis nomen meretur . C A V E A T ergo unusquisque ne statim ab initio tumidus inflatusue appareat ; elato turgidoque carmine magna promittat , aut ea polliceatur , quæ præstare haud facile possit . Nam cum opus paulatim assurgere debeat , tantis promissis maiora , uel saltim congruentia quo modo subsequuntur ? quod fecit Cyclicus nescio qui poetæ nomine nequaquam dignus ; qui bellum Troianum cantaturus , nubes & inania captans ita exorsus est.

Fortunam Priami cantabo , & nobile bellum .

Quo quidem principio nescio an quicquam turgidius , & ut ita loquar , uentosius proferri possit . At quid inde ? Qui primū maria , ut aiunt , promiserat , & montes , ueluti a cælo in terrā delapsus in uilia quæque ac uulgaria decidit . Nam si recte uersus ille perpendatur , inuenies tanto flatu , tantoque spiritu emissum , ut ἀδύνατον quasi sit consona suggerere . & quæadmodum operis progressu semper poema maiorem accretionem elationemue recipere oportet ; sic eo carmine præmisso necessario in diminutionem submissionemue præcipitabit ; atque ex montium partu ridiculus mus procreabitur . Vnde recte fecisse mihi uidentur nonnulli doctissimi uiri , acriorique iudicio præditi ; qui Italicum Siliuum ita exorsum ,

Ordior arma quibus cælo se gloria tollit



Aeneadum, Multoque magis Statium sic,  
Magnanimum Aeacidem, formidatamque Tonanti  
Progeniem, Subfannarunt; penitusque ab optimorum  
poetarum coetu eiecerunt. Quod autem subdit auctor, Quā  
to rectius hic, qui nil molitur inepte, optimi præceptoris officio  
fungitur; non enim satis est quod uitium fugiendum sit mone  
re, nisi & uirtutem expetendam proponat qui accurrate uult  
præcipere. Itaque Cyclici exemplo quid in poemate inchoan  
do euitandum cum explicasset, nunc Homeri poetarum omnium  
facile principis quid maxime obseruandum statuit. qui odyf  
seam moderate, scienter, ac summo iudicio ita aggreditur.

Αὐτὰρ μοι ἐννεπε Μοῦσα πολύτροπον, ὃς μάλα πολλὰ

Πλάγχθη, ἐπεὶ Τροίης ἱερὸν πτολίεθρον ἔπερσε

Πολλῶν δ' ἀνθρώπων ἴδεν ἄετα, καὶ νόον ἔγνω.

Quod ipse breuiter appositeque ita interpretatur;

Dic mihi Musa uirum, capte post tempora Troie

Qui mores hominum multorum uidit, & urbes.

Quo quidē moderato equabiliq̃ principio approbavit, incho  
andum esse opus a leui initio, ac deinde paulatim tanquam ab  
infimo fundamento extollendum. Rursum quid modestius ef  
ferri potuerit, quā iliacarum rerum primordium? quo qui  
dem uir ille diuinus ad canendam Achillis iram, ut sibi aspiraret,  
suppliciter musam inuocat.

Μίνιν αἰεὶ δὲ θεὰ Πηνελόπειά τε αἰχλῆσιν

Ὀλομένην, ἣ μυρ' Ἀχαιοῖς ἄλγε' ἔθηκεν.

Πολλὰς δ' ἰφθίμους ψυχὰς αἶψα προΐαψεν

Ἡρώων, αὐτοὺς δ' ἐλώρια τρύχε κύνεςσιν.

Cumque paulopost ad sublimia & rerum miracula ascendat, ex  
fumo clarissimum lumen excitat; & quodammodo ab orci cali  
gine ad coeli splendorem se erigit. Nam ille alius a solis feruida  
rota (ut ita loquar) in Plutonis tenebras præcipitans ex fulgo  
re potius fimum adipiscitur. Vnde decernunt grāmatici Ma  
ronem poema suū inchoasse inde; Ille ego, qui quondā; & nō  
arma, uirumque cano; ut nonnulli arbitrantur. Nam si prin  
cipio statim ab armis intonuisset, Cyclico forsitan assimilaretur.  
Quocirca nequaquam eos admittunt, qui quatuor priores uer  
sus tanquam a Maroniana maiestate diuersos aspernantur. præ



sertim quòd consulto carmina illa perinde atque suarum lucubrationum indicem apposuisse censent; ut quidquid antea conscripserat, de re pastorali scilicet, ac rustica, omnibus notum faceret; ne quis sibi falso uendicaret. quippe tunc surripiebantur carmina; consueuerantque inuidi quidam ex alienis scriptis falsam gloriam aucupari. quod quidem peruulgati uersiculi testantur; qui Maroni ipsi ascribuntur.

Hos ego uersiculos feci, tulit alter honores.

Sic uos non uobis nidificatis aues,

Sic uos non uobis uellera fertis oues,

Sic uos non uobis mellificatis apes,

Sic uos non uobis fertis aratra boues.

Sunt tamen nonnulli alij acrioris iudicij, qui summissam illam, & nimis abiectam humilitatem contemnentes eos uersus tanquam nothos reijciunt; proculque esse à Vergiliana phrasi, & grauitate contendunt. Rursum hos,

Arma uirumque cano, Troiæ qui primus ab oris

Italiam fato profugus, Lauinaque uenit Littora,  
proprium esse foetum, neque meliori principio opus Iliade maius, ut inquit ille, informari potuisse decernunt. Quis enim esset tam iudicij expertus, qui Homericae Iliados atque Odysseæ primordia cum hoc Maroniano mirum in modum conuenire non fateatur? eundemque spiritum ex eodem ore emissum non agnoscat? eò magis quod si quis æqua trutina eiusmodi carmen examinet, neque cum Cyclici uentoso primordio, neque cum Siluij aut Statij tumidis exordiis conuenire deprehendet. Nam etsi prima uox turgidula uidetur, uerbis tamen, quæ sequuntur quid lenius, sedatiusque proferri potest? cum illi contra ad cœlum euolantes iure reprehensionem subierint. Quod equidem ut facilius credam facit illud Propertij,

Qui nunc Aeneæ Troiani suscitât arma,

Lactaque Lauinis moenia littoribus;

Quo sane ad Aeneidos initium alluisse uolunt, & merito; nam paulopost illud Eclogæ

Formosum pastor Corydon ardebat Alexim,

Delicias domini, nec quid speraret habebat,

ita commutauit.



Felix intactum Corydon qui tentat Alexin,  
Agricolæ domini carpere delitias.

Quinimo affirmare audeo, Maronem, si uoluisset, nūquam eiusmodi priores, atque humillimos uersus euomere potuisse. Natura quippe eum ad sublimiora finxit; adeo quod in carminibus pastoritijs Theocriti humilitatem (ut aliās abunde diximus) ac Doricam illam rusticitatem nullo modo expressit. At cum de poematum initio pertractemus, non erit fortasse ab re pauca differere, an à prima rerum origine opus sit inchoandum; & fortasse annuerit quispiam. Nam cum historicus ac Poeta in omnibus conueniant; nisi quod alter numeris solutus, alter de uinctus est; ille ueritati adhæret, hic mentitur, quod quidē nomen indicat; historia rerum ordinem, seriemque requirit; ut à principio gradatim ordinateque contexatur. Testis apud Græcos Herodotus, qui suum Musarum opus ab ultimo initio repetere consentaneum duxit; ac noster Liuius, ut alios omittā, qui Romanorum gesta ab urbe condita, uel paulo altius a Troia capta inchoauit. Nihilominus auctor contrarium decretū profert, adhuc ab Homeri integerrimi ac sapientissimi iudicis sententia non discedens. Poema scilicet non esse à prima rerum origine repetendum; quemadmodum nescio quis reditum Diomedis descripturus ab interitu Meleagri eius patrui nimis alte principium sumpsit. Quod secus ab Homero, e cuius thesauris præcepta omnia depromuntur, factum plane constat. Non enim Iliada à partu Leda; quæ cum à Ioue, ut fabulæ dicunt, sub Cycni forma compressa duo peperisset oua, ab altero Helena totius Asiæ communis Erynnis exclusa fertur; sed potius a Chryse precibus orsus est. Ad hæc qui optimi Poetæ nomen consequi studet semper ad rerum euentum, exitum, ac finem properare debet, minime in primordijs insistens. Quin imo à medijs rebus exordiri oportet, tanquam non ignotis; à medio inquam historiæ inchoantem allicere legentem tanto cū artificio, ut quæ præcesserint, non secus atque omnibus nota, omissa uideantur. Consentaneum quippe uidetur, eum, qui media percallet, & prima ad unguem didicisse. rursus qui rei cuiuslibet originem bene nouerit, facilius media, gradatimque ultima cognoscet. Quod quidem ab Homero diligentissime obser-



uatum patet; multosque post annos a Marone. Qui non a Troia obsessa aut capta, sicuti ordo poscere uidebatur, sed ab Aeneae naufragio hoc initium duxit;

Vix e conspectu siculae telluris in altum  
Vela dabant laeti, & spumas salis aere ruebant;  
Nulla prius facta mentione, unde, aut qua de causa nauigabāt,  
perinde ac si omnibus perspicuum esset. & hoc est quod inquit auctor, Homerum, quem scopum omnibus poeticæ studiosis proposuit, in medias res, non secus ac notas, auditorem rapere. Quis enim tam plumbeus esset, qui Vergilianæ narrationis exordium (ut de nostris quandoque loquamur) legens non animaduertat tanto cum artificio eum incipere; ut rem notissimā legentibus proponere uideatur?

Et quæ

Desperat tractata nitescere posse, relinquit.

Atque ita mentitur, sic ueris falsa remiscet,

Primo ne medium, medio ne discrepet inum.

Videtur hic demum rationem quandam eorum, quæ dixerat, adiungere. Nam quemadmodum historiæ prima lex, est, ne quid falsi dicere audeat, deinde ne quid ueri non audeat, postremoque ut ordinem rerum gestarum seruet; sic Poeta non omnia, sed ea tantummodo attendere debet, quæ tractari cum decoro possint, quæue splendorem operi allatura uideantur, & tanquam sedula apis collectos undique flosculos apportare. Cū igitur huiusmodi delectus habendus sit, ut quædam admittat, quædam uero recuset; non est mirum, si poeticum corpus non ea rerum continuatione æque, ac membrorum compactione, qua historicum, absoluitur. Præterea cum poetarum proprium munus sit mentiri, uerisque falsa commiscere, necesse est quandoque a ueritate discedere, rerumque seriem intermittere, ne historicus appareat. Vnde Homerus ac Vergilius partim ueridici, partim autem mendaces utrunque obseruarunt. Quorum alter iliaci belli, Troiæque à Græcis obsessæ ueram historiam in uniuerso conscripsit; etsi totius operis multas partes ex mendacio composuit. alter uero de Aeneæ in Italiam aduentu, à quo Romani genus duxerant, uera protulit. De Didonis autem furore, quam castissima fuisset asserunt, falsa. multaque alia cō-  
menta



menta excogitauit, quæ falsitate sua non parum delectationis attulerunt. Sed aduertendum, ne dum quispiã ueris falsisque opus uariare conabitur, confusum & permistum reddat; adeo ut medium cum initio, cumque medio finis non conueniat. quod quidem nihil turpius. Nam quemadmodum pictor symmetriam in primis attendere debet, ut unumquodque membrum membro consentiat; sic poetam omni ope niti decet, ut primæ poematis partes medijs, ac mediæ postremis apte respondeant; adeo ut continuatis, interque se coherentibus artibus totum opus perficiatur. Quod quidem ex ijs tribus constare perspicuum est. Presertim quod Aristoteles poematis partes ita inter se coherescere oportere asserit, ne ulla quidem transferri, subtrahiue possit, quin uniuersum corpus uarietur, planeque immutetur. pars quippe id uere dicitur, quod mutatum uel subtractum totum commutat. Quod si aliquis præceptum, quod supra de poematis ordine locutus tradiderat, hic repetere auctorem arbitretur; animu parumper aduertat. atque ibi de totius operis poetici dispositione præcepisse deprehendet; hic uero de poemate inchoando admonentem obiter de ueris cum fictis permiscendis, totiusque operis continuatione legem tulisse, minime fortasse superuacaneum iudicabit.

DE DECORO AETATI CUIQUE  
TRIBVENDO.

*leg. xv.*

Tu, quid ego, & populus mecum desideret, audi.

*i. nis plau* Si plausoris eges aulæa manentis, & usque

*in datri huc* Sessuri, donec cantor uos plaudite dicat;

*tabula* Aetatis cuiusque notandi sunt tibi mores,

*i. exprimē* Mobilibusq; decor naturis dandus, & annis.

*significāti*

*exerientij*

Cum supra eas partes unicuique persone tribuendas uniuerse statuerit, quas conditio, status, atque natura postulare uideantur; nunc aetatis cuiusque rationem diligenter habendam iubet,

G

*Præceptis quo pacto  
q. d. poem. possit at-  
tendit auditor h. r. e.  
id aut. fiet. si mori  
uauit. Aetatis serua-  
bit. nam. n. satis e. f.  
sonax. d. r. r. r. r. r.  
m. r. r. r. r. r. r. r.*

*i. Actor uenit hic qui  
iacta pronuntiat, que  
modis temperatur  
nō a poeta, sed a peri-  
to artis m. u. i. q.*



ut decorum omnino seruetur. Annorum quippe cursus nescio quo pacto cum corporum, tum animorum uim, atque naturā facile mutat; adeo ut ætatum uarietas utrorumque dissimilitudinem faciat. Nam puerorum infirmitas est, ferocia iuuenum, constantis iam ætatis grauitas, senectutis uero maturitas. & hoc est quod a doctis pariter atque indoctis summopere desideratur; quod uē spectatorem adeo attentum detinet, ut præ nimia uoluptate attonitus inhiansque finem fabulæ expectet; ac sine somno asideat, donec aulæa tollantur, actorque postrema uerba edens, VALETE & plaudite, populum dimittat. Qui enim consentaneos mores transeuntibus annis, ætatibusque, quarum naturæ eorum lapsu permutantur, non apponet, stultus iure habebitur; non secus ac pictor; qui adolescentem incuruis humeris, innixum baculo, canisue capillis depingeret. nisi a natura datum esset; quemadmodum de Numa Pompilio legitur, quem canum in iuuenta fuisse perhibent.

P V E R I T I A.

*Reddere qui uoces iam scit puer, & pede certo i. nō uario, nō inbecillo.*  
*Signat humum, gestit paribus colludere; & iram colligit, ac ponit temere; & mutatur in horas.*  
*i. sine cā, nulla cōsilia.*

Reddere qui uoces iam scit puer, & pede certo i. nō uario, nō inbecillo.  
 Signat humum, gestit paribus colludere; & iram colligit, ac ponit temere; & mutatur in horas.  
 i. sine cā, nulla cōsilia.

Generalem pauloante regulam de ætatum moribus obseruandis tradidit, nunc uero sigillatim proprias cuiusque naturas ostendens præcepta subdit. Ac primum de puero. Qui iam ab infantium incunabulis egressus (illi enim cum nondum fari queant, rationeque utantur minime, hominum numero nequaquam habendi) linguæ freno soluto loqui, certisque ac firmioribus passibus ambulare cœperit, prius enim infirmis tremebundus cruribus, compositis gradibus ingredi haud poterat; quinimo, ut illud sphynxis de homine ænigma innuit, τετράπους βίπους, καὶ πάλιν τρίπους, humi serpebat. Proprium ergo huiusce puerilis ætatis erit, cum equalibus & coequis ludere; nam unusquisque naturæ impulsu parem adpetit; ac, ut Homerus inquit, καὶ θεὸς ὁ-

*Verg.  
 fo. 194*



μοιὸν ἀγέῳς τὸν ὁμοῖον; temere irasci, atque e uestigio conceptam  
excandescentiam deponere; inque horas millies mutari; ac de-  
mum ab ipsa uanitate nunquam discedere.

## A D O L E S C E N T I A .

*Imberbis iuuenis tandem custode remoto*

*Gaudet equis, canibusq; , & aprici gramine campi;*

*Cereus in uitium flecti, monitoribus asper,*

*Vtilium tardus prouisor, prodigus æris;*

*Sublimis, cupidusq; , & amata relinquere pernix.*

Tandem hic magnū  
iuuenum desiderium  
exprimit. et apud Ma-  
ronem, iam tandem  
Italia fugientes pren-  
dimus oras.

*De morib; iuue-  
nū Adj. Arist. R.*

*li. 2. c. XXVj.*

Adolescens uero, cui inest maxima consilij imbecillitas, extra  
pueritię fines egressus, adhuc imberbis, remoto pēdagogo eius  
ue artis magistro, in qua eruditur, gaudet equis, canibusque ue-  
naticis; ut optime inquit Aristophanes,

Οἱ μὲν ἴππων ἀγέδον, ὁ δ' ἐ κύνων ἐνεστῆταις;

ac noster Terentius,

Quod plerique omnes faciunt adolescentuli,

Vt animum ad aliquod studium adiungant; aut equos

Alere, aut canes ad uenandum.

Gaudet quoque aprico & patenti campo, in quo equitando cur-  
sandoque se oblectet (quamuis nonnulli proprie campum mar-  
tium hic designari arbitrentur; ut aliās idem, & ludis, & post de-  
cisa negotia campo; in quo uarijs ludis ac certaminibus adole-  
scentes Romani se exercere solebant) quem quidem affectum

Ascanio etsi puero non sine decoro tribuit Maro.

*Verg. Aen. iij.  
l. 194. 12.*

At puer Ascanius medijs in uallibus acri

Gaudet equo; iamque hos cursu, iam præterit illos;

Spumantemque dari pecora inter inertia uotis

Optat aprum, aut fuluum descendere monte leonem.

Præterea ad uitia procliuis admonitiones contemnit, oditque  
monitores; adeo ut iure dici possit, obsequium amicos, uerita-  
tem odium parere. Ea uero, quę sibi emolumento esse possint,

G ij



serius prouidet; cum adhuc neque rerum experiētiam habeat, neque maturæ ætatis prouidentiam, per quam futura conspiciamus. Et cum uoluptati animique appetitionibus obtemperet, necessario est prodigus, ac luxuriosus; ætatis quoque seruo re elatus, tumidus, & gloriosus; quod quidem Homerus ostendit ἡ βῆν ἐρευνάει nuncupans. Ardet etiam rerum omnium cupiditate, ut qui appetitui obnoxius facile cuncta appetat; & rursus quæ ardentem concupiscerat leuitate, atque inconstantia adactus facilius aspernatur. Vnde Aristoteles merito asserit τὸν νέον οὐκ εἶναι οἰκόν ἀκρατὴν τῆς πολιτικῆς; ἐστὶ γὰρ, inquit, ἀπερὶ τῶν κατὰ τὸν βίον πράξεων, καὶ τοῖς παιδείᾳ ἀπολαύσιμος; καὶ διὰ τὸ κατὰ παιδείαν, καὶ δύνανται ἐκαστα.

## AETAS VIRILIS.

*Adj. Arist. Rhe. li. 2. c. xix.* Conuersis studijs ætas, animusq; uirilis  
Quærit opes, & amicitias, inseruit honori;  
Commisisse cauet quod mox mutare laboret.

Ætatis conuersione fieri morum mutationem, studiorumque, re ipsa compertū habemus; qui enim antea adolescens sibi ipsi nimium indulgebat, libidinibusque deseruiens parum rebus utilibus inhiabat; Qui etiam inconstantia stimulis concitatus temere deserebat quæ pauloante ualde optauerat; nunc uirilem adeptus ætatem, totusque ab illo diuersus augendis opibus, conglutinandisque amicitijs incumbit; quæ cum per se sunt optabiles, tum præterea nobis multa bona, & commoda apportant. semper honori inseruit; euigilatque, ut maiorem in dies dignitatis gradum adipiscatur. quod quidem ad felicitatem spectat, auctore Aristotele. In rebus denique agendis consilium, inque eo capiendū prudentiam ac circumspectionem adhibet; ne aliquid inconsulto peregissem postmodum poeniteat. quo nihil turpius. nam sapientis nunquam habitum est, dicere non putarā. uulgatum Scipionis apophtegma.



## SENECTVS.

*Multa senem circumueniunt incommoda ; uel quòd  
 Querit, & inuentis miser abstinet, ac timet uti;  
 Vel quòd res omnes timide gelideq; ministrat.  
 Dilator, spe longus, iners, auidusq; futuri,  
 Difficilis, querulus, laudator temporis acti  
 Se puero, censor castigatq; minorum.*

*de morib; senioꝝ  
 Adj. Arist. Nic. 2.  
 c. xxviii.*

Quemadmodum adolescentiæ uirilis ætas obrepat, ita huic senectuti multis equidem obsessa incommotis; infesta sibi ipsi, atque inimica. senex enim ætatis uitio parcus, tenax, avaritiæque laqueis irretitus magnopere in coaceruanda pecunia defudat (quod uitium hominibus afferre senectutem asserit Mitio apud Terentium, attentiores ad rem ut sint omnes quàm sat est) & quodammodo seipsum torquet, ut numis numos addat. Quibus postea congestis uti non audet, imo, quod absurdius est, ne de summa teruncius detrahatur, arido exhaustoque corpori alimenta necessaria nequaquam suggerit, re uera pauper; cum Aristotelis sententia diues ex usu potius, quàm possessione iudicetur infelix profecto; quippe ueretur sibi omnia deesse, ac solem ipsum, ut ita loquar, proprios denegaturum radios. imo ob inlitam, atque peculiarem quandam miseriam alter Tantalus; qui, ut idem alibi, sitiens pocula à labris fugientia captat. Feruore præterea illo iuuenili, ac sanguine deficiente senex tardus, segnis, timidusque euadit; adeo ut cuncta timide gelideque ministret. Dilator est, qui naturali tarditate res omnes differt & procrastinat; dubius, incertus, anceps. Spe quoque longus; nam quamuis ad exactam ætatem peruenierit, iamque sit capularis, bonam tamen longioris uitæ spem habet; adeo ut nemo sit tam decrepitus, qui se annum non putet posse uiuere. quod quidem animorum immortalitatis firmissimum est argumentum. homo enim quantumuis ætate prouectus ea aggreditur, quæ ob corporis im-

*Dilator qui dicat.*

*spe longus.*



becillitatem, aut uitæ breuitatem nunquam assequetur. ut puta  
 si quispiam nonaginta natus annos procreandi causa uxorem du-  
 cat; oliuetum uē conferendum suscipiat, cuius fructum nun-  
 quam satorem percepisse affirmavit Hesiodus. atqui tamen tan-  
 to studio uere spe longus utrumque recipit, ut sibi uitam cum  
 morte commutaturus nequaquam uideatur. Præterea senio cō-  
fectus iners, ignauus, & somniculosus est; auidusque futuri, *quid uideat*  
 qui ex ante acta uita tot rerum uicissitudines didicerit; ac sem-  
 per futura inquirat, & quodammodo præsentire sibi uidetur ob  
 præteritarum rerum memoriam. quidquid uē in omni negotio  
 euenturum sit, coniectura prospicere, & quodammodo diuinare  
 profitetur. Fit quoque annis defessus asper, difficilis, queru-  
lus, natura loquacior, ab omni facilitate alienus, nullam deni-  
 que sermonis affabilitatem habens, qua animos conciliet. *& laudat*  
 quod magnum odium iuuenum in ipsum concitat, semper præ-  
 terita tempora collaudat; recentioresque uituperans maiorum *pueris*  
 mores admodum extollit; ipse quoque ob uirum defectionem *for eol*  
 à uoluptatibus exclusus quidquid à iunioribus agatur acerbè re-  
 prendit; minime recolens memoria, se olim eiusmodi libidi-  
 num illecebris illaqueatum iisdem animi appetitionibus obtem-  
 perasse. Demum uitæ regula, quam nunc seuerè degit, non au-  
 tem quam olim iuueniliter uixit, omnia metitur. Atque hanc  
 senum intolerabilem naturam apposite Terentius ætatis cuius-  
 que decus obseruans his uerbis expressit. *ut xōm b nouem mō*  
 Quàm iniqui sunt patres in omnes adolescentes iudices, *xil*  
 Qui æquum esse censent nos iam à pueris ilico nasci senes;  
 Neque illarum affines esse rerum, quas fert adolescentia;  
 Ex sua libidine moderantur, q̄ nunc est, nō quæ olim fuit.  
 Et hoc est, quod breuissime inquit author, senem laudatorem  
 temporis acti se puero; præteriti inquam temporis, quo ipse  
 erat puer; nunc uero censorem, iuuenumque acerrimum repræ-  
 sentatorem esse. *pueris* Sed quamuis innumera habeamus exēpla apud  
 poetas cum Græcos, tum Latinos, ut iuuenes ea, quæ iuue-  
 num sunt, ac senes quæ senum obseruare uideantur; illud ta-  
 men Maronis satis uisum est quod adducam, cum Turnum fe-  
 rocem iuuenem, amoreque Lauiniæ, & gloria ardentem singu-  
 lare certamen hac inflammata oratione expostulare facit. *sup*



Nulla mora in Turno, nihil est quod dicta retractent  
 Ignavi Aeneadae; nec quæ pepigere recusent.  
 Congredior, fer sacra pater, & concipe foedus.  
 Aut hac Dardanium dextra sub Tartara mittam  
 Desertorem Asiae; sedeant, spectentque Latini;  
 Et solus ferro crimen commune refellam;  
 Aut habeat victos, cedat Lauinia coniux.

Cui postea Latinum senem corde sedato (temeritas enim est flo-  
 rentis ætatis, senectutis uero prudentia, ac temperatio) ita re-  
 spondentem inducit.

O præstans animi iuuenis, quantum ipse feroci  
 Virtute exuperans, tanto me impenius æquum est  
 Consulere, atque omnes metuentem expendere casus.  
 & quæ sequuntur.

*Multa ferunt anni uenientes commoda secum,  
 Multa recedentes adimunt; ne forte seniles  
 Mandentur iuueni partes, pueroque uiriles,  
 Semper in adiunctis, æuoque morabimur aptis.*

Constituit nunc demum Horatius differentiam quandam inter  
 uenientes recedentesque annos; hoc est inter uirilem corrobo-  
 ratamue, quæ uulgo perfecta nuncupatur, ætatem, ac decrepi-  
 tam. Nam quemadmodum illa multa bona & commoda ap-  
 portat, uires scilicet tum animi, tum corporis, consilium, pru-  
 dentiam, multarumque rerum experientiam; ut cuius propriū  
 sit munus regere: ita extrema & præcipitata cuncta eadem au-  
 fert. capularis enim senex obliuiscitur, delirat, repuerascitque.  
 Quapropter cum ætates tantopere inter se differant, cumque  
 aunorum lapsu homo in uarios mores, ac naturas abeat, ut ita  
 loquar, diligentissime animaduertendum est, ut quid cōueniat  
 cuique æuo tribuatur; ne seniles partes iuueni mandentur, pue-  
 roque uiriles. Notandum uenientes annos appellari a natali  
 die ad quinquagesimum, recedentes uero à quinquagesimo ad  
 uitæ finem, satis scite ex intima Aegyptiorū doctrina. qui ana-

*Anni uenientes qui  
 Annū recedentes*



tomica fortasse obseruatione, ut auctor est Plinius, cor in homine per singulos annos ad binas ponderis drachmas ad quinquagesimum annum accedere existimabant; ab eo postea tantundem detrahi; ideoque neminem uiuere ultra centesimum cordis defectu censebant, cum ad nihilum redigatur. Et hanc putant nonnulli esse causam, quod senes ætate prouectiores repuerascunt; quippe cor, unde uitam habemus, ad pristinum pōdus atque naturam recidit. Aristoteles quoque intellectus operationes semper usque ad annum quinquagesimum augeri, atque inde minui tradit. Iure igitur Flaccus uenientes annos nuncupauit; cum corde enim unā ingenium, prudentia, anni que ipsi uenire, & quodāmodo ad præfinitū tēpus crescere, deinde abire, decrescere, inque interitum præcipitare uidentur. Vnde haud immerito inoleuit dictum, sapienti non esse uiuēdum usque ad plaudite. ¶ Præterea sciendum est, cum diuersi auctores de ætatum numero, ac uarietate diuersa tradant (nam alij septem, alij quinque, alij quatuor, alij tres, alij uero decem gradus constituerunt) Horatium nostrum hic Pythagoræ opinionī adhærere. à qua quidem Cicero non discedit. ille enim humanam uitam in quatuor partes, ætatesque distribuebat; pueritiam scilicet, adolescentiam, iuuentutem, quam uirilem, constantem, & mediam ætatem sunt qui uocant, atque senectam. Quas quatuor anni temporibus comparabat; ueri pueros, ætati adolescentētes, autumnō iuuenes, hyemi autem senes. At qui septē esse astruunt (quantum à Platoniciis excerptimus) planetarum ordinem, ac numerum sequuntur. ut prima ætas, qua alimur, augemur, crescendique tantummodo habemus facultatem, lunæ tribuatur; secunda Mercurio, cum literarum, musicæ, aliarumque artium studia suscipimus; Tertia Veneri, quando turgent membra genitāli semine, inque ipsam Venerem soluuntur, quarta & media soli inter planetas quarto & medio, qui idcirco ab Homero uig uocatur, à Cicerone cor, ascribitur; tunc enim regnat uigor, ætatisque ad florem accedimus; quinta Marti, cum honori gloriæque inseruimus, uictorias & trophæa affectamus. Sexta Ioui, quippe quæ prudentiam & consiliorum maturitatem habet; inque rerum actione, ac Reipublicæ administratione uersatur. Postrema Saturno; tunc enim à procreandis

alt. Diuersos di-  
uersa sentit de æta-  
tum numero.



a' procreandis liberis homines natura ipsa defistere cogit; atque extincto iuuenili calore frigescere, & quodam otio marcescere facit.

## DE TRAGOEDIA ATQUE COMOEDIA.

*Aut agitur res in scenis, aut acta refertur.*

*10 in ari- Segnius irritant animos demissa per aurem, .i. nūtiata*

*eratq; ar- Quam quæ sunt oculis subiecta fidelibus, & quæ*

*latet mouet. Ipse sibi tradit spectator. Non tamen intus, .i. uidet, sumit, & se iudiciū facit.*

*Digna geri promes in scenam; multaq; tolles*

*Ex oculis, quæ mox narret facundia præsens.*

*Nec pueros coram populo Medea trucidet,*

*Aut humana palam coquat exta nefarius Atreus,*

*Aut in auem Progne uertatur, Cadmus in anguem.*

*Quodcunque ostendis mihi sic, incredulus odi.*

Satis superque de heroico carmine supra differuimus; & quam uis de Tragœdia comœdiâque obiter non nulla dixerimus, proprium tamen locū requirere uidebantur; ut singulatim de ipsis sermo haberetur. Ac primo sciendum est Tragœdiam originem duxisse à rebus diuinis. Nam ueteres Athenienses Libero patri hircum uinearum hostem cum mactabant, iocularia quædam peragentes, & fortasse Baccho ipso repleti carmina canebant, quæ ἀπὸ τοῦ τραγίου, καὶ τῆς ὀδῆς Tragœdiæ nomen ascuerunt. quippe in eiusmodi sacrificijs fundebantur, quibus hircum immolabant. Cuius quidem rei hanc Vergilius facit mentionem.

Non aliam ob culpam Baccho caper omnibus aris

Cæditur, & ueteres ineunt proscenia ludi;

Premiaque ingentes pagos, & compita circum

Thescidæ posuere; atque inter pocula læti

H



Mollibus in pratis unctos saliere per utres.  
 Quamuis Aristoteles rerum omnium grauiſſimus auctor tragœ-  
 diam apud Dorienſes, qui in Peloponneſo habitarunt, inuen-  
 tam probet eo quidem argumento, quòd illi ποιῖν δράν, Athe-  
 nienſes uero πρᾶξεν dicebant; ἀπὸ τοῦ δράν conuerſione litere  
 nuncupatam coniectemus; continet enim dramata. An fortas-  
 ſe ἀπὸ τοῦ δράν, καὶ τῆς ὁδῆς? quaſi carmen quod in ſacrificijs cane-  
 batur. id enim uerbum apud græcos non tantum facere, uerum  
 etiam ſacrificare designat. quorum ad imitationem inquit &  
 noſter Marō.

Cum faciam uitula, pro frugibus ipſe uenito.  
 Cæterum tragœdia, ut Ariſtotelicam definitionem ſequamur,  
 μίμησις ἐστὶ πρᾶξεως ἀποδράμας, καὶ τελείας, μέγεθος ἐκούσης, ἡ δὲ συρμένω λόγῳ· χω-  
 ρὶς ἐκείνου τῶν εἰδῶν ἐν τοῖς μορίοις δράντων, καὶ οὐ δι' ἐπαγγελίας, ἀλλὰ δι' ἐλέου,  
 καὶ φόβου περὶ τὰ νοῦσα τὴν τῶν τοιούτων παθήματων κάθαρσιν. Quam quidem  
 deſcriptionem ipſemet explicans ſubdit. λέγω δὴ ἡ δὲ συρμένω μὲν λόγον  
 τὸν ἔχοντα ῥυθμόν, καὶ ἁρμονίαν, καὶ μέλος. τὸ δὲ χωρὶς τῶν εἰδῶν τὸ διὰ με-  
 τρῶν ἐνία μόνον περὶ γίνεσθαι, καὶ πάλιν ἕτερον διὰ μέλους. Comœdiam uero  
 quis primus apud græcos inuenerit, quidam ambigunt. nam  
 apud latinos cum eam, tum tragœdiam togatam primo Liuium  
 Andronicum induxiſſe, pro comperto habetur à grammaticis.  
 Alij itidem apud Athenienſes ortam arbitrantur. qui antequam  
 in urbis mœnia conueniſſent, uicatim in Attica regione habita-  
 bant; & plerumque circa pagos, & compita carmina canentes  
 ſcurrilia ſaltationibus, comellationibusque indulgebant; quod  
 hodie feſtis diebus à paganis fieri paſſim cernimus. atque inde  
 comœdiam ἀπὸ τοῦ κωμᾶζειν καὶ ἄδειν nuncupatam emanari uolūt.  
 Alij ἀπὸ τοῦ κώμου καὶ τῆς ὁδῆς deducunt, ut ſit conuiuiale carmen.  
 Nam in conuiujs iocoſo quodam carmine ciuium uitia inuen-  
 tus liberius taxabat prius, quàm ars, ac theatrorum conſuetu-  
 do acceſſiſſet. Ego tamen eidem Ariſtoteli adhærendum cen-  
 ſeo (cum eo enim errare malo, quàm cum alijs bene ſentire)  
 qui itidem comœdiæ originem Dorienſibus tribuit, Siculis in-  
 quam & Megarenſibus, eodem etymologiæ argumento. ut co-  
 mœdos non ἀπὸ τοῦ κωμᾶζειν dictos, ἀλλὰ τῇ κατὰ κώμην πλάνῃ ἀτιμαζο-  
 μένους ἐκ τοῦ ἄφρωνος credamus. illi enim κώμης περιγίδιας appellant,  
 quos Athenienſes δῆμους. Vnde eos fuiſſe comœdiæ inuento



res coniiciunt (quamuis ob nimiam Aristotelis breuitatem obscuritatemque potius diuinare oporteat) qui in urbe despectui habebantur; adeoque ab omnibus spernebantur, quod extra mœnia uagari per pagos & uillas coacti maledicta in ciues spargebant, unumquenque nominatim subsannantes. unde paulatim ἀρχαία κομπῆσι, quæ omnium uitia nimia cum licentia taxabat, initium sumpsit. Alij quidam uerba Aristotelica secus interpretantes urbanos fuisse arbitrantur, qui primo carminibus peccata taxare cœpissent. cumque ob linguæ uenenū ciuitati odio essent, pariterque ab omnibus inhonorati despicerentur, urbe excedere coacti circum pagos errarunt; eosdemque ciues uersuum contumelijs lacerantes κομπῶσιν iure nuncupati fuerunt. Quod ut facilius credam facit idem Stagirita, asseuerans comœdiam initio latuisse, quod parum sui studiosos habuerit; honorem enim, qui alit artes, augetque, nequaquam adipiscebatur. Caterum quis personas, prologos, hystriionum multitudinem, aliaque id genus protulerit, prorsus obscurum est. Confringere autem fabulas, quod quidem a Sicilia primum emanauit, Epicharmus & Phormis instituerunt. Quoniam uero omnes poetæ, quicunque Heracleida, Theseida, aliaue id genus poemata conscribentes, cum unus fuerit Hercules, unam ipsius oportere esse fabulam arbitrabantur, Aristoteli peccasse uidentur. cuius equidem sententia unaquæque fabula non circa unum quolibet uersatur, ut illi putabant. quippe multa genere indeterminata ac uaria contingunt, ex quibus unum quid fieri, ac simplex nequaquam potest; præsertim quod unius quoque plures sunt actiones ac diuersæ; adeo ut ob earum omnimodam uarietatem fabula admodum splendescat, a diuersis que actibus sua ornamenta accipiat. Idcirco auctor antequam ad alia de Tragœdia comœdiaque præcepta descenderet, de eis aliquid præcipere consentaneum duxit. Ac primo rem quandoque fabulæ uel partem in scenis agi, spectantiumque oculis subijci apposis gestibus commonefacit; aut uerbis tantummodo referri, hystriionum uero actione minime decorari; quippe quæ narranda sint, & non re ipsa ostendenda. oculorum tamen sensus, ut inquit Plato, cum in nobis acerrimus sit, ijs magis afficimur, quæ cernimus, quàm quæ audimus; maioremque oculis quàm auribus fidem præ



stamus. ὁτι καὶ τῶν πρῶτον ὁφθαλμοῖς. adeo quòd semper ambigere solemus de ijs, quæ ab alijs accepimus; quæ uero oculis sentiuntur, statim in mente insidunt, animo quæ infixæ manent; qui naturæ impulsu multo magis aspectu, quàm auditu delectatur. atque hinc merito Horatius oculos fideles nuncupauit. Quapropter maiorem oblectationem præbere fabulas, quæ actu ipso, quàm quæ sermone exprimuntur, multo quæ magis rerum spectatores quàm audientes affici, omnium iudicio comprobatum est. Excipiuntur tamen non nulla; quæ nullo modo oculis proponenda sunt, sed intus ac semoto loco gerenda; quippe quæ mirum ad modum turpitudine fordescant sua. Exempli causa si mulier in fabula à iuvene constupranda induceretur, non foris omniumque ante conspectum turpis illa obscœnitas ostendenda; sed potius occulto scenæ loco uim illatam spectatores auribus accipiant. Mulier itidem parturiens uoces tantummodo, ut omnis confessus andiat, Lucina fer opem, emittere debet; nimis enim esset indecorum, rem eiusmodi turpem atque inhonestam oculis obijcere. quemadmodum artificiose Terentius Glycerium parientem occulte, intusque in domo opem Lucinæ implorantem ita inducit;

Iuno Lucina fer opem, serua me obsecro.  
Quam quidem muliebrem ciulationem idem aliàs Pamphilam abdite enitentem edere facit. ubi uox tantum audiebatur. Et hoc est, quod auctor innuit, mea sententia; dum inquit, quæ digna sunt intus seorsumque geri, minime in scenam esse proferenda. S V N T præterea quædam alia penitus ab oculis, atque omni actu tollenda, ut neque intus neque foris agi sentiant spectatores, sed tantummodo, si libeat, narranda. præsertim quòd Aristoteles præcipit ita fabulam esse contexendâ; ut et sublato spectaculo, quæ cõtigerint quispiã percipiens misereatur, exhorreatue; quod quidem in Oedipodis fabula deprehendisse fateatur. Esset enim turpe atque indecorum, si Medea coram populo filios trucidans introduceretur; aut Atreus fratri filios edendos appositurus eorum exta torreret; Progneue in hirundinẽ, aut Cadmus in anguem abire uideretur. quæ quidem tanta feritate ac turpitudine referta sunt, ut si conspicienda proponantur, nullo pacto fidem, sed potius odium adipiscantur. Quis



enim matrem suos filios, quos ardentissimo amore naturæ impulsu prosequitur, iugulare credat? aut iugulantem aspiciens eiusmodi inhumanam sæuitiam non aspernetur, abhorreatque? ita ut sæuo offensus spectaculo amplius ad theatrum accedere non audeat. Quo circa monstrifica huiusmodi portenta, ab humana natura prorsus aliena poetæ quam breuissimè pertractanda suscipiunt; ne si longa uerborum ambage exponeretur, in odiū offensionemque auditorum incurrerent. Nam a Græcis Timomachus ac Theon poetæ minime laudantur; quorum alter Medæ in filios sæuitiam, alter Orestis in matrē conscripsit. Quid? non ne Homerus forsitan nimius fuit (obscœna enim quoque breuiloquium postulant) in describendo Iouis concubitu cum Iunone in Idæ uertice? & fortasse nescio quid libidinis redolens? cum inquit,

Ἀγκὴς ἔμαρπτε πρόνου παῖς ὡν παράκοιτιν;

Et rursus, ἔχε δ' ἄγκας ἄκοιτιν. Contra Maro noster admodum parce, & sobrie, ut ita dixerim, Didonis atque Aeneæ uenereum complexum expressit;

Speluncam Dido, dux & Troianus eandem

Deueniunt.

Quo quid breuius in re turpi explicanda, quid concinnius, quid denique modestius dici potuisset? Quintilianus præterea uir eruditissimus in oratione operienda esse non nulla monet (ne id in pœsi tantummodo obseruandum putemus) quemadmodum & Apelles imaginem Antigoni late re tantum altero ostendit, ut amissi oculi deformitas lateret. Et quod maius est, historici quandoque breuibz perstringūt, cum turpe quid inhumanumue dicendum occurrerit. ut ex Liuiο nostro historiæ parente liquet. qui breuiter, stricteque Lucretiæ stuprum, tanquam rem flagitiosam, ac sumptum de filijs Bruti coram patre supplicium, perinde atque sæuum facinus enarrauit. Fieri quippe non potuit, si pluribus uerbis explicare uoluisset, ut filij inter tam horrendum mysterium gemitu, lachrymis, aut uultu denique mœsto exanguique patrem ad comiserationem adducere non tentassent; aut uerba quædam ultro citroque patris ad filios, eorumque ad parentem ante miseriam pœnam non fuerint habita. Quæ quidem omnia Liuius prudens tanquam inhumanitatis plena silentio prætermisit.



Nihilominus cum perturbationes, auctore Aristotele, in tragœdia captandæ sint recensendo terribilia; ut puta si fratrem frater, filius patrem, mater gnatum, aut ille matrem necauerit (nā si hostis hostem obtruncarit, non ita spectator, auditor uel commouebitur) qui proinde receptas fabulas haud esse mutandas de creuit, uerbi causa Clytemnestram ab Oreste interfectam, Eriphylem ab Alcæone. quæret aliquis, qua de causa Horatius a tãto philosopho diuersus eiusmodi horribilia argumēta aspernetur? cui respondendum, uetustissimos poetas omnes fabulas sine delectu suscepisse (nam & Euripides Medeam filios necantem induxit) quas posteri ab illorum scriptis acrius adepti iudicium, ac prudentiores facti recusarunt. Fieri enim nescio quo pacto uidemus, ut homines annorum cursu acutiores ingenio, perspicacioresque euadant. Et ideo non mirum, si cum Aristotele Flaccus quandoque non consentit. Quippe ille ab antiqua poesi non discedens artis poeticæ normas tradidit; hic autem uates, quod quidem permultam interest, cum maiorum tum iuniorum poemata perpendens quædam admittit, quædam uero non probat. Nam & ipse peripateticorum princeps ueterum philosophorum dogmata taxans antiquam philosophiam balbutientem nuncupauit. quod si ab eorum opinione in rebus philosophicis quasi semper dissentire sibi licuit, cur & auctori nostro in poeticis cum ipso semel non conuenire crimini dabitur? An potius (ut eos concordia copulemus) Aristotelem portenta eiusmodi non gestibus aperienda, sed narratione statuuisse dicamus? eo magis quod ipsius decreto tragœdia nequaquam continere debet nefaria, scelestæ, inhumana uel. etsi terrificum miserandumque argumentum requirit, eamque semper ab infelicitate terminari ars postulat. In quo quidem Euripidem a substantium morfu idem uendicat, omniumque poetarum maxime tragicum sibi uideri asserit. Vnde & a Cicerone tragœdiæ aliàs pro admirabilibus rebus, aliàs pro lacrimosis questibus, queribundis uel luctibus usurpantur.



## DE ACTIBVS.

de quinq; personis spera Aeron intelligit. i. prolixior.

Ne ue minor quinto, neu sit productior actu

placet et Fabula; quæ posci uult, & spectata reponi. i. quæ semel acta & uisa est

lectare. Nec Deus intersit, nisi dignus uindice nodus

Inciderit; nec quarta loqui persona laboret.

Aristoteles in uniuerso fabularum decentem, ac iustam magnitudinem circumscripsit; cum ad prosperam fortunam ab aduersa, aut a prospera in aduersam, rursus a commodis ad incommoda mutata fuerit; uel contra. Horatius autem ad partes descendit. ac primum quinque actus in quacunque fabula requiri, nec plures, paucioresue ostendit. Nam secus nullo modo uoluptatem præbebit, semelque spectata amplius non desiderabitur, tanquam indigna quæ reponatur. *¶* Dij uero, quos cuncta inspicere fatetur Stagirita, nunquam introducendi, nisi nodus inciderit diuina manu explicandus; aut difficultas, quæ uires excedens humanas opem deorum postulet. *¶* In actibus uero ipsis quarta interloqui persona quàm raro debet. quod si quandoque admittatur, pauca, uel secum ipsa insulfurret. quemadmodum ab omnibus, tum præsertim a Plauto ac Terentio obseruatum uidemus. *¶* Vnde minime audiendi sunt, qui Horatiū hic decreuisse arbitrantur, nullo pacto quartam personam in scenam esse recipiendam. Dramata enim nonnulla cum græcorum, tum latinorum deprehenduntur, in quibus quarta loquitur; paucis tamen uerbis, uel seorsum ab alijs. Quod quidem innuere uoluit auctor, dum inquit; nec quarta loqui persona laboret; poetam laborare, aut affectare prohibens, ut quartam personam studiosè interponat; quinetiam quod eius fieri poterit euitare iubens. Quod si omnino res ipsa expostulet, tunc præceptum illud esse seruandum; ut scilicet raro & paucaloquatur, uel sola secum murmure. Quod equidem cum passim apud omnes comicos obseruetur, exempla adducere nolo, ne uidear yracundus & di-

iter recitari.

Nec pauca. i. ne interueniat deus in comedijs, uel quauis pro amare finis incedenti notus. i. difficultas res difficultis, quæ ab explicari non possunt. *¶* Dignus uindice. i. uia dicente, exponente, et liberante te ab ignorantia rerum.

Ultima Aeronis expostio in magis arripit. Tunc numini personam inserenda, quæ adeo difficultis res sit, ut non nisi interuentu numinis explicari possit. aut ea moliamur, quæ uires excedat humanas.



ECPHRASIS IN HORATII

vas. Quidam alij legem supra latam de inducendis dijs ad immortalium implorationes Musarum/ue inuocationes referunt; quibus poetę proprijs ingenij uiribus diffisi utuntur, non tantū in poematum primordijs, uerū etiam quotiescunque res arduę, ac difficillimę, quę deorum ope indigeant, explicandę occurrunt. Quod fecit Homerus,

Ἑσπετε νῦν μοι μούσαι δόμῳ δάματ' ἔχουσσαι,  
ὅππῃ δὴ πρῶτον πῦρ ἔμπεσε νηυσὶν Ἀχαιῶν.

cuius æmulatione inquit & Maro,

Pandite nunc Heliconæ deæ, cantusque mouete. & rursus  
Nunc age qui reges Erato, quæ tempora rerum.

*Aen. ix. et opera  
subdit. Huius sunt  
uere animarum  
ministrat.*

Vel cum res magna, quæ humanam excedere facultatem uideatur, ab aliquo perficitur, tunc numinis interuentu peractam esse fingunt. Vnde idem Maro Turno per mediam Troianorū urbem eadem facienti Iunonem animos uiresque ministrasse asseruit; cum alioqui nūquam incolumis euasisset. Homerus quoque tum Græcis tum Troianis, si quando præclara ac mirabilia facinora obibant, semper deos adfuisse finxit. Neque obstat, quòd locus hic nullam de heroico poemate mentionem continens tragœdiæ tanquam proprius, atque comœdiæ tribuatur. Nam leges toto hoc opere mixtas quodammodo tradit; adeo ut multa supra præceperit, cum de heroico disseruit, quę ad tragicam comicamque rem attinere uidentur, & nonnulla hic quę ad heroicam. quod quidem iure quodam fieri quis nesciat? quippe omnia poematum genera quandam inter se cognationem habent; multaque præcepta communia æque participant. Demum quorundam sententię occurrendum. Qui Horatium, cū de introducendis dijs leges sanxerit, ad tragœdiam tantum respexisse autumant; quippe comica humilitas deorum maiestatem non requirit; ac Cicero tragicos poetas, cum explicare argumenti exitum non possunt, ad deos confugere affirmat. neque animaduertunt Plautum induxisse Iouem, Mercurium, Larem, Arcturum, atque Silenum. Quòd si rursus obijcient, ideo Amphitryonem deos accepisse, quoniam tragœdiam participat; nam Lar, Arcturus, ac Silenus coelestium nomine nequaquam digni, & quamuis Dij essent non in actibus loquuntur, ἀλλὰ προλογίζουσι; uoluant græcas comœdias, & quandoque immortales admissos fuisse



fuisse comperient.

DE CHORO.

*Actoris partes chorus, officiumque uirile*

*Defendat; neu quid medios intercinat actus,*

*Quod non proposito conducatur, & habeat apte.*

Vetustissimi fabularum auctores choros, ut actus distinguerent, excogitarunt; utque spectatores, dum ab uno ad alterum transitio fieret, commodius detinerentur; ne mora illa, & fastidio quasi quodam abaliarentur. Qui quidem nomen habuerunt, auctore Platone, hoc est à gaudio & uoluptate quam præbebant. Quidam alij non choros post unumquemque actum admitti solitos hic intelligunt, sed cœtus plurium personarum atque conuentus, quos Græci cum alijs interloqui faciebant, ut plurium multitudo unius personæ uice fungeretur. Cuiusmodi apud Aristophanem rusticorum senumque chori.

Vnde & à corona non nulli id nomen deducunt. Vtunque sit, tradito pauloante de actibus præcepto, merito nunc Horatius de choro, altera fabularum parte, ad differendum transit.

Ac primo iubet eum defendere oportere illius partes, qui fabulam agit; hoc est, non nullorum sententia, defendat chorus quas partes quisque egerit actor, aut personam sumpserit; nam si uirilem, tunc uirorum debet esse chorus; si muliebrem, mulierum. Quippe utrunque cōcedunt. imo, quod notatione dignius est, Aristophanes nebularum ranarumque choros induxit; eo quidem artificio; ut ab interloquentibus accersitæ personis, quæ prius de eis meminerint, aduentasse uideantur. Socrati enim nebularum chorus adfuit, Charontique ranarum; qui eas prouocant. adeo ut nunquam chorus ab actore discedens eius quodammodo partes defendere iure dicatur. & id fortasse innuit Aristoteles; cum inquit, chorum esse totius fabulæ particulam quandam, quod quidem concertare uertunt; unâ enim cum actore certare uidetur, & tanquam σύμμοχος in pu-

*Actoris partes est: ut Aeron. exponit; i. nō multarū personarū partes suscipiat, qā in choro. mēti sunt, sed uirile partē tueat: i. unius uiri.*

*Alij, suscipiat sibi chorus, suscipiat uē quas partes quisq; actor fecerit, uiriles an muliebres. Vt*

*unū cōmetet hīstoriā, nō oēs simul. Et officiū uirile dicitur: i. siq; agit, uir signū laudet. sed multo malius. Actoris partes chorus defendat: i. sibi tūq; propria sumat rēpiat uē, quæ, ubi ipse interponit, agit. Officiū quoq; uirile defendat: i. sit licet chorus feminarū, aut siq; leuior erit, sermonē semp grāuē et uirile retineat.*

*ris partes chorus defendat: i. sibi tūq; propria sumat rēpiat uē, quæ, ubi ipse interponit, agit.*

*Officiū quoq; uirile defendat: i. sit licet chorus feminarū, aut siq; leuior erit, sermonē semp grāuē et uirile retineat.*

*Officiū quoq; uirile defendat: i. sit licet chorus feminarū, aut siq; leuior erit, sermonē semp grāuē et uirile retineat.*

*Officiū quoq; uirile defendat: i. sit licet chorus feminarū, aut siq; leuior erit, sermonē semp grāuē et uirile retineat.*

*Officiū quoq; uirile defendat: i. sit licet chorus feminarū, aut siq; leuior erit, sermonē semp grāuē et uirile retineat.*



gnam descendere, cum ambo ad eundem scopum tendant; alij suffragari, quippe fauet actori easdem partes suscipiens, quas ille prius sumpserit. Alij locum hunc secus interpretantur; ut sit sensus, actoris partes defendat, id est unum commendet histrionem, suscipiatque, non omnes simul; quippe, ut inquit Aristoteles, τὸν χορὸν δὲ ἓνα δὲ ὑπολαβεῖν τῶν ὑποκριτῶν. Officium quoque uirile defendat. Sit licet inquam chorus foeminarum, aut si quid leuius est, sermonem semper grauem & uirilem retinere debet. Nam quid nebulis inanius, uentosiusque effingi potuisset? & tamen uerborum maiestatem, sententiarumque grauitatem earum chorus seruare unusquisque deprehendet apud eundem Aristophanem. Nam cū chorus grauitatem quandam, seueritatem, atque censuram postulet, uirtutem ac probitatem collaudare debebit, minimeque intercinere quæ cum proposita materie haud cōuenire uidebuntur. & hoc est, quod Flaccus; Actoris, uel (ut in alio exemplari legitur) auctoris partes chorus defendat; id est sibi tanquam propria sumat, recipiatue, quæ, ubi ipse interponitur, aguntur; demūque ea cantet, quæ ab actibus, ac re ipsa nullatenus discrepabunt. Itaque materia, quæ tractatur, congruentia suscipiens, auctoris, actorisue partes defendere iure dicetur, & tanquam causæ patronus semper adesse. Quam sententiam ut maxime probem, cogunt uerba, quæ sequuntur;

Neu quid medios intercinat actus,

Quod non proposito conducat, & hæreat apte.

Quibus equidem perspicuum reddit Horatius, quod breuissime ac nimis obscure dixerat. Nam quod officium uirile defendere itidem iussit, clarius & magis abunde explicat his carminibus; quæ statim subiicit.

Ille bonis faueatque, & concilietur amice;

Et regat iratos; & amet peccare timentes.

Ille dapes laudet mensæ breuis, ille salubrem

Iustitiam, legesque, & apertis ocia portis.

Ille tegat commissa; deosque precetur, & oret,

Vt redeat miseris, abeat fortuna superbis.

Chorus præterea uirili officio fungi debet, perinde ac uirtutum defensor quidam acerrimus; bonis inquam fauere, integros ex-



tollere, eorumque beneuolentiam captare; iratos compescere,  
& moderari; probos diligere, ut qui uirtutis amore a peccatis ab  
horreant; frugalitatem, ac temperantiam approbare; parsimo  
niam, quæ cōquisitissimos respuit cibos apparatusque regium,  
aspernari. salubrem quoque iustitiam, quippe quæ uirtutum  
omniū regina ius suū cuique distribuat, cōmendare; ac leges ipsas  
illius ministras, quæ supplicio improbos afficiūt, tuenturque bo  
nos, summis laudibus efferre; necnon tranquillæ paci suum præ  
conium tribuere (ea enim urbium portas tuto patere, homi  
nesque nimio otio affluentes securam, ac placidissimam uitam  
degere finit) occultare præterea debet choris arcana, quæ sibi  
credita fuerint; fidoque silentio danda, quæ alicuius fidei com  
mittuntur, minimeque propalanda esse demonstrēt, cum uiri  
pectus sepulchrum quoddam secretorum omnium reconditum  
esse deceat. Demum si calamitate afflictum quenquam fabula su  
sceperit, tum chorus deos precabitur immortales; ut miseris bo  
nam fortunam, superbis uero malam reddant.

## DE TIBIIS AC FABVLARVM INCREMENTO.

Tibia non, ut nunc, orichalco uincta, tubæq;

Aemula, sed tenuis, simplexq; foramine paucō

Aspirare, & adesse choris erat utilis; atque

Nondum spissa nimis complere sedilia flatu.

Quo sanē populus numerabilis, utpote paruus,

Et frugi, castusq; uerecundusq; coibat.

Postquam coepit agros extendere uictor, & urbem

Lator amplecti murus, uinoq; diurno

Placari genius festis impune diebus;

Accessit numerisq; modisq; licentia maior.

Indoctus quid enim saperet, liberq; laborum,

Et cunctis sine lora

Nōdū spissa Acron  
cōiūgit ad, uiles, hoc  
scū. Nōdū erat uiles  
tibia ad sedilia, popu  
li complenda: ut Hor  
ad spissa, & tulerit  
hoc scū. Tibia illa  
tenuis et simplex  
foramine paucō ut  
li era

Antiquitas unicuique  
statim nato duos ge  
nios tribuebat, boni  
a grecis si d' αἰσχροῦ, ac  
malum κακοῦ αἰσχροῦ  
spissa  
I ii mōis. i. spectatori  
na.



nuncupatos . unde et Rusticus urbano confusus , turpis honesto ?

Sic priscae motumq; & luxuriam addidit arti .

Tibicen , traxitq; uagus per pulpita uestem .

Sic etiam fidibus uoces creuere seueris ,

Et tulit eloquium insolitum facundia praeceptis

Vtiliumq; sagax rerum , & diuina futuri

Sortilegis non discrepuit sententia Delphis .

Quemadmodum Græci choros diuidundis actibus adhibuerunt ,

ita Latini tibia excogitarunt ; in graui comœdia dextras , quæ

grauem sonum , in leui sinistras , quæ acutum emittebant ; ut

congruenti cantu cum fabularum leuitate , aut grauitate conue-

nirent . atqui ambæ adhibebantur , cum mixta e genere utroque

erat comœdia . Quamuis alij priscos in omni fabula utrisque usos

contendant , M. Varronis uerbis , etsi perobscuris , adducti . Qui

inquit . Dextra tibia alia est quàm sinistra , ita tamen sit quodam

modo coniuncta ; quod est altera eiusdem carminis modorum

incentiua , altera succentiua . Et paulopost idem tibiam sinistra

à dextræ foraminibus succinere asseuerauit . Vnde conijciunt

( etsi Varro ibi de pastoralibus tibijs loqui uideatur ) à dextra

cantum inchoari solitum , quæ quidem pleniori sono perstrepe-

bat , posteaquæ sinistra moderari , quæ summissiori uoce respõ-

debat . sed utcunque fuerit , ad auctorem nostrum reuertamur .

qui cum pauloante de choro , quem Græci inuenerunt , præcep-

tionem tradiderit , merito nunc continuato ordine de tibijs me-

minit ; quæ apud latinos uice chori habebantur . ac per digres-

sionem quasi quandam suorum temporum luxuriam subfannās

antiquorum modestiam , ac temperantiam dignis laudibus pro-

sequitur . Tibia quippe uetustis temporibus non ex aurichalco

compacta , qualem posteri habuerunt , tantaque uocis magnitu-

dine intonans , ut tubam imitaretur , sed tenuis , simplex , pau-

cisue , aut ad summum quatuor terebrata foraminibus chori lo-

cum occupabat ; ac tenui sonitu sedilia complebat , nondum

conscribentibus , potenterq; oris ornamentis , artificijs , fucis , rebusq;

facundia adiunxit , quæ præcipite uolauit . Hor. Fugit ut alij . Facundia

ps. i. uelox , celeris , utq; nimia hostiis fermentatione in fabulas proferat

eloquijs intulerit , noui , insoliti , ac maioris incogniti . ut potius , facundia

præcipi. i. ornata , fucata , ornatio atq; redundans , absq; raro dignitate ,

tantiarumq; grauitate . ut poeta dixerit ad oratoris quorsuam eloquentiam ual-

linaua celeri et exercitata , tanquã præcipites torrentes in cauis dicta



spissa; rarus quippe erat populi cōfessus; adeo quòd facile propter hominum paucitatem numerari poterat. Modestus tamē, castus, uerecundus, ac denique frugi, iustus, fortis, & temperans; nam, ut inquit Cicero, frugalitas fortitudinem, iustitiā, & temperantiam complectitur. Postquam uero Romani inimicos populos debellarunt, imperiumque propagarunt, unaque cum triumphis creuit hominum multitudo, urbis moenia dilata-  
 ri oportuit, ut frequentiorem populum, uictoremque gentium caperent. Itaque paulatim cum urbis incremento in morum nimiam licentiam prolapsi, libertatemque uiuendi, à prisca illa continentia omnino degenerarunt. adeo quòd festis diebus, nulla lege, nullaue censoria nota prohibente, lautis lartisque conuiuijs per totum diem uino se replentes incumbabant. Nam Genio indulgere dicuntur, qui animi appetitibus obsequuntur; dapibusque, uino, ac somno, prout illi iubent, se se addicunt. hinc genialem diem, lætum, hilarem, uoluptarium nuncupant, & genialem lectum Veneris uoluptatibus dicatum. Contra uero Genium defraudare dicitur, qui naturæ, animique appetitionibus nequaquam satisficit. At quæ de Genijs prisca auctores tradiderint, recensere, ad hunc locum, nostrumque institutum minime pertinet. præsertim quòd in lucubrationibus de poetica obscuritate abunde rem hanc pertractauimus. Ineptam tamē quorundam expositionem silentio non prætermittam; qui uinum diurnum ad diem perductum interpretantur, contendentes Horatium immoderata conuiuia, atque inhonesta significasse. quippe quæ uesperis inchoata per totam noctem ad solis reditum protraherentur. sequunturque uulgi atque indoctorum hominum opinionem; priscos uidelicet singulis diebus non nisi semel, adueniente nocte, comedisse; quæ cœna nuncupabatur; nullo modo prandere solitos. Quæ quidem sententiā iandudum eruditorum omnium consensu explosa est. Veteres enim non solum cœnabant, uerumetiam prandebant; & non nulli quoque ientabant. Quapropter pro uino diurno computationes, comessationesue, aut, ut quidam malunt, concœnationes, quas Græci συμπόσια, uel συνδείπνια uocant, intelligo; (quamuis alij genialia sacrificia) quæ interdum non noctu celebrabantur, diurnus enim proprie nocturno opponitur. An diurnum accepit pro-

dis rapiebant. At qm̄ parum emolumentū, ornata copiosaq; orō attulisset dignā materiā quæ tractaret, nō hūius est uerborū sonus inanis, et nulla subiecta, nec sententia, nec suentia.

Postquam cepit agros  
 extēder uictor, et pr  
 gem Latior amplex  
 murus, uinoq; diu  
 no placari Genius  
 feris impune dieb.  
 Accessit numerusq;  
 motusq; licentia  
 maior.

Sententiā sagax frū  
 lum. i. philosophia mo  
 ralis, honesta et utili  
 ingens, ut quæ officiu  
 ram, ac huiusmodi ra  
 tioneat, diuq; bñ  
 factor, auctor Cice  
 ac bñditiō m̄ sit.

Et diuina futuri  
 qua futura cōiūm  
 uē sapientis p̄p̄ri  
 u sit munus p̄p̄ri  
 uet ac p̄uidera r̄p̄  
 euentus. itaq; nō d  
 sc̄p̄at à belp̄hico  
 oraculo uera br̄, p̄  
 nūtiā uetura, nō  
 secū atq; p̄p̄ri  
 thius uindicta.



*Accessit numeris  
modisq; licentia ma-  
ior.*

eo, quod græci πανηγύριον dicunt; ut per totum diem celebrata cō-  
uiuia innuisse dicamus? Videtur præterea Flaccus posterioribus  
uerbis sua tempora taxare, cum Aug. Cæsar Rempublicam re-  
gendam suscepit; per quem confirmata cum gentibus placi-  
dissima pace, discedentesque ab armis Romani langori, desi-  
diæque se dederunt. Nam cum liberi ab omni labore & tumultu  
bellico lasciuire, otioque marcescere cœpissent, ludorum lu-  
xum, inque peragendis fabulis splendidum apparatus affecta-  
runt; quinimo ambitionis igne accensi cum theatrorum magni-  
ficentia numeris quoque ac modis luxuriem addiderunt. Laudi  
enim dabatur maximæ, si quis spectaculorum uaria genera edi-  
disset; tantoque postea in honore fuit ars histrionum, quod Ne-  
ro Claudius in priuatis spectaculis operam inter scenicos dare  
non dubitauit. **C**ui profecto immoderata licentiæ accessit &  
hominum inscitia, arrogantiaque; qua indocti obcæcati sapien-  
tibus minime cedebant; rusticique cum urbanis cōfusi, cum no-  
bilibus ignobiles, boni cum prauis, cumque honestis inhonesti  
permisti, in antiquum Chaos, ut ita loquar, reciderunt. **V**nde  
prisco intercanendi artificio, quod antea tenuis tantum tibiæ  
paucis foraminibus absolvebatur, addita fuit luxuriosa quædā  
saltatio; atque tibicen lōga indutus ueste modo huc modo illuc  
se se uagus per pulpita circumferebat. **A**d hæc non tantum ti-  
bia maiorem libertatem accepit, uerumetiam & cithara. Quæ  
quidem ut prius una, uel tribus ad summum chordis interstrepe-  
bat, cumque soni grauitate eiusce ætatis seueritatem æquipera-  
bat; ita posterorum intemperantia ex septem, aut, non nullo-  
rum sententia, decem fidibus compacta maiorem fabulis luxum  
apportauit. Quod uero præter tibiæ, citharas lyrasue fabulis  
adhibuerint ueteres, probat Tranquillus, qui eundem Nerōnem  
tragoedias cithara cātasse asseuerauit; & præcipue Canacem par-  
turiētem, Orestem matricidam, Oedipodem excœcatum, Her-  
culemque insanum; imo Neapoli ad id munus primum prodijisse;  
ac ne concusso quidem repente motu terræ theatro ante ca-  
nere destitisse, quā inchoatum absoluisset νόμον. **S**ed ut melius  
auctoris uerba explicentur, cum inquit, Accessit numerisque  
modisque licentia maior; pro numeris carminum rhythmos ac-  
cipiemus, qui prius quemadmodum ex senarijs cōstabant, iam-

*alt. expositione.*



boque pede cito, tantummodo absoluebantur, sic postea spon-  
 deos, ut tarditate sua nimiam illam pedum celeritatem tempe-  
 rarent, sibi uendicarunt. pro modis autem cantus νόμος, ῥυθμός,  
 & ut aiunt, tonos intelligemus; unde illud in Terentianis co-  
 mædijs, modos fecit Flaccus tibijs paribus dextris & sinistris. qui  
 bus equidem Tibiæ Citharæ uel sonus amplificatus luxuriam  
 quandam adhibuit. Præterea deprauata consuetudo non tan-  
 tum carminum numeris, canendi modis, musicisque instrumen-  
 tis luxum, uerumetiam & stilo dicendi opifici ubertatem, insoli-  
 tamque eloquentiam apportauit. Nam fabulis, quæ a ueteri-  
 bus simplici, ieiuna, incondita uel phrasi conscribebantur, po-  
 sterioris orationis ornamenta, artificia, fucum, redundantemque  
 facundiam adiunxit. quam præcipitem uocauit Horatius, ut qui-  
 dam arbitrantur, factam ob luxum, aut in luxuriam præcipita-  
 tam; uel, ut alij sentiunt, uelocem, celerem. quippe nimia ho-  
 minum festinatione in fabulas properauit; eloquiumque intul-  
 lit insolitum, nouum, ac maioribus incognitum. An potius  
 ad oratores quosdam, eloquentes uel respexit; qui lingua celeri,  
 & exercitata, tanquam præcipientes torrentes, in causis dicendis  
 rapiebantur. At quoniam emolumentum parum ornata copiosaue  
 oratio attulisset, si dignam materiam, quæ tractaretur, non ha-  
 buisset; estque uerborum sonus, ut inquit Cicero, inanis nulla  
 subiecta nec sententia, nec scientia. Fucata quippe oratio, at-  
 que redundans absque rerum dignitate, sententiarumque gra-  
 uitate homini turpissimo iure assimilaretur; qui preciosis uesti-  
 bus, corporisque elegantiori cultu magnam deformitatem dissi-  
 mularet. Idcirco poeta fabularum maiestatem, dignitatemque  
 a philosophia mutuare consentaneum duxerunt; ea inquam,  
 in qua de bonis rebus & malis, deque hominum uita ac mori-  
 bus disputatur, a grecis ἡθικὴ nūcupata. quæ tragœdias comœ-  
 diasque grauissimis sententijs, & ad recte uiuendum appositis  
 repleuit. Atque hinc iure auctor eam philosophiæ partem sen-  
 tentiam uocat utilium rerum sagacem. Nam cum philosophia  
 moralis uirtutum, officiorum, ac bene uiuendi disciplinam con-  
 tineat, cumque omnium benefactorum, auctore Cicerone, be-  
 neque dictorum mater sit, nō nisi honesta ac perutilia inquirat,  
 monet, & præcipit. DIVINAM quoque futuri sen-



# ECPHRASIS IN HORATII

tentiam consulto nuncupauit ; quippe ea futura conijcimus , cū  
 sapientis proprium sit munus prospicere ac prouidere rerum  
 euentus . itaque non discrepare a delphico oraculo iure dicitur ,  
 prænuncians uentura , non secus atque Apollo Pythius uaticin-  
 abatur . Atqui philosophiam tantummodo moralem hic Flac-  
 cum innuisse ut arbitrer,impulit Aristoteles . Qui iisdem gene-  
 ribus Epopœiam , quibus tragœdia , constare asseuerans hanc  
 uel simplicem , uel implicitam , uel moralem , uel patheticam  
 esse oportere decreuit . quocirca eorum opinionem nō sequor ;  
 qui sententiam ab oraculo non discrepantem philosophiam natu-  
 ralem interpretantur ; quod physicorum dogmata ipsius A-  
 pollinis ænigmaticis respōsis sint obscuriora . quæ enim circa mo-  
 res , beneque uiuendi præcepta uersatur,obscuritate minime , ac  
 tenebris inuoluitur ; imo perspicua , facilis , tanquam materiam  
 pertractans communem , omnibus patet , in promptuque est .  
 Nam etsi in fabulis mysteria quædam a naturæ penetralibus de-  
 prompta occurrunt , & quandoque diuinæ matheseos arcana ;  
 nihilominus tragœdia atque comoedia ad humanæ uitæ exem-  
 plum effictæ cum moribus , recteque uiuendi norma magis con-  
 uenire quis ambiget ? præsertim quod auctor ipse paulopost â  
 Socraticis materiam sumendam esse præcipiet .

## DE SATYRIS IN TRAGOEDIAM INTRODVCTIS.

*hoc ē ille q. pp. hirci  
 scripsit. Tragica car-  
 mina, satyrica ex-  
 pit scriber. ut nō-  
 nulli uolunt.*

Carmine qui tragico uilem certauit ob hircum ,  
 Mox etiam agrestes satyros nudauit , & asper  
 Incolumi grauitate iocum tentauit ; eō quod  
 Illecebris erat , & grata nouitate morandus  
 Spectator , functusq; sacris , & potus , & exlex .

*q. g. i. a. sacrificauerat*  
 Operæpretium erit , antequam ad explicationem transeamus ,  
 pauca ad rem necessaria differere . ac primo repetendum quod  
 supra scriptum est . Horatium scilicet leges , ac præcepta non  
 nulla



nulla mista tradere, quippe quæ ad plura poematum genera atti-  
 neant, omnes enim ipsius poësis partes, tanquam unius corpo-  
 ris membra, quandam habent inter se conuenientiam; adeo ut  
 heroica plerunque cum Elegiaca, tragica, comicaque re conue-  
 nire uideatur. Atque hinc nemo miretur, si quandoque à tra-  
 gœdia ad comoediam digressus iterum ad eam reuertatur; ac per  
 mixte de utraque præcepta tradat. nam arctissimis coniunctionis  
 uinculis astrictæ sorores quodammodo germanæ uidentur. Cum  
 itaque pauloante abunde de actibus, choro, tibijsque præcepis-  
 set, aliud nunc fabularum membrum subdit; unde uidelicet saty-  
 ros in tragœdiam introducendi mos originem duxerit. Ac pri-  
 mum quis inuentor fuerit, nusquam obseruasse memini. quan-  
 tum uero ex Flacci uerbis suspicari possumus; dicendū, priscos  
 illos tragœdiarum auctores, qui hirco donabantur, (unde aliud  
 nominis etymon habemus) ne tunc, cum ab actoribus ad canto-  
 res fabula transibat, chorusque intercinebat, spectatores canen-  
 di forsitan satietate (πλησμονὴ γὰρ ὅλων) defessi abirent, nudos sa-  
 tyros induxisse. qui cum essent semiferi, agrestes, petulan-  
 tes, facie & corpore ridiculi, risum concitabant, confectumque  
 incompotis saltationibus detinebant, eo quidem magis quod  
 perfuncti sacris Bacchanalibus ij, qui spectatum confluebant, ui-  
 no repleti, nulla que adhuc lege luxuriam inhibente, nouis no-  
 luptatum illecebris erant oblectandi. Atque hinc non nulli in  
 chori locum satyros successisse opinantur. Ego tamen satyrorū  
 aduentu sublatum fuisse chorum nequaquam censeo; sed unā  
 cum canentium cōcentu nudos salientesque motus corporis de-  
 disse æstimo; ut non tantum aures, quarum sensus fastidiosissi-  
 mus, uerum etiam oculi suum oblectamentum haberent; præser-  
 tim quod græci satyron τὸν χορεύτην interpretantur, nomen qui-  
 dem ἀπὸ τοῦ χορεύειν deductum; hoc est choream ducere, uel tri-  
 pudare. Aristophanes, ὡς ἡ δόμοι, καὶ τέμπομοι, καὶ βούλομοι χορεύσαι  
 ἢ φ' ἡ δονῆς. Quapropter rationi consona mihi uidetur eorum sen-  
 tentia, qui chorum proprie saltantium canentiumque cœtum  
 esse statuerunt. Licet quandoque suspicer ueteres ab initio, cū  
 tragœdia sine iocis non multum oblectasset, saltantes satyros ex-  
 cogitasse; ut iocis asperam, seueramque eius grauitatem lenirēt.  
 posteaque sublati satyris, qui in nimiam petulantiam decide-

K



rant, choris inuenisse. Et ut facile credam satyros antiquiores fuisse choris, ea ratione adducor, quod tragœdiam cum satyris nullam habemus ne quidem apud græcos, tanquam rem nimis uetustam, atque obsoletam. Rursus ut satyros non chori sedem post unumquemque actum occupasse, neque cum eo societatem habuisse opiner, cogit Euripides. qui in Cyclope satyrorum cœtum interloquentem induxit; quemadmodum & apud Aristophanem rusticorum choris nescio quid satyricum redolere uidetur. præsertim quod Aristoteles tragœdiam ab exiguis fabulis, & ridicula dictione, satyris exclusis, grauitatem, iambicumque metrum uel senarium ex tetrametro & octonario; quo prius utebantur, nam satyrica, & ut græco utar uerbo, <sup>ῥησικώτερον</sup> poetis erat; adeptam tandem quiescisse asseuerauit. Ceterum plerique hic Flaccum non de satyris in tragœdiam inducendis loqui arbitrâtur, sed potius unde satyra aliud poetis genus ortum duxerit. quamuis alij quidam paulo ab hac diuersam ipsius originem tradant. more quippe fuisse aiunt uetustissimorum hominum, qui Atticam regionem incolebant, tempore, quo per agros fusi ac dispersi agriculturæ studio detinebantur, quando ab opere rustico ac labore soluti erant, iocosas quasdam cauillationes inter se se uicissim fundere. quod hodie quoque rustici obseruant. id deinde institutum adeo creuit, ut plaustris insipientes in obuium quenque scommata, atque ex tempore iocularia carmina effutisse affirmant. quæ postea probris ac maledictis omnibus infusa uenenatum sibi nomen asciuerunt. Apud Romanos præterea satyrâ aliud initiû habuisse Lilius Patauinus his uerbis testatur. Cum Romæ T. Sulpitio Petico, & C. Licinio Stolone Coss. tanta nis pestilentie esset, ut nec humanis consilijs, nec ope diuina leuaretur, uictis superstitione animis ludi scenici, noua res bellicoso populo, inter alia cœlestis iræ placamina instituti dicuntur. Sed parua, ut ferme principia omnia, & peregrina res fuit, sine carmine ullo, sine imitatorum carminum actu. Ludiones ex Hetruria acciti ad tibicinis modos saltates haud indecoros motus, more thusco, dabant. Quos deinde inuentus inconditis uersibus inter se iocularia fundentes imitari cœpere; nec absenti à uoce motus erant. Accepta itaque res, sæpiusque usurpando excitata uernaculis artificibus; quia hister thusco ue-



bo ludio uocabatur, nomen histrionibus inditum. qui non sicut ante incompositum & rudem uersum iaciebant, sed impletas modis satyras descripto iam ad tibicinem cantu, motuque congruenti peragebant. Liuius post aliquot annos, qui ab satyris ausus est primus argumento fabulam serere, suorum carminum actor fuisse dicitur. Postquā uero ab risu & soluto ioco res auocabatur, ludusque paulatim in artem uenerat, iuuentus histrionibus fabellarum actu relicto ipsa inter se, more antiquo, ridicula intexta uersibus iactitare coepit; quæ inde exodia postea appellata, confertaque fabellis potissimum atellanis sunt. quod genus ludorum ab Oscis acceptum tenuit iuuentus. Verum ad id, unde digressi sumus, redeamus. ac satyros in tragoediam admissos ea moderatione arbitremur; quod suis petulantibus iocis tragicæ grauitati non omnino offecerunt; tantoque artificio ueteres illos seria cum ludicris miscuisse dicamus; quod decori summam rationem habuerunt.

## DE MODERANDIS IOCIS SATYRICIS.

Verum ita risores, ita commendare dicaces qui malignis salis hinc illa la-  
conunt, mordet & tra-  
frant.

Conueniet satyros, ita uertere seria ludo,

ut silenas Ne quicunque Deus, quicunque adhibebitur heros

Regali conspectus in auro nuper, & ostro,

Migret in obscuras humili sermone tabernas:

Aut dum uitat humum, nubes & inania captet.

Postquam iocos satyricos tragoediam recepisse dixit auctor, correctionem quasi quandam subiicit, normamque obseruandam; ne uidelicet dum quispiam ludibria affectet, penitus à grauitate discedat; aut dum satyros derisores, dicaces, aliorumque uitam carpentes (alludere enim uolunt ad propriam satyræ naturam) in tragoediam inducere tentet, interloquentibus personis suam dignitatem nequaquam tribuat. quo quid turpius absurdius uel dicit poterit? Exempli causa si immortalis, aut heros, regali ue-

i. in comedia, hoc est  
in humilem et abie-  
ctum sermonem, quale  
Tabernarum comedi-  
arum habebant. que illa  
olim dicebantur apud  
romanos, que huius  
sæculi personarum, et ar-  
gumentorum similiter  
sine ita comediis pa-  
res dicit: quod priuati  
domus, in qua uena figebatur,  
tribulis regerent.

Nubes & inania. i. de personarum ingratia  
in comedia.

K ij.



ste, splendidaque purpura conspiciendus in scenis adesset; qui post modum tragica grauitate cum satyrica lasciuia confusa, in uilem, abiectum, humilemque sermonem incideret, qualem tabernariæ comœdiæ continebant; ac pro Deo uel semideo obscurus ignobilisque appareret, perinde atque ij, qui in tabernis sordidum quæstû faciunt; quos tabernarios Cicero, ciuitatumque fecem iure nuncupauit. Contra uero magnopere cauendum, ne humilitatem alius euitans in cœlum se erigat. nam sapientum omnium decreto a mediocritatis linea nullo pacto est discendum. Sunt præterea grammaticorum non nulli, qui Flaccû hic innuere arbitrantur; ne personæ tragicæ, quales Dij heroes ue, in comœdiam admittantur; ac rursus ne infimas ac sordidissimas, quales tabernariæ comœdiæ expostulabant, tragœdia recipiat.

*i. inepta et imprudenter emittitur. est et uana diuina, et inuiter fiduciam et in præmeditatione loqui, nulla habita temporis ut personarum ratio.*

Effutire leues indigna tragœdia uersus,

Vt festis matrona moueri iussa diebus,

Intererit satyris paulum pudibunda proteruis.

Nunc demum apposita matronæ comparatione confirmat quod iam præcepit; Tragœdiam scilicet, quæ grauis, atque seuera indignatur ridiculos uersus effutire, cum modestia quadam ac pudore lasciuientes satyros accipere oportere. non enim adeo iocis oblectari debet, ut omnino suam dignitatem amittat; non secus atque matrona saltare coacta diebus festis, & quodammodo gestire, quod quidem magis attinet ad puellas, ea tamen uerecundia saltationem moderatur, ut matronale decus grauitatemque in re etiam ludicra retinere uideatur. **Q**UOD uero non nulli leges hæcse pero obscuras non de satyris in tragœdiam introducendis ab Horatio conditas esse autumant; cum nulla mentio apud auctores habeatur; imo de satyrarum origine, atque decoro; quæ quidem a satyris, quos uetustissimis temporibus admisisse dicuntur, nomen adeptæ paulatim suam formam acceperunt; neque affirmare temere, neque negare audeo; præsertim cum eiusmodi res nimis antiqua sit, penitusque ab hominum memoria sublata. Certo tamen scio, quod unusquisque iudicio præditus accurate uerba Flacci examinans, quam magis coniecturam sequi oporteat, facile dijudicabit.



## DE SATYRICO SERMONE.

Non ego inornata, & dominantia nomina solum,  
 Verbaq; Pisones satyrorum scriptor amabo;  
 Nec sic enitar tragico differre colori,  
 Ut nihil intersit Dauus ne loquatur, an audax  
 Pithias emuncto lucrata Simone talentum,  
 An custos famulusq; Dei Silenus alumni.

*No' solis uerba amo  
 gn satyras scribo, que  
 sunt inornata et paul  
 horridiora, sed et que  
 habet ornati aliquem*

Cum de satyris tragœdiæ admiscendis, satyrarum uel, ut alij cen-  
 sent, initijs locuti, modum, quo eorum petulantes ioci tempe-  
 randi sint, ne penitus tragica maiestas minuatur, ostenderimus;  
 locus admonet, ut de satyrico sermone, & quibus uerbis uti opor-  
 teat, pauca differamus. Ac primo cuipiam fortasse rationi cōsen-  
 taneum uidetur; ut agricolarum, pastorum, multoque magis sil-  
 uicularum satyrorum locutio rudis sit, & incōdita, uerbisque in-  
 ornatis ac proprijs redundans. quæ quidem dominantia iure di-  
 cuntur, quippe a suæ proprietatis possessione non decedunt;  
 idque significantia, ut inquit Quintilianus, in quod primo de-  
 nominata fuerint, dominari quodāmodo uidentur. Nam trans-  
 lata alium natura intellectum; alium loco præbentia pluribus si-  
 gnificationibus, nedum suæ, inseruire constat. rustici enim,  
 atque indocti rem quanque propria uoce nuncupantes simplici  
 sermone, minimeque fucato utuntur; neque metaphoras, alia-  
 ue orationis ornamenta noscunt. Vnde Aripheades tragœdos  
 subfannabat, quod ijs dicendi tropis usi fuerint, qui a commu-  
 ni sermone discrepabant; ut *σέθεν* pro *νοῦ*, & *νῖν*, pro *αὐτόν*. atque  
 id locutionis discrimen fuisse asserunt inter eruditos, imperito-  
 rumque uulgus ea tempestate, qua sermonem latinum cum la-  
 tæ fugebant. græcis enim literis ac disciplinis exculti elegantio-  
 ri ac perpolita lingua loquebantur; indocti uero neque uerbo-  
 rum delectum, neque contextum habebant. Quod quidem ho-  
 die usuuenire patet; ut literati uiri lingua materna, quam uer-



naculam & uulgarem nuncupant, melius elegantiusue, quàm idiotæ aut rustici, utantur. adeo quòd illorum oratio concinna, ornataque ab horum inculta & subhorrida plurimum differt. Nihilominus cum tragœdia grandiloquium requirat; cumque Aristoteles dictionis perspicuitatem, nò tamen humilitatem probans sermonem contextum ex proprijs nominibus perspicuum atque humilem esse, qualem Cleophontis, Sthelenique, decernat; merito inquit auctor se non solum satyrorum incondita uerba inornataque expetere, nec ita satyricis blanditijs illectum a tragico decoro discedere, ut nullam interloquentium personarum rationem seruet; nam etsi rusticana & inculta uerba satyris conueniunt, tamen non usque adeo affectanda sunt, ut penitus tragicæ grauitatis obliuiscantur. quinimò satyris f. us decor, & locutio tribuenda ea quidem moderatione, ut tragœdiam reminiscantur. cui ueneranda potius, quàm lasciuia oratio tribuenda, grauis, penitusque a plebe abhorrens, ut quæ peregrinis referta sit uocabulis. nam peregrinũ, quodcunque per translationem dicitur, uel à proprio est alienum, Aristoteles sumit. Qui itidem tragœdos ab Ariphadis morsu defendit; quòd purã loquendi proprietatem euitantes plebeiam locutionem effugerint. Nimis præterea indecorum esset satyrorum petulantia ipsius tragœdiæ seueritatem opprimere; aut nullum seruari discrimen personarum, quas fabula admittat. cum non parum intersit seruius loquatur humilis, an audax pedissequa, an semideus, qualis Bacchi custos Silenus habebatur. Quòd si de satyra proprie locum hunc interpretari uolumus, eam dicamus medium iter inter tragœdiam & comœdiam retinere; stilumque proprium, & characterem requirere; ne in comicam humilitatem decidat, aut contra in tragicam altitudinem extollatur. itaque pro Dauo comœdiam, pro Pithia tragœdiam; quippe ab Lucilio fraudolenta ancilla inducta, uti asserunt, Simonem herum talento emunxit; pro Sileno uero satyram ipsam intelligamus. Et quamuis alij de uerbis, quæ satyris conueniant, Horatium hic agere arbitrentur, ut scilicet aspera sint, & media, quæ tragœdiam æque participant atque comœdiam: ego tamen libenter dixerim, nò tantum inculta uerba attendenda, uerumetiam & personarum, quæ interloquuntur, habendam esse rationem. respexisse enim

*Ut nihil inter sit badius  
ne loquat, an audax  
Pithius emuncta lugera  
ta Simone talentum.  
An custos famulusq;  
bey Silenus alumnus.*



Flaccum ad priscas satyras opinor; quæ non secus ac tragœdiæ comœdiæue diuerſas perſonas, non nullorum ſententiâ, admittebant. à quibus poſtea hanc perpetua carminum ſerie nitiâ taxantem emanſſe uolunt; in qua equidem auctor ipſe, Iuuenalis, ac Perſius elaborarunt. ¶ Præterea ſi uera eſt opinio, antequam choruſ fabulis adeſſet, aut in chori locum, aut unâ cum eo antiquam tragœdiam ſatyros accepiſſe; conſentaneū iudico, quòd hic moneat; ne, dum ſatyri ſpectatores oblectandi gratiâ incondita uerba, ſcurrilesue iocos effutiūt, penitus à tragœdiâ, reque ipſa diſcedant. Nam, ut abunde ſupra diſſeruimus, choruſ à fabulæ materia aberrare nequaquam debet, minimeque à perſonarum ſtatu diſſentire. Nam ſi iratus quiſpiam induceretur, choruſ ut corrigat cum neceſſe eſt; ſi miſer & ærumnoſus, diuos precetur, ut meliorem fortunam conſequi ſinant. Sed utcunque ſit, eruditioribus rem hanc dijudicandam relinquo.

VNDE COMICVM SATYRICVMVE AR-  
GUMENTVM DE PROMI  
O PORTEAT.

O P O R T E A  
1. ex cognitis et divulgatis rebus fabula effingit.

Ex noto fictum carmen sequar, ut sibi quivis. *ut quivis eandem re se maculat*  
Speret idem; sudet multum, frustra q; laboret. *scripserunt forte confidit*  
*idem auresq; i. g. n.*

Ausus idem. tantum series, iuncturaq; pollet;

*Tantum de medio sumptis accedit honoris.*

Quidam haud indocti uiri eo ordine permixto, de quo pauloan  
te monuimus, comicorum fontem riuulorum nunc Flaccum  
ostendere censent; unde inquam comœdiæ argumentum depro  
mi oporteat. Quæ quoniam est imitatio uitæ, speculum cōsue  
tudinis, ueritatisque imago materiam à rebus notis, communi  
bus, ipsaque uita, & moribus accipere debet. adeo ut unusquis  
que comicus fabulam suam ex cognitis & peruulgatis rebus ef  
fingat. Cuiusmodi sunt iuuenum amores, comellationes, stu  
pra, aut corruptelæ; patrumque in filios acerbæ obiurgationes;  
in seruos dominorum contumeliæ, minæ, & uerbera; seruo-



rumque in dominos fallacia, doli, mendacia, tacitaque demum  
 susurrations. quibus omnibus, aliisque innumeris id genus re-  
 bus refertas habemus comoedias. adeo ut quivis vulgaram eius-  
 modi, omnibusque notissimam animaduertens materiam, eandem  
 rem se praeclare conscripturum fore confidat. Nam quemadmo-  
 dum facile unusquisque aggreditur ea, quae percallet; ita com-  
 munia, vulgaria, & contrita cunctis facillima videntur: si quis  
 tamen postea idem attentauerit, in maiores equidem, quam pu-  
 tabat, difficultates incidet; frustra quoque laborans minime quod  
 uolet assequetur. tantum praeter materiam in poemate artifi-  
 cium, ordo, concinna uerborum connexio, aptaque structura  
 pollent. Non enim satis est inuentionem habere, uerum etiam  
 dispositionem, ac elocutionem callere oportet; ipsumque poe-  
 ma rite intexere. Vnde non nulli rem comicam tanquam omni-  
 bus notam, uilem, & plebeiam, ut ita loquar, aspernantur.  
 Quam quidem si aequa iudicii lance examinarent, sui que ingenij  
 uires in ea conscribenda experiri uellent, eam difficultatem de-  
 prehenderent, qua deterriti non amplius contemnerent, imo di-  
 gnum honorem tribuerent. Nam, ut inquit Socrates apud Pla-  
 tonem, Διόκολα τὰ καλά. Præterea hac expositione, et si apte ad  
 mentem Horatii accommodatur, non omnino cogor, ut de co-  
 mica re hic tantummodo loqui adiurem. Nam non est ab re ut  
 de satyra intelligamus. Quae itidem à rebus non ignotis, uitis in  
 quam hominum, ac media uiuendi consuetudine argumentum  
 sumit. Aut quid prohibet, ut permiste de comoedia, satyra, ac  
 tragœdia materia pertractare in uniuerso dicamus? quae quidē  
 eodem quasi tramite incedentes à communi uita, & moribus nō  
 discedunt.

## DE SATYRORVM DECORO SERVANDO.

*Parthasius legit fricli* Siluis deducti caueant, me iudice, Fauni,  
*ciceris à frigo uerbo,* Ne uelut innati triuijs, ac penè forenses,  
*quod frangere sign.* Aut nimium teneris iuuenentur uersibus unquam;  
*in theatro enim uen-* Aut immunda crepent, ignominiosaq; uerba.  
*debat cicer, ex fric-*

*fauni i. dii syluestrijs Syluis deduci i. à siluestri latibulis in theatrum Offenduntur*  
*acclij. Caueant i. uident. Me iudice i. mea qdē iudicio Prae aut unquam, aut iuuenentur i. inueni-*  
*ter loquuntur, loquuntur, suerisq; nimium, teneris i. delictis, malis, suauisq; hoc ē ne molles uersus*  
*fuliant. Aut crepent i. cōpitiū edendo, emittant. Uerba immunda i. obscena, in malis, impura et nō*  
*simplicia. Et i. ignominiosa contumeliosa. uelut pīnā ac nati, semp; uersati in triuijs, in qd ē nūq; ac*  
*uidentur urbanj ioy ac forenses qui nō in foro uestiant, hnt uerosq; mordacia dicta scēmata ac uicē sua.*



*Offenduntur enim quibus est equus, & pater, & res,  
Nec si quid fracti Ciceris probat, & nucis emptor  
Aequis accipiunt animis, donant ue corona.*

uendit qui madidum  
cicer corona. Et pro  
emptore ciceris & nu  
cis accipitur plebs in=  
fima.

Horatius ante quàm a re satyrica ad alia digrederetur operapre  
tium facturus sibi uidebatur, aliquid de decoro præcipere. Mi  
nime quippe deceret Faunos, satyros uetunc primum e silua  
rum latibulis in theatrum deductos, una cum ciuili & polito ser  
mone urbanos mores præ se ferre, mollesque uersus effutire;  
perinde ac si in triuijs & foro, ubi urbanitas floret, nati sem  
perque uersati fuerint. Cum potius eorum natura rusticitatem  
postulet, asperam horridamque locutionem. Crepitum enim,  
uerborumque sonitum eos edere magis, quàm uerba, diuus Hie  
ronymus asseruit. Cauendum est etiam, cum procul ab homi  
num iurgijs, probris, maledictisque ipsi uitam degant, ne uer  
ba contumeliosa obscenaue emittant (ni immunda, impura,  
& non simplicia interpretari malis.) Nam aliòqui si Fauni bel  
lux magis quàm homines uocandi ita loquerentur, ac si urbani  
essent, decus nequaquam seruaretur; offendereturque senatus  
æque; qui ab honore, uel curæ similitudine, uel ætate patres di  
cebantur: omnisque ordo equestris, medius inter eos & plebem;  
qui equo publico donabantur, resque habebant, hoc est opes &  
diuitias. Eius quippe dignitatis gradum nemo assequeretur, nisi  
qui in censu HS. CCCC. habebat. Alij pro eis, quibus est  
res, simpliciter populi primarios uiros ac locupletes intelligunt.  
nam qui egestate urgentur, labore perpetuo, ac multo sudore ui  
ctum queritantes ad spectacula accedere nō solent. Alij uero, qui  
bus est res, hoc est potestas, aut imperium, interpretantur. quod  
non probo. Præterea non nulli pro res reponendum esse rex  
arbitrantur, ut Aug. Cæsar intelligatur; qui tunc solus iam im  
perium adeptus Romam, terrarumque orbem regebat, specta  
culisque sæpenumero adesse solebat; imo non nunquam ludos  
uicium, ac pluribus scenis per omnium linguarum histriones nō  
in foro modo, nec in amphitheatro, sed in circo, & in septis fe  
cit; ut asserit Suetonius. Talis ergo principis naris emunctæ cer

L



rum iudicium magnopere erat formidandum; cuius equidem cēsuram alibi Flaccus ita exposulauit; Plotius, & Varius, Meccenas, Virgiliusque, Valgius, & probet hæc Octavius optimus. Vnde summa ope niti decet, ut paucis uiris, iisdemque doctis unusquisque satisfaciat; inanesque imperitorum rumores aspernetur. Fit enim plerumque, ut eruditi nullo modo probent, dignumue laudibus æstiment, quod indoctorū multitudo summis præconijs ad cœlum extulit. & hinc haud immerito sapiens quisque ab imperito uulgo, quo nihil incertius, semper abhorret; potiusque de suis scriptis doctissimi illius Persij, cuius equidem iudicij acumen Lucilius reformidans Tarentinis, inquit, se, & Consentinis scribere, quàm Lelij Decimi sententiam requirit.

DE FABVLARVM THEATRALIVM  
NUMERIS.

Syllaba longa breui subiecta uocatur iambus,

*Pes citus à Terentia-  
no præpes dictus, ab  
Ausonio uelocior Par-  
thorum sagittis.*

Pes citus; unde etiam trimetris accrescere iussit

Nomen iambeis, cum senos redderet ictus,

Primus ad extremum similis sibi; non ita pridem,

Tardior ut paulo, grauiorq; ueniret ad aures,

Spondeos stabiles in iura paterna recepit,

Commodus, & patiens; non ut de sede secunda

Cederet, aut quarta socialiter. Hic & in Acci

Nobilibus trimetris apparet rarus, & Enni.

Locus hic ab auctore exigere uidebatur, cum de omnibus, quæ ad theatrales fabulas attinebant, abunde præcepta tradiderit, cumque de earum materia copiose disseruerit, ut de forma quæque suas præceptiones adijceret: rem equidem silentio minime prætereundam: & quibus numeris ipsas cōscribi oporteat ostēderet. Nam et si antea iambico uersu contexendas esse monuit,

*celeritatē temperat*

*Nullum in admi-  
sabat pedā nisi iā-  
bū, qd. n. iambi erāt,  
nullius opis egentis.  
Primus iambus usq;  
ad extrēmū erat simi-  
lis, i. antea uersus  
iambicus totus ex  
iambis constabat, uicē  
adhibent' et rōtū.*

*sensu v. s. p. p.  
bici m. et m.  
ut paulo t. p.  
dius reuon.  
lous in p. p.  
spōdeum s.  
scepit. i. u.  
n. famly n.  
ucler exp.  
plauip d.  
miser s.  
luzum, q.  
sua f. p. p.  
te, i. m. p.  
ucleritatē temperat*



cum inquit,

Hunc socci cepere pedem, grandesque cothurni

Alternis aptum sermonibus;

Cum tamen ibi in uniuersum, & quam breuissime de cunetarum rerum diuersis metris praeceperit, merito nunc materiam omnem scenicam plene, & cumulate pertractans de congruenti numero pauca differere minime superuacaneum duxit. Ac primo iambum pedem esse citum, uelociterque currentem ducet; ut qui ex breui syllaba & longa compactus perapposite inuetus est ad aliquem probris, maledictis que uexandum. Ea quippe contumelia est natura, ut a paruo initio orta maiores uires, atque incrementa semper accipiat. quoniam uero propter temporis breuitatem concitatori cursu profluebat, factum est ut binus pedes in scandendo coniungerentur. Vnde licet senarius proprie uersus dicatur sex pedibus iunctus, tamen quia scansio binos copulauit ob nimiam eius celeritatem nomen trimetri sortitus est.

Et notandum artificiose ictum pro pede usurpasse; nam harmonia quadam carmina conectuntur, non secus atque humani corporis pulsus (ita quippe a medicis uocantur) modularis, legibusque metricis morbos indicant. An similitudinem sumpsit a digitorum percussionibus, quibus ratio mensuraque cantus, & quandoque carminis deprehenditur? unde illud, Legitimumque sonum digitis callemus, & aure.

Quidam alij secus auctoris uerba exponunt; accessisse uidelicet nomen trimetris iambicis. nam cum sex pedibus absoluerentur, iure uocati fuerunt senarij, maxime spondeo stabili admissio. qui duas longas syllabas comprehendens quatuor temporum tarditate (ut grammatice loquar) iambicæ celeritati obstitit; ut non ita leuior, spondaica inquam grauitate moderatus, ad spectantium aures euolaret. spondeum quippe seueritatem habere illud est argumento; quod olim Damon cernens quosdam iuuenes Baccho concitados, honestaque mulieris domum inuasuros, tibicini iussit, ut spondeum subcineret. quod cum ille fecisset, cantus grauitate impetum repressit, sedatiorique concentu ardorem restinxit. quamuis Quintilianus id Pythagoræ tribuat. Sed non ita pridem senarius uocabatur; adhuc enim spondeum non admiserat, imo totum carmen ex ter binis iam-

L ii



bis constabat. Postquam uero societatem cum eo coiuit, iure commodi & patientis nomen meruit; qui ob cōmunem usum, melioremque uersus condecētiā in suam domum libenter alienigenam admiserat, de sua possessione ab alio depelli æquo animo passus. à iure tamen penitus suo non decedens aliquam prerogatiuam sibi seruauit. Non enim promiscue omnibus locis recepit, uerum imparibus tantum, tertia inquam & quinta sede; nam secundam & quartam tanquam propria domicilia à nemine occupanda excepit. Atqui Ennius, Acciusque uetustissimi poetæ raro spondeo usi fuerunt. Eorum quippe ætate ianiborum nimiam celeritatem spondaica mora comprimi oportere nondum animaduertent, quod quidem posteritas, ut in nonnullis alijs euenisse liquet, excogitauit. Demum (etsi quorundam sententia arridet, qui iura paterna locos impares exponūt arithmetico ratione; apud quos imparem numerum maribus, parem foeminis attribui uolunt, adeo ut ille patris, hic uero matris nomine decoretur) posse tamen paternas possessiones simpliciter intelligi nequaquam inficio. ut sedes iampridem à se possessas, & ut ita loquar, à maioribus patri, atque ab eo rursum sibi hæreditario iure traditas interpretemur.

*Hic in his uersibus quatuor poeta reprehenditur in iambico carmine, magnū sonum, opis celeritatem, negligentiam & imperitiā in quo nulla sit uerba adhibita.*

*Immodulata, sine modulo, rhythmo, numero. Parrh.*

*ego qui præcepta do, qui suā emulā nari uager. in nulla lege ferat, que me rē pectus traherit.*

*uel alludit ad rōg.*

*iambij uersus, ut nulla lege, modo iambo*

*modo spondeos inserat, nec numquam animaduertat; tūq; stultat ut ponderatos uersus faciat et sonoros.*

In scenam missos magno cum pondere uersus.

Aut operæ celeris nimium, curaq; carentis,

Aut ignoratæ premit artis crimine turpi;

Non quiuis uidet immodulata poemata; iudex.

Et data Romanis uenia est indigna poetis.

Idcirco ne uager, scribamq; licenter? an omnes

Visuros peccata putem mea? tutus, & intra

Spem ueniæ cautus, uitauit denique culpam,

Non laudem merui.

Cum pauloante iambis spondeos admiscendos tanquam à maio



ribus receptos statuerit, monet hic animaduertendum, ne quispiam spondaicæ grauitati addictus iambicam leuitatem penitus aspernetur; aut ne dum spondeorum tarditatem nimium affectare uelit, grauiiores turgidioresque uersus emittat. Nam ex mora, ut physici asserunt, sonus fit grauior. Quod si res quædoque id postulat, & præcipue tragica, quæ uerborum pondus requirit, non tamen adeo maiestati adhæredum arbitror; ut omnino comicæ humilitatis obliuiscamur. quæ quidem hoc uno tantum a quotidiano sermone distat, quod uersiculis intexitur. præsertim quod materia ipsa quandoque carmina præcipitantia, & concitata postulat; quandoque uero tarda, atque sedata. Quæ propter poetam acerrimo iudicio præditum esse oportet, ut unâ cum uersu & rei, quæ tractatur, rationem habeat; auriumque diligentissimum consultorem, ut rite dijudicet melius ne cunctatio, an uelocitas concinat. Nam, ut inquit ille, aures consulendæ sunt; quæ plerunque quid suaserint, id rectissimum solet esse. Adhibendam quoque innuit auctor summam diligentiam, ut quisque artem perdiscat, inque limandis carminibus diu elaboret. Qui enim secus egerit, à criticis tanquã artificij inscius, quo nihil turpius, iudicijque penitus expers iure damnabitur. Nam sapientes, ac periti nunquam sibi uendicant quæ non percallent; inanisque gloriæ uanam auram cõtemnentes in uulgus suos partus emittere temere non audent. Atque utinam huiusmodi accuratam circumsp̃ctionem recentiores haberent; quorum non nulli pedes tantum, & numeros attendentes recondita arcana, quæ ars continet, aspernantur, digni quidem ut ab omni poetarum choro detrudantur. Sunt præterea alij quidã imperitorum multitudine confisi, ac doctõrum paucitate, qui recti iudicij trutina scripta examinent, artemque spernentes facillime in peccata incidunt. & quod etiam Romanis poetis ab antiquis indigna uenia data fuerit, ea quidem tẽpestate, quæ ex inscitia plurimum laborabant scriptores pariter, atque censores, sponte sua uituperationem subeunt. Idcirco ne, inquit Horatius, cum pauci errata deprehendant, ac plerunque deprehensis ignoscant, impune ab artificij linea discedam, licenterque scribam? an potius, quod sapientis est, omnibus mea crimina perspicua fore censeam? cum homines suapte natura lynceis ocu-



*totus, et intra -  
spem uariq. cau-  
ret, uitamq. tringit  
ulpa, No laude  
merui.*

ECPHRASIS IN HORATII

lis aliena peccata, sua uero lippis cernant; catus tamen intra im-  
punitatis spem. Nam etsi me peccasse liquebit, ueniae tamē cly-  
peo tutus iustam obiurgationis poenam effugiam. Verum esto  
ita culpa euitetur (nam qui delicta confessus ueniam petit, sup-  
plicium lenire uidetur) non tamen gloriam aucupabor, qua  
unusquisque ad studia, immensosque labores ducitur. Non  
nulli locum hunc secus interpretantur: intra inquam spem ue-  
niae tutus, hoc est ipsa uenia nequaquam confusus omnem laudis  
spem in doctrina, atque arte mihi proposui. Nam intra famā  
dici uolunt grammatici simili loquendi modo, citra opinionem;  
ultra uero contrarium significare; adduntque illud Quintiliani  
testimonium, Hortensij scripta tamen intra famam sunt. Ita  
quoque & apud Ciceronem modice cum modo, intra modum,  
citra, hoc est minus quam modice exponunt. Vnde intra uo-  
cabuli, cui apponitur, significationem minuere patet, ultra ue-  
ro augere. Quae quidem observatio licet ueritati consona sit, ne  
scio tamen quo sensu Flaccus dixerit eos, qui à peccatis abhor-  
rent, ueniamque aspernantur, culpam uitare, non laudem me-  
rere; cum potius summis praconijs ad coelum sint extollendi;  
praesertim quod apposite ad superiorem sensum intra spem ue-  
niae dicitur usitato locutionis genere; quemadmodum intra pre-  
sidia, intra moenia, & alia id genus. Notandum denique (ut ali-  
qua ad contextum pertinentia attingamus, cum oportuerit)  
dictionem illam iudex superioribus uerbis esse annectendam; ut  
struatur. Iudex premit ignoratae artis turpi crimine uersus in  
scenam missos magno cum pondere; iudex inquam, censor, &  
criticus naris emunctae; non enim quiuis poetarum uitia, erro-  
resque animaduertit.

GRAECA EXEMPLARIA ESSE VOLVENDA.

*Vos exemplaria graeca  
Nocturna uersate manu, uersate diurna.*

Quonia uero à Graecis omnes ingenuae disciplinae, & artes, quas  
nocant liberales, emanarunt; ipsaque poesis perfecta & polita



Romam uenit, quippe in ea præstantissima uatum ingenia elaborauerant. tantaque apud illos poetarum floruit multitudo, ut latinis facultatem scribendi quodammodo abstulerint. Nam quid nostri conscripserunt, quod ab illis non mutuati fuerint? comœdiarum uero, quas habemus, nonne maior pars à græco fonte defluxit? Tragoedias uero latinas quot legimus, nisi paucas? easdemque fortasse non nimium cultas; quæ Senece ascribuntur. Nam quas maiores condiderunt, temporumque lapsu omisimus, constat græcorum quoque imitatione fuisse conscriptas. Idcirco Horatius exemplaria græca noctes, & dies uoluenda iubet; à quibus fabularum exempla capi possint; ingenuæque fatetur Romanos græcorum ope indigere.

IN MAIORES PLAVTI LAUDATO.  
RES INVEHITVR.

*At nostri proauī Plautinos & numeros, &  
Laudauere sales; nimium patienter utrunque,  
Ne dicam stulte, mirati; si modo ego, & uos  
Scimus inurbanum lepidō seponere dicto,  
Legitimumq; sonum digitis callemus, & aure.*

Dicat fortasse quispiam latinitatis fautor. Tu Horati, qui penitus Graijs addictus eorum scripta tantopere extollis, perlegenda, nocturnaue manu uersanda ac diurna præcipis, non ne scis quod & nostros imitandos habemus? maxime Plautum adeo à maioribus celebratum, ut ei comœdiæ secundam palmam tribuerint (nam primam Cæciliū sibi assumpsisse uolunt) ac Epius Stolo affirmare non dubitarit, Musas ipsas Plautino sermone fuisse locuturas, si latine loqui uoluissent. Respondet auctor, maiores Plauti sales, iocos, & numeros nimium patienter, ne dicam stulte ac temere, laudasse. Nam si modo ego & uos Pisonēs, inquit (cum quibus fortasse in quotidianis & familiaribus colloquijs aduersus eum coniurarat) uel alij quicunque iu-



dicio præditi non fallimur; lepidumque scimus & falsum ab in-  
 urbano & insulso sermonem dijudicare; ac legitimos numeros  
 discernere; eorum profecto decretum est rescindendum; ut qui  
 de Plauto amore potius, quam ueritate iudicauerint. quod ue-  
 ro digitis & aure legitimos modulos deprehendi dixerit, ad illud  
 forsitan respexit; quod uetustissimis temporibus, cum Andro-  
 nicus satyram excogitauit, ad manum caneant histriones, au-  
 ctore Liuius. An potius quod naturæ instinctu digitorum ictu,  
 auribusque legitimos numeros, modos, & uoces obseruant ij, qui  
 Musicam profitentur? cantumque manu quodam moderantur?  
 quod quidem hodie faciunt & non nulli græcorum sacerdotes,  
 D. O. M. hymnos concinentes. Nam non musicis characteri-  
 bus, quas notas uocant, sed manu concentum, uocisque flexio-  
 nes metiuntur. Versus autem non ne suam habent sympho-  
 niam? suisque numeris, & ratione quadam harmonica absolu-  
 tur? Plautus denique (ut ad id, unde digressi sumus, reuertamur)  
 tanquam scurra insulsus, & dicax à quibusdam accusatur;  
 ut qui, dum omni lepore, & uenustate affluens apparere uoluit,  
 ne micam quidem salis præse ferat; admodumque in numeris li-  
 centiosus (ut hoc uerbo utar) quippe qui extra trimetros ple-  
 runque uagetur. Improbatur quoque eius seruire ingenium, &  
 nimis plebeium, stiliusque uulgaris. Et quamuis ei sermonis la-  
 tini puram proprietatem denegare nequeant, Terentio tamen  
 maiorem tribuunt. Atqui Ego, cum Horatius poetarum gra-  
 uissimus censor ab eiusmodi reprehensione, singulisque ipsius  
 peccatis deprehendis super sedendum duxerit, minime dece-  
 re arbitror, ut & nos homunciones uirum de Latina Rep. tam  
 benemeritum maledictis uexemus.

DE TRAGOEDIAE INVENTORE  
 ATQUE AVCTORE.

*Ignotum tragicæ genus inuenisse Camœnæ  
 Dicitur, & plaustri uexisse poemata Thespis,  
 Quæ canerent, agerentque peruncti secibus ora.*

Post



*Post hunc personæ, pallæq; repertor honestæ  
 Aeschylus, & modicis instravit pulpita tignis;  
 Et docuit magnumq; loqui, nitiq; cothurno.*

Cum pauloante satis græcos commendasset, eorumque exempla  
 ribus adhærendum monuisset (de Plautinis enim salibus ac nu-  
 meris ueterum iudicium non probauit) argumentis, & rationi-  
 bus id confirmare non iniucūdum existimauit. Ac primo osten-  
 dit illos fabularum cum inuētores, tum amplificatores extitisse.  
 Thespis enim Atticus primus tragœdiam excogitasse fertur.  
 quamuis eum alij sextumdecimum ab Epigene Sicyonio primo  
 tragico numerent, alij secundum. Ego tamen tragœdiam id  
 initium habuisse opinor, quod ab Aristotelis reconditis thesau-  
 ris pauloante deprompsi; Thespimque ipsum, quod satis con-  
 stat, nouam actionem induxisse facile crediderim. ut scilicet can-  
 tores, actoresque fecibus ora peruncti, ne agnoscerentur, postea  
 τραγῳδαίμονες nuncupati (unde & aliam tragœdiæ etymologiam  
 deducunt, ut sit τραγῳδία quasi τραγῳδία) plaustrisque inuecti fabu-  
 las canerent, agerentque. Et hinc τραγοκωμῳδίας quoque no-  
 men emanasse uolunt; quamuis alij a nouo uino deriuant, quo  
 præmio histriones donabantur; τρύφα enim non tantū fecē, uerū  
 etiam & mustum significare constat. Non nulli uero eum pri-  
 mo non fece, sed fūco, qui græce ψιμύδιον dicitur, ora infecisse  
 asserunt; ac deinde personæ lintæ usum, quæ faciem tantum-  
 modo uelaret, adinuenisse tradunt. Nam quorundam interpre-  
 tatio, qui illud uexisse plaustris poemata, tam multa uolumina  
 conscripsisse, ut plaustris uehi oportuerit, exponunt, nullo mo-  
 do mihi arridet. Eius quippe dramata uix quattuor, aut quin-  
 que memorantur. Natura deinde omnium parens, quæ tem-  
 porum interuallis uiros eximio, atque acerrimo fingit ingenio,  
 Aeschylum ad amplificandam rem tragicam procreauit. Nam, ut  
 Aristoteles author est, primus τῶν ὑποκρίτων πλῆθος ἐξ ἑνὸς εἰς δύο ἤγα-  
 γε, καὶ τὰ τοῦ χοροῦ ἡλέπωσε, καὶ τὸν λόγον πρωταγωνιστὴν παρεσκεύασε. Ex-  
 cogitauit quoque personam non illam foedam ex lino intextā,  
 sed pulchriorem, qua posteri usi fuerunt; honestamque pallā,

M



# ECPHRASIS IN HORATII

uestem equidem ad talos demissam, qua tragœdi uterentur. & cum adhuc tanta fabulis luxuria, theatrisque splendor non accessisset ( tenui enim apparatu gaudebat antiquitas ) ipse cœpit modicis trabibus pulpita extruere. addidit præterea tragœdijs grandiloquium, ne tatum rem histrionicam auxisse suspicemur; docuitque scriptores niti cothurno, hoc est altiori stilo intonare; nam antea humiliori & quodammodo rustico cōscribebant. uel ideo niti cothurno eum docuisse intelligamus; quod primus cothurnos, ut aliqui arbitrantur, adinuenit, quibus tragœdiarum actores niterentur. Fit enim plerumque, ut ij, qui fabulas agunt, crure dextro, uel sinistro innitentes melius gestum, motumque corporis ostendant. Itaque Aeschylum non tantum quæ ad stilum, apparatus, histrionumque ornatum attinebant, amplificasse dicamus, sed etiam actionem docuisse. Quæ cum sit eloquentia quasi quædam, ut inquit Cicero, corporis constans e' uoce, atque motu, ei merito Demosthenes primas tribuit, secundas, ac tertias: nam quid primum in dicendo esset interrogatus, actionem, quid secundum eandem, & eandem tertium respondit.

## DE ANTIQVA COMOEDIA.

Succesit uetus his comoedia non sine multa

*i. faculens lib' taxa-  
h; carpens; morde-  
h; nominatim quem-  
cung;.* Laude; sed in uitium libertas excidit, & uim  
*h; nominatim quem-  
cung;.* Dignam lege regi. Lex est accepta; chorusq;  
*quod nō, ut ante, inchi-  
que falsū: sed quæ uel  
la, ut suo arbitrio car-  
perent, licentiusq; po-  
tate abuterent; et ex  
libidine laderent.* Turpiter obticuit, sublato iure nocendi.

*i. antiquam, aboleta potestate taxand; mor-  
dend; car-  
rang;.* Non multo post tempore amplificata tragœdiæ successit uetus  
comoedia, a' græcis ἀρχαία nuncupata; &, ut Donatus asserit, et eo  
quoniam prisci illi antiquæ comoediæ auctores non ficta ar-  
gumenta conscribebant; sed res gestas a' ciuibus, & uitia palam  
cum eorum, qui gesserant, nomine decantabant. Fuit equidem  
primo ab Atheniensibus admodū laudata, quod eiusmodi taxā-  
di libertate ciuitatis mores emendabat. Vnusquisque enim caue-  
bat ansam illis præbere, ut se morderent; siquidem, ut optime

*Lex est accepta. lata  
n. lege sanxerunt  
Athenienses, ne quis  
multaret. Et obiter alludit ad rom. more. lax. n. ubi suffragijs oum pbat. a  
bomis accipi dicebat. Turpiter. i. fcede, ut pote lege uocatus. Chorus. in quo mali  
dicentis gladius stringebatur.*



docuit Plutarchus, eam utilitatem uel maximam a maleuolis capere possumus, ne quid committamus, quod illi uitio iure dare possint. quamuis Aristoteles eam ab initio spretam latuisse asserat. Qui itidem quis chorum induxerit, quis uel primus apud Athenienses id genus fabulæ inchoarit, his refert uerbis.

Χορόν καμψῶν ὃς ποτὲ ὁ ἄρχων ἐδῶκεν, ἀλλ' ἐδιδόνται ἴσαν, ἢ δ' ἡ σκῆματα, τινὰ ἀν-  
τὶς ἐχούσης, οἱ λεγόμενοι αὐτῆς ποιηταὶ μνημονεύονται. τὶς δ' ἐπὶ πρῶτον αὐτὸν ἐδῶκεν  
ἢ προλόγους ἢ πλῆθ' ὑποκριτῶν καὶ ὅσα τοιαῦτα ἦγνται. τὸ δ' ἐμύθους ποιῆν ἐπι-  
χαρμὸν καὶ φόρμους ἤρεον. τὸ μὲν οὖν ἐξ ἄρχῆς ἐκ σκελίσας ἦλθε. τῶν δ' ἀθηνῶν  
χράτης πρῶτος ἤρξεν, ἀφ' ἧμεν τῆς ἰαμβικῆς ἰδέας καὶ δόλου ποιεῖν λόγους, ἢ μύθους.

Vbi notandum quod hic idem fuit Crates Atheniensis comicus; quem fratrem habuisse Epilycum poetam epicū refert Suidas. a quo itidem eius dramata γείτονες, ἡρώες, λαμίας, πολῆται, σάκριοι numerantur; & alia quædam profaice conscripsisse perhibent. Post hunc alterum Craten Atheniensem tria dramata composuisse tradit idem Suidas, Σπασαρόν, ὄρνιδας, καὶ φιλάργυρον. Inde tres illi antiquorum comicorum præstantissimi floruerunt; Aristophanes inquam Rhodius, uel Lindius; Aegyptius, uel, ut alij arbitrantur, Camerius, qui ab Atheniensibus ciuitate donatus tetrametrum & octametrum inuenit. Eupolis Atheniensis, qui naufragium passus iuxta Hellespontum in bello contra Lacedæmonios a uita migravit; indeque amplius poetam militare prohibitum fuit; hæc dramata posteritati reliquit, αἶγας, ἀσπιδότονον, ἢ ἀνδρογύνους. Demum Cratinus Callimedis filius itidem Atheniensis, ac uinosus magnifico dicendi caractere, & splendido emicauit. quos equidem his carminibus celebrauit auctor.

Eupolis, atque Cratinus, Aristophanesque poetæ,

Atque alij, quorum comœdia prisca uiro-  
rum est,

Si quis erat dignus describi, quod malus, aut fur,

Quod mœchus foret, aut sicarius, aut alioqui

Famofus, multa cum libertate notabant.

Postea uero cum poetæ subfannandi quemlibet immoderata licentia abusi bonos plerunque lacerare cœpissent, lata lege sancierunt Athenienses, ne quis alium nominatim accusaret. itaque choris, quæ maledictorum uenenum fundebat, sublata lædendi facultate turpiter obtinuit, abolutusque est, tanquam res inhonesta, atque a lege abroganda. quamuis alij aliam asserant cau-

M ij



ECPHRASIS IN HORATII

fam; nam quandoque spectator tedio affectus tunc, cum ad can-  
tores ab actoribus fabula transibat, cōsurgens abibat; itaque cho-  
rum tanquam surgendi occasionem sustulerunt. Inde comœ-  
dia a' græcis *vēx* uocata emanauit. quæ indytos etiā habuit suos  
auctores, de Græcis Menandrum Atheniensem, promptum ani-  
mo uirum; atque Strabonem, de quo quidem multus sermo  
apud omnes. Hic, auctore Suida, non tantum comœdias con-  
scripsit, uerum etiam & epistolas ad Ptolemæum regem, mul-  
tasque alias orationes profaico stilo. Recepit quoque noua co-  
mœdia in suum contubernium ambos Apollodoros, alterum  
Atheniensem, alterum Geloum Menandri coæuum; ceteros  
consulto omitto: de Latinis uero, quos nunc habemus, Plau-  
tum, ac Terentium.

LATINORVM LAUS.

Nil intentatum nostri liquere poetæ,  
Nec minimum meruere decus, uestigia græca  
Ausī deserere, & celebrare domestica facta;  
Vel qui prætextas, uel qui docuere togatas.

Nec uirtute foret, claris ue potentiùs armis,

Quàm lingua Latium; si non offenderet unum

Quenque poetarum limæ labor, & mora. uos *ô Hō' test, ingt*

Pompilius sanguis carmen reprehendite, quod non *manis nō ar, sed*

Multa dies, & multa litura coercuit, atque *lura.*

Perfectum decies non castigauit ad unguem.

Ad unguē, adamus-  
sim, uel diligēti ani-  
maduersione castiga-  
tum. solent enim qui  
cogitatione abstrahū-  
tur, quod accidit in  
pensu adis scriptis, un-  
guem mordere.

*Quamquam summas laudes Græcis nuper tribuit, adeoque eorū  
scripta commendauit, ut tanquam audax & ineptus græculus  
iure latinis contemptor haberi potuisset; nihilominus ne a  
suis ciuibus hostis adiudicaretur (unusquisque enim  
humilia extollere, luxuriantia stringere, & uoluptatibus uariare.*

Quamquam summas laudes Græcis nuper tribuit, adeoque eorū  
scripta commendauit, ut tanquam audax & ineptus græculus  
iure latinis contemptor haberi potuisset; nihilominus ne a  
suis ciuibus hostis adiudicaretur (unusquisque enim  
humilia extollere, luxuriantia stringere, & uoluptatibus uariare.



bet esse) uoluit suum præconium & Latinis tradere. Quibus equidem non est uitio, aut inertiae dandum; si eos Græci ab initio omni doctrinarum genere superarunt. quippe ob continuam armorum tractationem literarum studia neglexerunt, inque gerendis bellis adeo occupati fuerunt, atque detenti, ut ne minimū quidē quietis tēpus populus ille Martis habere potuerit; quo animos ad Musarum amœnitates uoluisset. Nā si quid otij à bellico tumultu dabatur, id omne Republicæ administrandæ, atque agriculturæ impertiebant. & hinc sero alma poësis Romanam uenit annis post urbem conditam supra CCCC. Postea uero temporis lapsu cūcta attentare, gloriæque non minimum decus à literis, ne dum ab armis, aucupari libuit; musarumque sacris se se initiari uoluerunt. Qui non tantum græcas res latinis literis illustrarunt, uerum etiam & domestica facta celebranda carminibus susceperunt. Quod quidem uetustissimi illi, Andronicus, Ennius, & alij coæui fecerunt, Romanorum gesta decantantes. unde eorum poemata annales, quod singulorum annorum gesta continerent, nuncupati. Nisi domestica facta latina, & non græca fabularum argumenta interpretari malumus. Nam post nouam comœdiam latinos multa fabularum genera edidisse auctor est Donatus antiquissimus grammaticus; ut togatas ab argumento latino ita dictas, nam à græco palliata; pretextatas à personarum dignitate, & latina historia; Atellanas à ciuitate campaniæ, ubi actitatae sunt plurimæ; Rhynthonicas ab actoris nomine; tabernarias ab humilitate argumenti, & stili; Mimos ab diuturna imitatione uilium rerum, & leuium personarum. Quod si Græci ab initio Romanos superarunt, per facile fuit, inquit Cicero, uincere non repugnantes. qui alioqui omnia sapientius per se inuenerunt; atque ab illis accepta meliora reddiderunt, quæ digna statuerint in quibus elaborassent. imo quemadmodum iustitia, prudentia, fortitudine, omni denique uirtute Roma floruit, ne dicam armis, quibus cunctis nationibus antecessit; ita quoque ab eloquentia, omni que artium ac disciplinarum genere, si earū studio se dedisset, perpoliendisque scriptis limam adhibuisset, magnam sibi gloriam dubio procul uendicasset. itaque Latinorum minimam circumspectionem carpit; qui partus edere properantes abortus faciebāt; minimeque



legitimum tempus expectantes fetus imperfectos emittebant. Idcirco uos Pisones, inquit, qui à Numa Pompilio unà cum sanguinis deriuatione tetricam illam disciplinam, ac feueritatem ducitis, carmen quodque reprehendite; quod nequaquam acerrimi iudicii lance examinatum, interlitum, omniq̃ mendo expurgatum prodierit. in edendis quippe fetibus urse sunt imitandę, quę primo informem carnem emittunt, posteaquam lambendo paulatim figurant.

*qui in scriptis rēg.*

*i. fugit et horrit ho-  
minis casu huiusmodi.*

Hūc esse eū Lycinum arbitrat̃ Parrhasius, de quo distichō in certo auctore circūferitur, Marmoreo Lycinus tumulo iacet, at Cato paruo, Pōpeius nullo, credimus esse Deos. de quo inquit quoque et Martialis, altaq̃ cū Lycini mar mora puluis erunt.

*tres Anticyras dixit  
pro uniuerso Helic-  
one, significans dolo-  
ratam et immensa-  
bile mirandam. Ant.  
Erasm. Chil. p. 8.  
Cent. viij. Adag. Ly.*

Ingenium misera quia fortunatius arte

Credit, & excludit sanos Helicone poetas. i. à Nymphis, à poetis

Democritus; bona pars unguis non ponere curat, i. rsecat, ut

Non barbam; secreta petit loca, balnea uitat.

Nanciscetur enim pretium, nomenq̃ poetae,

Si tribus Anticyris caput insanabile nunquam

Tonsori Lycino commiserit. Oh ego læuus,

Qui purgo bilem sub uerni temporis horam.

Non alius faceret meliora poemata. Verum

Nil tanti est. ergo fungar uice cotis, acutum

Reddere quæ ferrum ualeat exsors ipsa secandi.

Munus, & officium nil scribens ipse docebo,

Vnde parentur opes, quid alat formetq̃ poetam,

Quid deceat, quid non; quò uirtus, quò ferat error.

Postquam satis Romanorum negligentiam notauit, qui parum curę, parum diligentię in examinandis poematis adhibebant, causam reddit; Democritique philosophi deliram opinionem in sectatur. Qua illi forsitan adducti artem, æquā uic iudicii trutinam contemnebant. Hic cognomento Gelasius δὲ τὸ γελᾶν,



auctore Suida, *μετὰ τὸ κενότατον τῶν ἀνδρῶν*, discipulus Anaxa-  
 goræ & Leucippi, uel, ut alij arbitrantur, magorum, chaldæo-  
 rumque, a quibus sapientiam edoctum tradunt, negabat quen-  
 quam bonum poetam euadere posse sine furore; poeticęque co-  
 mitem ac sororem insaniam esse opinabatur; imo uates ipsos fu-  
 rere & bacchari quodammodo oportere. Credebat equidem ani-  
 mi impetum, inflammationem, ardorem uel misera arte felicio-  
 rem, melioremque esse; arte inquam iure infelicitatis cognomi-  
 ne nuncupanda; ut quæ ab ridiculo, & insipiente græculo irri-  
 deatur, a sapientibus uiris summis laudibus celebrata. Atque  
 hinc uulgius in eam sententiã iuit, ut diceret nasci poetam, inque  
 uatum concilio non admittendum, qui furore illo, ac furijs, ut  
 ita loquar, non agigaretur. Imo, quod absurdus est, non nulli,  
 ut docti haberentur ab indoctis, furere simularunt. quippe qui  
 nunquam ungues refecantes, neque barbam tonsori committē-  
 tes, corporis pariter, ac uitæ cultum penitus aspernabantur; ho-  
 minumque a conspectu & consuetudine in solitudines, tãquam  
 feræ in latibula, se conferebant; publica omnia loca, ubi frequēs  
 populus conuenire solebat, fugiebant; balnearumque usum,  
 qui maximus erat apud ueteres, abhorrebant; ut sordidi, inqui-  
 nati, inculti, horridique apparerent. Stultitia profecto ipsa  
 stultiores, qui inelytum poetæ nomen aucupari credebant, si per-  
 petuo caput intonsum haberent; caput inquam tanta affectum  
 insania, ut trium Anticyrarum helleboro nequaquam sanari po-  
 tuerit. Plinius enim helleborum melancholiæ, amentięque me-  
 deri asserit, idque in Anticyra insula esse optimum, ac summi tutis-  
 sime, adeo quod Drusus tribunorum popularium clarissimus eo  
 medicamento in Anticyra sanatus fertur. sanat quoque, eodem  
 auctore, bilem & pituitam. Atque inde ortum prouerbum, bi-  
 bendum ei esse helleborum, qui desipiat. Non nullos etiam stu-  
 diorum gratia, ut acius ea perspicerent mentis acumine, quæ cõ-  
 mentabantur, sæpe sumpsisse helleborum plane constat. Quod  
 quidem Carneades fecit, cum Zenonis libris esset responsurus.  
 Atqui ego, subdit Horatius Democriti adhuc sententiam deri-  
 dens, ab insanis insanus habebor; & tanquam stultus, mihi que  
 ipsi parum constans, ac sapientum dogmatis contrarius exhibila-  
 bor. Qui uerno tẽpore, quo medici potiones præbentes mor-



bis prospiciunt, quos æstas plerunque apportat, atram bilem  
 purgare soleam. cum alioquin in furorem, & maniam prola-  
 psum desiperem; ualitudinemque negligens insanus euaderem  
 poeta, & Democriticus. uerum isti ualeant deliri pseudophilo-  
 sophi. Nam nil tanti erit, quod in eorum sententiam me ire co-  
 gat; aut incolumitati cum animi, tum corporis non consulere;  
 dum falso poeta nuncuper. Extollant quoque maximis præ-  
 conijs Græci melancholiam, quam nos furorem dicimus, conten-  
 dantque esse affectionem heroicam; quippe ea uiri præstantissi-  
 mi, & Sibyllæ laborarunt; dicatque Aristoteles arbitrio suo om-  
 nes ingeniosos melancholicos. ego tamen me tardiorē esse  
 non moleste feram. Nam, etsi uatis nomen non consequar,  
 fungar equidem uice cotis; quæ cum ipsa incidendi uim non ha-  
 beat, ferrum tamen acutum reddit, ut facillime præcidat. Ita  
 ego, cum ingenij tenuitas nihil suppeditet, quod Musis dicere  
 ualeam, exclususque omnino a poetarum cœtu alios docebo;  
 unde munus, & poetica facultas comparetur; quid poetam nu-  
 triat, informetue; quid deceat, contraque item dedeceat, admo-  
 nebo. Scio hic non nullos Platonis clypeo circumseptos De-  
 mocriti aduersus auctorem propugnatores fore, ac pene patro-  
 nos. Qui omnes poetas insignes non arte, sed diuino potius af-  
 flatu præclara poemata canere, neque prius uim illam condendi  
 carmina adipisci, quàm deo pleni, extra se se positi, atque om-  
 nino a mente alienati fuerint, cum sepe aliàs testetur; tum eo  
 dialogo abunde differit, quem de poetico furore inscripsit. san-  
 ciamus itaque fœdus; ne Horatius noster cum tanto uiro con-  
 uenire nō uideatur, quem omnes perinde atque diuinum suspe-  
 xerunt. Plato quippe furorem mentis alienationem uocat;  
 eamque duobus modis accidere arbitratur: aut ab humanis mor-  
 bis, quæ, quòd hominem mente captum, & quodammodo bru-  
 tum reddit, proprie dicitur insania; & hæc quidem est, quam  
 Flaccus explodit: aut ab ipso deo prouenire; quæ quia supra hu-  
 mana animum erigit, diuinoque lumine a terrestribus ad supe-  
 ra trahit, iure diuinus furor nuncupatur. atqui hac sine abalie-  
 natione nunquam animum recte contemplari posse auctor est  
 ipse idem Plato; cum philosophiam mortis meditationem diffi-  
 niuit. Et poeta quidem nunquam recte carmina conscribet, ni  
 animi



animum a corpore penitus abduxerit. Nam, ut satis docte, ac perite inquit Maro,

igneus est ollis uigor, & cœlestis origo  
Seminibus, quantum non noxia corpora tardant,  
Terrenique hebetant artus, moribundaque membra.

DE RECTE SCRIBENDI FONTE.

Scribendi recte sapere est & principium, & fons.

Rem tibi socratica poterunt ostendere chartæ;

Verbaque prouisam rem non inuita sequentur.

Qui didicit patriæ quid debeat, & quid amicis,

Quo sit amore parens, quo frater amandus, et hospes;

Quod sit conscripti, quod iudicis officium, quæ

Partes in bellum missi ducis; ille profecto

Reddere personæ scit conuenientia cuique.

*qua uita* Respicere exemplar uitæ, morumque iubebo

*ps: uiuat.* Doctum imitorem, & ueras hinc ducere uoces. *i. a uita et morib.*

Interdum speciosa locis, morataque recte

Fabula, nullius Veneris, sine pondere, & arte

Valdius oblectat populum, meliusque moratur,

Quam uersus inopes rerum, nugæque canoræ.

Democriti insanam opinionem reprobasse non satis habebat, nisi promissa perfolueret: unde enim poeticas opes adipisci uniuersique possit, se ostensurum paulo ante receperat. Ac primo aduersus Democritos Socratem fortissimum ducem constituit; qui prudentiæ telis scribendi recte fontem esse sapientiam contendat. materiam quippe, inquit, copiosissimam, senten-

N



ECPHRASIS IN HORATII

tiarumque siluā socratica philosophia, quā uocant morale, presta-  
bit. Nam Socrates ab Apolline sapientissimus iudicatus *τὸν ἡθικὴν  
ἐπεσβεσσε φιλοσοφίαν*; primusque à rebus occultis (ut Ciceronia  
nis utar uerbis) & ab ipsa natura inuolutis, in quibus ante eum  
omnes philosophi occupati fuerant, auocauisse philosophiam,  
atque ad uitam communem adduxisse fertur; ut de uirtutibus,  
& uitijs, omninoque de bonis, & malis quæreretur. Coelestia au-  
tem uel procul esse à naturæ cognitione censebat; uel si maxi-  
me cognita essent, nihil tamen ad bene uiuendum conferre. Qui  
enim à philosophiæ penetralibus, quæ laudandarum artium o-  
mnium procreatrix, & parens quasi quædam à doctissimis qui-  
busque iudicatur, rem pertractandam acceperit, uerborum co-  
piam, ubertatem, atque ornatum habebit; quod optime rem  
prouisam facile apposita uerba subsequenter. etenim ex rerum  
cognitione efflorescit, & redundat oratio; eaque uerba Cicero-  
ni satis ornata uidentur, cum eiusmodi sunt, ut ea res ipsa pe-  
perisse uideatur. Præterea qui nouit quātum patriæ, quantum  
ue amicis debeat, quo amore in parentes, quo in fratres, quo de-  
nique in hospites inflammatum esse oporteat; qui uel senatoris,  
iudicis, imperatorisque officium percallet, sciet profecto cuique  
personæ suum decus attribuere. Quapropter unusquisque poe-  
ticæ studiosus à philosophia morali, tanquam uitæ archetypo,  
& morum exemplari non discedens, congruentes partes, accom-  
modatumque sermonem præbebit omnibus, quos loquentes in-  
troduxerit; rebusque serijs, ac sententiarum grauitate fabula-  
rum leuitatem compensabit. Nam (ut alia poematum genera  
omittamus, quæ non tantum moribus, uerum etiam & naturæ  
arcanis referta sunt) comœdias omnes, tragœdiasque, ni pon-  
dus à præceptis, ac sententijs ad quotidianam uitam spectanti-  
bus accepissent, quid aliud esse, quàm ieiunum sermonum, ste-  
rilemque materiam diceremus? Huc spectare uidetur & Cice-  
ronis decretum: qui, cum omnis philosophia in tres partes diui-  
datur, in naturæ uidelicet obscuritatem, differendi subtilitatem,  
inque uitam, & mores, duo prima relinquens, tertium locum de  
uita, & moribus tanquam proprium oratori tribuit. Atqui  
poeta finitimus est oratori, numeris paulo astrictior, uerborum  
autem licentia liberior, multis uero ornandi generibus socius, ac



pene par. Ad hæc poema bene moratum, locisque philosophicis ornatum, utilem uel continens materiam, sine tamen uenustatis lenocinio, aut uerborum maiestate, aut constructionis artificio, melius spectantem populū oblectat, detinetque, quam exornatissimis uersibus, nulla subiecta sententia, neque scientia. Qui licet bene tornati, rotundi, modulateque sonantes facillime fluere uideantur, sine tamen rerum & sententiarum pondere nugæ canoræ merito nuncupantur; ut qui inanes tantum modo sonos fundant, auribusque perstrepant. Animaduerten dum denique est, Horatium, dum materiam à moribus sumendam decernit, non omnino eam philosophiæ partem, quæ à Grecis *φυσικὴ* dicitur, aspernari. Multi quippe loci naturæ secretis redundant (ut de Empedocle & Lucretio filæ, qui poemata de rerum natura conscripserunt) passim in antiquorum uatum libris, Homeri præcipue ac Maronis occurrunt. Quinimo utranque philosophiam uniuersæ commendasse opinor; cum inquit, recte scribendi fontem esse sapientiam, rerum equidem diuinarū, humanarūque scientiam; cuius studium philosophia à ueteribus dictum: postea uero sigillatim theatralium fabularum materiam à socratica depromendam esse iure statuisse, quoniam à quotidiana uita, hominumque moribus nequaquam eas aberrare decet.

## GRAECORVM LAVS.

Graijs ingenium, Graijs dedit ore rotundo  
Musa loqui, præter laudem nullius auaris.  
Romani pueri longis rationibus assem  
Discunt in partes centum diducere. Dicat  
Filius Albini, si de quincunce remota est  
Vncia, quid superat? poteras dixisse triens. ohe  
Rem poteris seruare tuam. redit uncia, quid fit?

*laboris: nam ut ætatis homines in Ciuitate Romana longe diuertiam  
sequeantur rem: nam in primis stinent cupiditate auri, aurritiaq;  
impulsi, uariantur, & genus negligunt, et ratiocinantur, metiendo  
artem discentes, tant opus, ut assa in centis partes, si opus sit,  
uiant diuider, et ad oem propositi questionem & huiusmodi re quærim  
responder: nam hæc tunc plebs facit; sed nobilissimus qd.*

*Greci. n. contem  
ptu oī diuitiarū  
græ. Lucij mini-  
me appetentes, si  
tas se contulerūt  
ad laudem parandā  
huiusq; uiciu ca-  
piditate inflamati,  
maximas suscepit*



*Quis igit' sper* Semis . adhac animos erugo , & cura peculi  
*huiusmodi' hoies,* Cum semel imbuerit , speramus carmina fingi  
*qui lacum semper* Posse linenda cedro , & laui seruanda cupressō ?  
*intenti sunt, ne*  
*q; aliud dies noctesq;*

*cogitant, qua m* Cum pauloante à philosophiæ perenni fonte poeticos riuulos  
*hona primoniū* deducendos esse monuerit , cumque omnis philosophia à græcis  
*auger possint,* auctoribus inuenta pariter , atque exulta fuerit , eos nunc ad-  
*poemata scrip-* modum commendans ætatis suæ avaritiam carpit . Nam etsi qui-  
*turos, que par* dam nimio latinitatis amore incensi , alienæque laudis obtrecta-  
*ritati mandat,* tores gloriam hanc græcis tribuere noluerint ; Horatius tamen ,  
*et ad eorum qua-* cum Aristoteles ἀμφοῖν ὄντων φίλον ὁσίων εἶναι statuat προτιμῶν τὴν ἀλλή-  
*niant manus q* nonnulli , M. Tullius , à quo quidem Græcia male audire solebat ,  
*post innumera* ueritate adductus illi literas concedit , multarumque artium disci-  
*biles aros uisitu* plinam ; sermonis leporem , ingeniorumque acumen , ac dicendi  
*ri sunt.* copiam non adimit . Nam Græci , alioqui genus in gloriam suam  
 effusissimum , omnem sibi literarum , artiumque laudem sibi uen-  
 dicare iure uidentur ; quippe ut eam tanquam laborum mercede  
 dem reciperent , magnopere defudarunt . Contra Romani aua-  
 ritia , qua nullum est tetrius uitium , obcæcati pueros suos non  
 ingenuarum artium , disciplinarumue doctoribus erudiendos  
 tradebant , sed calculo instituebant , ut ab ineunte ætate compu-  
 tandi , subducendique rationes addiscerent . Quod si nobilis cu-  
 iuspiam filius assem in partes diducere sciebat , exempli causa , de  
 quincunce subtracta uncia trientem superesse , uel contra unius  
 accessione semis fieri ; omnes statim mirabantur ; asserebantque  
 eum esse aptum , & peridoneum rebus seruandis , augendisque .  
 Huiusmodi ergo , inquit , ardenti avaritia ; quæ est ærugo quasi  
 quædam animorum ( nam sicuti rubigo ferrum exedit , ita im-  
 moderata numerorum auuiditas cor absumit ) quæstusue cura cū à  
 pueritia se se imbuerint Romani ; non erit amplius sperandum  
 eos rite carmina posse condere ; quæ cupressinis scriniolis seruari  
 mereantur ; oleoque cedrino aduersus tineas perungi . Nam , ut  
 auctor est Plinius , cedrus arbor est in Creta , Africa , & Syria lau-  
 datissima ; cuius oleo peruncta materies nec tineam , nec cariem

*bigna cedro di-*  
*unt, que p me*  
*rent immortal*  
*tate: et ciuina*  
*hi uidentur ut po*  
*stariati core-*  
*uari tbeant.*  
*Ab arboris natu*  
*ra uinus succo*  
*gug it illita*  
*non sentiut*  
*cariem*





sentit. Et alibi idem refert Pompilij Numæ sepulchrum an-  
post eius obitum D. XXXV. fuisse inuentum cum libris mini-  
me corrosis, a tineis uē tactis; quod cedrati, hoc est oleo cedri-  
nō peruncti fuerant.

DE TRIPLICI POETARVM GENERE.

*Aut prodesse uolunt, aut delectare poetæ;*

*Aut simul & iocunda & idonea dicere uitæ.*

Quamquam a philosophia morali utilem materiam depromen-  
dam esse sanxit, moratumque poema satis probauit; cum tamē  
poësis ad oblectandum partim, partim uero adiuuandum inuen-  
ta uideatur, ne aliquis existimaret omnino a uoluptate eam esse  
alienam, uatum omnium uniuersali distinctione eiusmodi scru-  
pulum euellere ex animis necessarium duxit. Quapropter tri-  
plex poetarum genus constituit: nam aut prosunt, aut oble-  
ctant, aut utrumque perficiunt, quod equidē laude dignius est.  
Prosunt inquam qui disciplinarum præcepta, artium uē, tum  
præsertim quæ moralia uocantur, carminibus tradunt, recteque  
uiuendi normam edocent. Empedocles enim Lucretiusque  
res physicas, Aratus & Manilius coelestes conscripserunt; He-  
siodus ac Maro de re rustica, Horatiusque ipse de arte poetica  
præceperunt. Quarum rerum cognitio utilis est, ac necessaria;  
iocunda uero non admodum, nisi ab emolumento uoluptatem  
præbeat. Moralis quoque philosophia suos habuit uates egre-  
gios. Nam Theognis Megarensis ad Cyrnum *γνώμων οὐραν* elegis  
uersibus, ac multas alias præceptiones condidit paræneticas.  
Phocylides Milesius philosophus eius coæuus carmine admoni-  
tiones, & sententias absoluit; quas *κεφάλαια* inscripserunt. Quin  
etiam Pythagoras Samius carmina a sententiarum fructu aurea  
nuncupata exarasse fertur. Atqui pastorum res ludicras, amato-  
riasque, & inanes fabellas pertractarunt, uoluptatis plurimum



præbent, utilitatis uero parum. Nam ( ut de græcis pariter quibusdam, ac latinis taceam, qui meras nugas susceperunt ) quid inanius, leuiusque effingi potuisset, quam *βαρβαρονομαχία*? Homero tamen doctrinarum parenti ascribitur. ut argumento sit ueteres poetas quandoque utilitatem, quandoque in conscribendis poematis oblectationem spectasse. Alij uero eruditissimi uiri, acri iudicio præditi, ac ingenio pene diuino uoluptatem, fructumque carminibus complexi iucunda pariter atque utilia poemata posteritati reliquerunt. multa enim ab illis oblectationis causa efficta uidentur, alioquin expressos mores, insculptamque uitæ imaginem sub falsitatis umbra continent. Nam & uetustissimi illi, qui ab initio poetica mendacia excogitarunt, illud sibi scopum proposuisse uidentur; ut sub fabularum inuolucris doctrinarum mysteria, mores, uiuendi que modum inuoluerent. Quid rursus tragœdias comœdiasque esse dicemus, quàm fabularum pigmentis coloratam hominum uitam? aut quid præterea Homericum poema, Vergilianumque, nisi pomaria satis amœna, omni uoluptate referta, omni denique fructuum, omnique pomorum genere redundantia appellabimus?

QV ID VNVM QVODQVE GENVS  
POETARVM DECEAT.

*Quidquid præcipies, esto breuis; ut cito dicta  
Percipiant animi dociles, teneantque fideles.  
Omne superuacuum pleno de pectore manat.*

Operæpretium est discere quid unumquëque poetarum deceat. non enim satis sibi fecisse uidebatur Horatius, quòd eorum genera explicauit, ni sua cuique iura præscripsisset; cum artis præceptiones tradere instituerit. Ac primum eos, qui omni uoluptatis illecebra abiecta prodesse tantummodo uolent, digressionum lenocinia, uerborum circuitus, descriptionum uel splendor, aut alia quæcunque ornamenta, & flosculos aspernari iubet. quinimo breuitati, quæ quidem ad docendos animos admodum



idonea habetur, maxime studendum esse monet; minimeque à iuuandi ac præcipiendi linea errandum; ut discentes præcepta facilius comprehendant, memoriæque thesauro recondita quādiutissime seruent. Nam cum loquacitas fastidium pariat, ac satietatem, quæ quidem docilitati aduersantur; nunquam bene docebit, qui nimia uerborum copia redundauerit. Proinde sermonis huiusmodi contractionem cunctos, qui artium, disciplinarum, morum, aliarumue rerum præceptiones tradiderunt, accurate obseruasse patet. Quorum omnium in hisce poeticis legibus conscribendis auctor ipse consulto breuissimus fuit; ut definant hallucinari, qui nimiam ei breuitatem crimini dare conantur. Etsi quandoque poetas à sterili materia angustijs in ubertatis campos digressos esse non inficior; quemadmodum fecit Maro in Georgicis. Verum id licentiæ, qua tuncungebantur, condonetur; Maroniani que animi fecunditati ascribatur, atque amplitudini; quæ non facile coarctari poterat; præsertim quod illis temporibus nondum poeticarum legum uinculis astricti tenebantur, nos tamen posterius Flacci prudentissimi legumlatoris iussa rata, & firma habeamus.

*Ficta uoluptatis causa sint proxima ueris;  
Nec quodcumque uolet, poscat sibi fabula credi;  
Neu pransæ Lamia uiuum puerum extrahat aluo.*

At qui oblectationis causa utilitati parum prospiciunt, uoluptati que tantummodo inhiant, non idcirco nullis terminis ius suum circumscribere, aut definire debent; ut sibi, quidquid libeat, mentiri liceat; quæue consingant, omnino sint à ueritate procul. nam si non uera, saltem uerisimilia comminisci oportet. alioquin ijs, quæ temere effinguntur, fides nequaquam adhibetur; imo tanquam uana insomnia ab omnibus contemni solent. Quis enim puerum à Lamia deuoratum, rursusque uiuum ab utero extraham credat? aut ab eiusmodi impudenti mendacio non abhorreat? præsertim quod poetæ, auctore Aristotele, etsi non est facta uera narrare, ut qui nomen à fingendo duxerit; est tamen



quemadmodum uel fieri potuerint, uel uerisimile, aut necessarium fuerit, explicare. uates quippe atque historicus non eo tantum, quod ille carmina, hic uero solutam orationem exarat, inter se differunt, sed quod historia res gestas enarrat, poesis autem ut geri potuerint. Quod si in portentosa eiusmodi figmenta de ueteribus quidam inciderunt; id euenisse dicamus propter nimiam libertatem; qua illos fuisse abusus paulo ante demonstrauimus. Proinde ob peccata maiorum animaduersa posterius diligentiores, cautioresque esse debent. nam, ut inquit ille, feliciter sapiunt qui alieno periculo sapiunt. Vetus praeterea sapientes ab eiusmodi monstrosis fabulis ualde abhorruisse, illud est argumento, quod Plato ea de causa, tum ob inhonesta dedecora, quae de dijs excogitauerat, Homerum uatum omnium patrem a Rep. quam informandam susceperat, expelli iussit. Pythagoras quoque, ut non nulli tradunt, ad inferos se descendisse asserbat; Hesiodique animam aereae columnae uinculis alligatam, stridentemque uidisse; Homeri uero ab arbore prudentem; poenas equidem figmentorum persoluentes, quae de dijs temere, ac turpiter effinxerant.

Omne tulit punctum, Centuria seniorum agitant expertia frugis;  
omnium suffragio, atque; Celsi praetereunt austeram poemata Rhannus;  
consensu probabitur. Omne tulit punctum qui miscuit utile dulci,  
sumptum a comitiorum consuetudine, in quibus suffragia punctis Lectorem delectando, pariterque monendo.  
notabantur. Et qui Hic meret aera liber Sosius, hic et mare transit,  
plura habebat puncta, Et longum noto scriptori prorogat aeuum.  
magistratum adipiscibatur.

Cum in Theatris sedat Animaduertens Horatius non omnes iisdem rebus oblectari, cum duplex hominum genus, alij alia expetant, & quod uulgo inoleuit, quot capita tot sententiae, ut cunctis pariter satisfaceret; ijs inquam, qui a carminibus fructum, tum ijs, qui uoluptatem querunt, illud poema summis laudibus extollendum censet. quod graues sententias, morum praecipua, & (ut ita loquar) uitae characterem continet, iucunditatisque illecebras, ac uoluptatum dulcia condimenta afferant audiens ad motus recte effingendos. Ego uero quanta non prebet; sunt seueritate, neque eo aetatis perueniunt, austeram poemata negligunt, neque audis animis uolunt. Quicumque igitur poeta, utriusque fuerit assensu, ut et possit et delectet is sana ab omnibus probabitur.



prebet; delectando pariter, atque monendo. Siquidem, ut as-  
ferebat Domitius Piso, thesauros oportet esse libros. Talis quip-  
pe codex serijs rebus, iocosisque affluens omnium iudicio, suf-  
fragio, atque consensu probabitur; bibliopolis quoque magnū  
lucrum apportabit; exterisque à nationibus, & gentibus eme-  
tur; imo auctoris nomen immortalitati tradet. Notandum  
pro centurijs seniorum senatores ipsos intelligi; qui ob ætatis,  
dignitatisque seueritatem non nisi seria commendabant; pro  
Rhamnensibus uero (nam metri necessitas coarctauit nomen)  
equestrem ordinem. qui procul à senatoria grauitate poemata  
austera aspernabantur; dulcia uero, & uoluptaria amplexaban-  
tur. Romulus enim, ut auctor est Liuius, cum populum in tri-  
ginta curias diuississet, tres equitum centurias, Rhamnenses ab  
ipso, à Tito Sabinorum rege Titieneses nuncupatas (nam Luce-  
rum nominis, atque originis causa incerta) conscripsit. Quam-  
uis non nulli centurias seniorum proprie ætate prouectorum ca-  
ternas interpretentur; qui naturali austeritate, & supercilio ia-  
ludicris rebus abhorrent. Celso uero Rhomulidas iuniores; qui  
floquentis ætatis feruore elati poemata frugifera nihilificiūt, dum  
modo à ridiculis iocis uoluptatem, & cachinnos hauriant, mirū  
quippe in modum ad libidinem iuuentus procliuior est.

QVID DEDECEAT.

*Sunt delicta tamen, quibus ignouisse uelimus;  
Nā neque chorda fontū reddit, quē uult manus, et mēs,  
Poscentiq; grauem per sepe remittit acutum.  
Nec semper feriet quodcunque minabitur arcus.  
Verum ubi plura nitent in carmine, non ego paucis  
Offendar maculis; quas aut incuria fudit;  
Aut humana parum cavit natura. Quid ergo?  
Vt scriptor si peccat idem librarius usque,*

o



Quamuis est monitus, uenia caret; & cytharædus  
Ridetur, chorda qui semper oberrat eadem.  
Sic mihi qui multum cessat fit Cherylus ille;  
Quem bis terq; bonum cum risu miror, & idem  
Indignor. quandoque bonus dormitat Homerus;  
Verum opere in longo fas est obrepere somnum.

Quoniam uero satis superque pauloante dictum est, quid poetam deceat, merito hic subiiciendum quid non deceat existimauit; ut decori, cui adhærendum est, e regione & contrario nomine dedecus, quod euitandum, tanquam uirtuti uitium opponatur. Vnicuique ergo poetæ maxime cauendum est, prouidendum est, ne in uniuerso peccet; pluribus uel erratis poema omnino deformatum reddat. Cum tamen homines ob naturæ imbecillitatem facillime delinquant, ignoscere quandoque oportet; præsertim quod omnibus in rem actionibus euenire cernimus, ut plerunque finem optatum non consequamur. nemi enim per sæpe non recte intenti, aut remissi legibus musicis nequaquam respondent; minimeque eum sonum remittunt, quæ cytharædi manus, atque aures expostulant; cumque hic grauem poscat, illi acutum reddunt. Sagittarius quoque non semper eum scopum percutit, quo arcum intendens sagittam direxerit. Cum itaque proprium hominis sit peccare, iure poetis quædam parua delicta condonantur, quæ incuria commisit, humana uel natura peccatis obnoxia parum cauit. Nam cum plura ornamenta tanquam gemmæ splendent in poemate, non adeo paucis maculis offendi debemus; ut illa præclara, laudeque digna aspernemur. Cumque omnium membrorum compactio mira pulchritudine præfulgeat, insolentis nimium, ac pene delicatissimi fastidij esset ob naui totum corpus repudiare. Nihilominus qui improuidus sæpe sapiens in eadem errata, quamuis monitus, incurret, uenia omnino carebit; imo tanquam incautus damnabitur, non secus atque librarius, qui in describendis codicibus idem mendum litura corrigendum sæpissime exarat; ac cytharædus,



qui semper eadem chorda oberrat. Quinimmo alter Cherylus iure habebitur, poeta ille ineptissimus ab Aristotele, dum in topicis Homeri exemplis non Cheryli utendum admonet, explosus; qui cum gesta Alexandri conscribenda sumpsisset, vix duos, aut tres uersus laude dignos eructauit. Quapropter ne in maximos ac plurimos errores incidat, unusquisque summopere caueat; id quippe est intolerabile. Cum alioqui labeculas omnino euitare mortalitas non possit, ac doctissimi quippe uiri plerunque cæcutiant. Nam & Homerus ipse; quem Socrates apud Platonem omnium poetarum optimum, ac pene diuinissimum appellat; inque eius libris tandiu elaborasse Ionem illum rhapsodum mirifice probat; dormitasse quandoque eruditissimis, ac iudicio præditis uidetur. Fas enim, ac prope necessarium fuit in tam magno poemate somnum obrepisse; cæcumque senem tanto labore defessum non nunquam obdormiuisse non est mirum. Atqui singulos locos, in quibus ille caligasset, quod non nulli faciunt, ostendere non ausim. deterret enim tanti uiri maiestas; quem omnes doctrinarum fontem, cunctarum rerum thesaurum, poeticæque artis exemplar quoddam constituerunt.

POESIN PICTVRAM IMITARI.

*Ut pictura poesis erit; quæ, si propius stes,  
Te capiet magis, & quædam si longius abstes.  
Hæc amat obscurum; uolet hæc sub luce uideri,  
Iudicis argutum quæ non formidat acumen;  
Hæc placuit semel, hæc decies repetita placebit.*

Animaduertendum est, ne quispiam hac licentia, quam Flaccus legum conditor hominum uitio adactus, & quodammodo inuitus dedit, impune abutatur; ne inquam arbitretur sibi peccata omnia remitti, & condonari; quæ si a critico obijciantur, statim occurrat: Homuncio sum, humani a me nihil alienum puto (ut Terentianum illud ad hanc sententiam accommodetur) quinimo

O ij



EC PHRASIS IN HORATII

omnibus ingenij uiribus cuique enitendum est, ut opus cum de  
coro absoluat; adeoque excultum, politum, limatumque red-  
dat, ut tuto extra domesticos parietes exire, inque studioforū  
manibus, quibus perpenduntur lucubrationes, haberi possit.  
Poësis enim, ut supra diximus, picturam imitatur. & quemad-  
modū tabella præclare, artificioseque depicta eo magis oblectat,  
quo propius accedas; alia uero procul spectanda, ut quæ non  
tantam artis præstantiam contineat; rursus hæc in intimo ac sub  
obsuro loco conspicienda, ut uitia lateant; illa uero propalam,  
omniumque ante conspectum collocanda, ut quanto magis aspi-  
ciatur, eo melius oculis splendescat, atque animum pictura pa-  
scat inani: ita poema ad unguem perfectum, suisque ornamen-  
tis distinctum, uarijsue coloribus ornatum, ac nullis maculis in-  
persum faulste, & feliciter foras dabitur; doctissimorumque ho-  
minum, qui se censores faciunt, acre iudicium non formidabit,  
ac procul ab omni reprehensionis nota iterum & sæpius perlege-  
tur, maiorem quoque in dies singulos repetitum iucunditatem  
præbebit. Quod equidem in Marone nostro euenire quis infi-  
ciaretur? Eius quippe crebrior lectio iucundiorē uoluptatem  
tradit; quantoque frequentius illius diuina carmina repetuntur,  
tanto minus satietatem afferunt. aliorum uero quorundam poe-  
sis uix semel lecta tanto fastidio legentium animos afficit, ut nun-  
quam amplius in manus sumatur; imo ad eum tantummodo  
usum in posterum seruari soleat, ut inertes tineas perpetuo taci-  
turna pascat.

IN ROESI NON DARI MEDIOCRITATEM.

*O maior iuuenum, quamuis & uoce paterna  
Fingeris ad rectum, & per te sapis, hoc tibi dictum  
Tolle memor; certis medium, & tolerabile rebus  
Recte concedi. consultus iuris, & actor  
Causarum mediocris, abest uirtute disertis  
Messalæ, nescit quantum Casellius Aulus,*



*Sed tamen in pretio est. Mediocribus esse poetis  
Non Dij, non homines, non concessere columnæ.*

Scio quòd lata lex non nullorum suffragijs repudiabitur; qui eā tanquam nimis duram abrogandam esse contendunt; cum non omnes omnia possint, minimeque ad summum præstantiæ culmen unusquisque peruenire ualeat. Est enim quoddam prodire tenuis, si non datur ultra. His ergo Horatius alio decreto occurrit; mediocritatem scilicet, quæ in reliquis artibus studiisque non improbat, in poetica nequaquam tolerari. Imo, inquit, o maior natu Pisonum, qui minorem ætate præcurrens melius rem hanc dijudicabis (ni aliquis poeticæ fuisse studiosiorem, uel contrariam auctori de poetarum mediocritate opinionem habuisse dicat; atque idcirco fuisse monendum) quamuis patris sapientissimi, ac doctissimi uiri monitis instituaris, & per te sapias, hoc tamen meum præceptum ne contemnito. Certis ac definitis rebus mediocritas quædam recte conceditur; mediocris enim iureconsultus, causarum uel actor (etsi cum A. Casellio iurisperitissimo, Messalaque Coruino oratore disertissimo non comparandi) suis tamen laudibus ornantur. mediocrem uero poetā esse, neque a Dijs, neque ab hominibus, neque a parietibus ipsis unquam permissum. Tanta quippe in poeta; cum eius sit munus dicere perapposite ad admirationem, quam nihil nisi summum parit, magnificum, atque excelsum; præstantiæ magnitudo requiritur; ut non immerito asserat Cicero uix singulis ætatibus bonum poetam inueniri. Eloquentia enim, ac poesis ex ijs rebus uniuersis constant, quibus in singulis elaborare per magnum est. Quo circa antiquos uates, summos illos, atque egregios, in suo quenque scribendi genere, nunquam satis admirari possum. qui nescio an posteris canendi facultatem reliquerint. Recentiores uero quosdam non possum nisi irridere; qui ab imperito uulgo inanem gloriolam captantes, uersiculos, imo nugas, de quacunque re effutiunt. Quòd si torculis noctes ac dies exprimerentur, nihil unquam succi deflueret; adeo ut in eos conuenienter dici possit prouerbium illud, oleum & operam perdidisse. Cæterum quis fuerit Aulus ille ab auctore tan-



quam iurisprudētissimū celebratus, non erit ab re fortasse querere. Ac primo Cēselliū uindicem qui arbitrantur; de cuius erroribus scripsisse fertur Terentius Scaurus, cuius uel commentarios rerum antiquarum citat Gellius; doctis uiris nullo modo satisfaciunt. eum quippe fuisse grammaticum plane constat. rursus alij Cēselliū prādiatorem intelligentes minus arident; de quo in oratione Ciceronis pro Cor. Balbo hæc uerba habentur. Q. Scauola ille augur cum de iure prādiatorio consulere-  
tur homo iurisperitissimus consultores suos non nunquam ad Furium & Cēselliū prādiatores reijciebat. innuit enim Horatius hic prāstantissimū in arte, & non mediocrem, qualis ille prādiator. Nam quod non nulli Cēselliū reponunt, nullo modo probatur. Eum itaque Cēselliū intelligamus; quem ut uenustum Quintilianus laudat, ac iureconsultissimū fuisse perhibent.

*Vt gratas inter mensas symphonia discors,  
Et crassum unguentum, & sardo cum melle papauer  
Offendunt; poterat duci quia cœna sine istis.  
Sic animis natum, inuentumq; poema iuuandis,  
Si paulum summo discescit, uergit ad inum.*

Cum Flaccus omnino poetis mediocritate interdixisset, ostendit nunc se id æquo iure fecisse; ne temere legem sanxisse uideretur. Congruentibusque exemplis ea de causa modum uatibus non prāfiniri statuit; quod cum pœsis ad oblectandos, iuandosque animos inuenta dicatur, nisi summum prāstantiæ splendorem adipiscetur, iucunditatem cum emolumento nullo pacto præbebit. Nam & in lautis conuiujs symphonia, quæ pectora demulcendi causa adhiberi solet, discors, iam tum eo nomine nequaquam digna, magnopere conuiuarum aures offendit. Unguentum quoque putre, maleque olens naribus iniucundum odoratum tradit. eo quippe manus defricabant; nam post singula fercula palmas antiqui abluiebant; quem morem optime exprescit Catullus Fabullo suo inter cœnādum unguē-



tum se daturum promittens; quod cum olfaceret, deos fore rogaturus, ut totum se nasum redderent. Papauer etiam; cuius semen cum melle in secunda mensa, somni iam tempore imminente, soporis fortasse gratia prouocandi apponebatur; nam, ut inquit Plinius, fatium uim habet somniferam; cum siluestre melle decoctum in miro sit usu ad faucium remedia; si comedendum non cum attico, uerum cum sardo melle, quod habebatur pessimum, commisceretur, non ne omnes respuerent? praesertim quod coena sine eiusmodi luxu iam traduci poterat. Poetis itaque ut animos alliceret adinuenta, oblectamentisque ad recte uiuendi normam adduceret, si paulum a summo excellentiae culmine decesserit, ad infimum locum prorsus declinabit. Nam cum medium non detur, in alterum duorum extremorum incidere necesse est; ut uel ad altitudinis apicem euolet, uel ad humilitatem decidat; aequae caelo, ut ita loquar, ad terrae centrum delapsa nunquam amplius in luminis auras egrediatur.

NON ESSE INVITAMINER  
VASCRI BENDVM.

*Ludere qui nescit, campestribus abstinet armis;  
Indoctusque pilae, disci ue, trochi ue quiescit;  
Ne spissae risum tollant impune coronae.  
Qui nescit, uersus tamen audet fingere. Quid ni?  
Liber, & ingenuus, praesertim census equestrem  
Summam nummorum, uitioque remotus ab omni.  
Tu nihil inuita dices, faciesque Minerva:  
Id tibi iudicium est, ea mens. si quid tamen olim  
Scripseris, in Metij descendat iudicis aures,  
Et patris, & nostras, nonumque prematur in annum.*



*Membranis intus positis delere licebit*

*Quod non edideris ; nescit uox missa reuerti.*

Quæret aliquis fortasse normam ; & regulam seruandam ; ne in illam mediocritatem ; quam auctor poetis abstulit ; inconsiderate incidat . Quippe quid euitandum sit edoctus , uiam & quodâ modo lineam , quam nunquam transeat ; ostendi sibi uult . Huic ergo iustissimæ expostulationi satisfaciendum esse existimauit ; admonens neminem ea aggredi debere ; in quibus excellere non certo sciat ; ne sit tanquam cantherium in fossa ; inuitaque , ut aiunt , Minerva nihil dicendum , peragendum uel , ne more Gigantum naturæ quispiam repugnare uideatur . qua quidem aduersante nihil unquam præclarum , nihil laude dignum fit . Atque utinam huiusmodi sententia , tanquam diuinum oraculum mentis thesauro ab omnibus custodiretur ; nam unusquisque in arte sua præstantissimus euaderet , si inquam ipsæ studiis se dederit , ad quæ natura ipsa idoneum , & procliuem finxerit . unde iure laudatur summus ille doctor Alabâdensis Apollonius ; qui cum mercede doceret , non tamen patiebatur eos , quos iudicabat non posse oratores euadere , operam apud sese perdere ; dimittebatque ; & ad quâcunque artē putabat esse aptum , ad eam impellere , atque hortari solebat . Atque hinc summo opere extollendus est , qui ludendi inscius ab exercitatione ludoque campestri abstinet ; qui uel pilæ , aut disci , aut aliarum iuuenilium exercitationum expers quiescit ; ne a frequentissima spectantium corona exsibiletur , habeaturque ludibrio , tanquam ὄντος πρὸς λόγους . Unusquisque ergo , ne ineptitudinis , aut ineptiæ crimen subeat ; ab effingendis carminibus abhorreat ; nisi ad id naturæ impulsu adigatur , uimque omnem poeticam percalleet . nam alioquin ad summum fastigium ascendere nequit . Quod si nobilis quidam , diuesque generis claritate , ac opibus confusus , adulatorumque caterua circumseptus occurret : nunquid ego indignus musarum alumnus iudicabor ? qui liber sim , atque ingenuus , magnoque censu adeptus dignitatem equestrem , & , quod præclarius , ab omni uitio alienus ? Flagitiosus quippe uates nullo pacto alijs prodest ; unde illud , castum decet esse pium poetam ; & ueteres



& ueteres haud immerito musas uirgines esse dixerunt. nam qui alios bonis præceptis instruere uult, debet ipse omni culpa prorsus carere. Est enim natura comparatum, auctore Aristotele, ut probis & honestis uiris magnam fidem adhibeamus. quamuis alij ab omni uitio poetico interpretentur. Huic paucis respōdet auctor, nobilitatem, & diuitias poeticam facultatem non parere; ac repugnante natura nihil esse dicendum, agendum uel. Nam etsi cæterarum rerum studia doctrina, & præceptis, & arte, ut inquit Cicero, constant; poeta tamen natura ipsa ualeat, & mentis uiribus excitatur, spirituique diuino quasi quodam afflatur. Quid? non ne ad scientiarum perfectionem, artiumque adipiscendam requiritur in animis impetus ille, quem Aristoteles *πῶς φύσιν ἀρετῶν* nuncupauit? non ne cuique ab ortu suo astra inferunt semina quædam, ac scintillas, quibus aptus, & procliuius ad peculiare studium informatur? unde multos naturali eiusmodi procliuitate, sine doctoris opera, in disciplinis, artibusque profecisse deprehendimus; quos Græci *αὐτοδιδάκτους* uocant. Ea propter cum pro comperto ab omnibus habeatur poetam a natura ipsa effingi, nihil erit profecto ineptius, quam ea obfistete carmina moliri. Quod quidem decretum ab omnibus sancte obseruandum in animis fixum, in sculptumque maneat. qui uero secus fecerit, iratas musas semper habeto. Quod si aliquid naturæ impulsu conscripseris, doctissimorum uirorum, ac naris emuntæ iudicium consulito; pensitandisque carminibus Metium seuerum iudicem, patrem tuum Pisonem eruditissimum, et, si libet, me quoque adhibeto; qui æqua aurium lance (earū quippe poeta diligentissimus debet esse consultor) accurate examinare possimus. tuarumque rerum te censorem ne constituas. Fit enim nescio quo pacto, ut omnes *φιλαντία* decipiamur; ac suum cuique pulchrum uideatur. neminem adhuc, inquit Cicero, cognoui poetam, qui sibi non optimus uideretur. Quapropter editionem non maturabis; quod non nulli amore sui obcæcati faciunt. imo libellum tuū per plures annos occules; donec omni litura expurgatus, politulus, limatulusque tuto foras dari possit. quandiu enim domi custoditur, diligentius in horas singulas examinari, & corrigi potest. quod si semel in uulgus emanauerit, ad limam regressum nunquam habebit. nam quod se-

P



mel est editum amplius quonam pacto occultabitur? aut uox  
emissa quomodo reuertetur? præsertim quòd, asserente Aristo  
tele, quod semel dictum est, οὐκ ἔστιν ἔτι τούτο λαβεῖν. Atqui hoc  
præceptum semper memoria habendum Quintilianus ita cele-  
brat, usus Horatij consilio, qui in arte poetica suadet, ne præ-  
cipitur editio, nonumque prematur in annum. dabamus li-  
bris otium: ut refrigerato inuentionis amore diligentius repe-  
titos tanquam lector perpenderem. unde præclare fecisse Plinio  
uidentur Apelles, & Polycletus; qui absoluta opera, quæ qui-  
dem mirando non satiabantur homines, pendenti titulo inscri-  
bebant; ut Apelles faciebat; tanquam inchoata semper arte,  
& imperfecta; ut contra iudiciorum uarietates superesset artifi-  
ci regressus ad ueniam; uelut emendaturo quidquid desiderare  
tur, si non esset interceptus.

DE POESIS ORIGINE.

Siluestres homines sacer, interpretesq; deorum  
Cædibus, & uictu fædo deterruit Orpheus;  
Dictus ob hoc lenire tygres, rapidosq; leones.  
Dictus & Amphion Thebanae conditor arcis  
Saxa mouere sono testudinis, & prece blanda  
Ducere quò uellet. Fuit hæc sapientia quondam,  
Publica priuatis secernere, sacra profanis,  
Concubitu prohibere uago, dare iura maritis,  
Oppida moliri, leges incidere ligno.  
Sic honor, & nomen diuinis uatibus, atque

Mares fortasse dixit  
animos. respiciens ad  
Orpheum, qui mulie-  
rum in se ipsam conci-  
tauit.

Carminibus uenit. Post hos insignis Homerus;  
Tyrtæusq; mares animos in martia bella  
Versibus exacuit. dictæ per carmina sortes;



*Et uitæ monstrata uia est. Et gratia regum  
Pierijs tentata modis; ludusq; repertus,  
Et longorum operum finis. ne forte pudori  
Sit tibi Musa lyræ solers, & cantor Apollo.*

Occurrunt non nulli rem hanc altius repetentes; qui poeticam non ea difficultate, quam diximus, præditam esse contendunt; neque tantam præstantiæ magnitudinem expostulare, ut omnino à mediocritate recedat. atque à primis eius initijs argumenta depromunt. Etenim priscorum quidam poesin tanquā pueriles fabellas ad oblectandum tantummodo inuentas aspernabatur; quippe quæ nihil aliud in recessu absconditum haberet, præter illud uoluptatis parum, quod in fronte promittit. Idcirco Horatius eiusmodi falsam opinionem ex animis hominum euellere nititur. atque sub fabularum inuolucris recte uiuendi rationem, philosophiamque omnem latere asserit; adeo ut doctissimi quique uiri poeticæ primam philosophiam, rerumque omnium thesaurum nuncupare non dubitauerint. Nam, ut optime inquit Maximus ille Platonicus, Poesis nihil aliud est, quàm philosophia tempore uetusta, metris consonans, argumento fabulosa. Et quemadmodum medici amaras catapotias agrotis præbere cum uolunt, saccaro prius inuoluunt, ut ea dulcedine gustatum decipiant; sic uetus philosophia sententijs ac præceptis moralibus sub fabularum integumentis, carminumque lenocinio, ne fastidio afficerentur, homines illos siluestrem uitam degentes, urbanisq; moribus instruxit. quod quidem Orpheus Oeagri & Calliopes filius, Lini discipulus, primo in Thracia fecit. hunc enim poetico concentu Odryssas, agrestem profecto nationem, inhumanam, latrocinijque assuetam, quæ Pangæum montem incolebat, à uictu ferino ad politicam uitam traduxisse perhibent. unde quod rudes, siluestresque homines admiratione permulisset, non feras modo, uerumetiam saxa, siluasque duxisse, posteritatis memoriæ traditum est. Quem auctor sacrum uocat, ut semideū atque heroa; uel quia multa ab Aegypto in Græciam mysteria transtulit; sermonesque sacros, oracu-

ji P



la, ac ceremonias conscripſisse fertur. adeo quòd inter uetustif-  
 ſimos theologos numeratur. Qua quidem de causa deorū quo-  
 que interpretem uocat. ni maius ad illud respexisse, quòd eius  
 caput euulsum postea responſa cōſulentibus dedisse tradiderūt.  
 Amphion præterea antiquæ musicæ inuentor, ut nonnulli asse-  
 runt, testudinis sono, carminum suauitate, blandisque præcibus  
 durissimos homines, & quasi lapideos ad laborem illexit, dum  
 Thebas muro circumsepsit. atque hinc fidibus saxa commouisse  
 dictus est. Quamuis alij citharædum fuisse præstantissimū tra-  
 dant; qui cantu gradario, compositoque Bœotios in aciem edu-  
 xit; uereque Thebas Citharissans inexpugnabili armatorū mu-  
 ro circumvallauit. AD HÆC uetustissimi sapientes poe-  
 tici coloribus optimam uitam, sanctosque mores depinxerunt;  
 ac iustitiam, quæ ius suum cuique tribuit, inuiolate obseruan-  
 dam carminibus tradiderunt. Et quemadmodum antea erant o-  
 mnia cum diuina, tum humana promiscue confusa, nullam reli-  
 gionem deorum ue metum seruabant; imo ferarum more uxo-  
 res quoque communes habebant; ita poetæ publicas res à priua-  
 tis, sacrasque a profanis, distinxerunt; uagos concubitus ueta-  
 runt; nefariumque scelus fore decreuerunt, si quis alienas con-  
 iuges in stuprum illexisset; ciuitates, & respublicas constitue-  
 runt (prius enim fusi per agros, ac dispersi uagabantur) leges  
 etiam, quæ facienda iuberent, contrariaque prohiberēt, ligneis  
 tabellis, cum nondum excogitassent aris usum, inſculperunt.  
 unde iure Cicero poeticam uitæ præclaram emendatricem nun-  
 cupauit. Quocirca in singulos dies magis augeri cœpit, suosque  
 fines extendere: nam uatibus honos, qui alit artes, atque glo-  
 ria, quæ ad studia incendimur, accessit. Qui propterea quòd di-  
 uino spiritu afflari existimabantur, diuini ac sancti appellati fue-  
 runt. Theologorum deinde uetustissimorum ætati successit in-  
 clytus Homerus. qui poeticæ amplificator maximus, doctrina-  
 rum fons, rerumque omnium amplum pelagus, & ut uno com-  
 plectar uerbo, naturæ portentum appellandus est. Subsecutus  
 est quoque Tyrtaeus ille ἐλεγεσποιός, atque tibicen; qui carmine  
 Lacedæmonios aduersus Messenios bellum gerentes adeo in pu-  
 gnam concitauit, ut uictores reddiderit. Hic, ut asserit Plato,  
 Athenienſis, uel, ut alij, Milesius à Lacedæmonijs postea ciuita-



te donatus rebus bellicis omnino se dedit; ac mirifice celebrauit eos carminibus, qui in bello præstantes extitissent; minimeque laudandum ducebat, qui in pugna se bene non gessisset. Fuit coævus, ut non nulli arbitrantur, septem sapientum, aut uetustior, ut alij opinantur. scripsit πολιτεῖαν λακεδαιμονίῳ, καὶ ὑποθήκας δὲ ἑλενέας, καὶ μέλη πολεμικῆς βιβλίας, auctore Suida. Præterea, ut poësis inuētum deorum habeatur, per carmina oracula quoque edita fuerunt; imo heroici originem Pythio cuncti ascribunt; omnisque bene uiuendi ratio, ac philosophia a moribus ἠδὲ καὶ νῦν cupata fabulis inuoluta, rhythmisque absoluta fuit. Poeticis demum numeris (ut oblatrare definant qui musarum studia damnant; propterea quod uates contemnantur, egestatemque quodammodo, & mendicitatem patiantur; semper uersiculum in ore habentes, Mœonides nullas ipse reliquit opes) regum, ac principum beneuolentiam ueteres aucupabantur. quantoque in pretio poetæ habiti fuerint, illud argumento satis esse debet, quod Alexander inter spolia Darij, Persarum Regis unguentorum scrinio capto, quod erat auro, gemmisque pretiosum; uarios eius usus amicis demonstrantibus, imo Hercule, respondit, librorum Homeri custodiæ detur; ut pretiosissimum humani animi opus diuiti opere seruaretur. Quid ergo præclarius euenire potuisset? aut qui maior opum cumulus? bona quidem existimatio diuitijs præstat. Maroni quoque nostro qui dignior honos ab Augusto Cæsare tribui potuisset, quàm quod eius carmina contra testamenti uerecundiam cremari uetuit? maiusque ita uati testimonium contigit, quàm si ipse sua carmina probauisset. Præterea non tantum commoda præbet poetica facultas, uerum etiam & oblectamēta, laborumque solatia. Locosis quippe fabulis nescio quo pacto animi alliciuntur; à quibus post res serias, longorumque operū molestias quietē, relaxationemque mutuuntur. Fit etiam, ut qui in eis conscribendis, lectitandisque elaborat, ipsum animum opere pascat, & quodammodo laboris præmium a uoluptate recipiat. Quod quidem in aliarū rerū studijs non ita accidere quis ignorat? an potius longorum operum finem poeticis modulis idcirco repertum dixit, quod poetæ præstantium uiro- rum gesta carminibus celebrantes immortalitati tradiderunt; tantisque operibus laudem tanquam finem



suum, ac debitum præmium ascripserunt. omnes enim mandari uersibus æternum suorum laborum præconium magnopere cupiunt. quod equidem testatur illa heroica suspiratio Alexandri Macedonis apud Achillis tumulum. Alij Pierijs modis ludos esse repertos scenicos interpretantur, ob fabulas theatrales; & longorum operum fines uarios rerum euentus, quales in tragœdia, comœdiâque continentur. Ni mauis ad homerica poemata respexisse; quæ uarios actus, multasque actiones, consilia, & bellorum casus uarios, opera mirifica, diuersosque exitus amplexantur. Cuius æmulatione Maro quoque Aeneam suâ post patriæ excidium tot tempestatibus, procellis, naufragijsque cōflictatam ad Latium tādē, quō tãquam ad calamitatum finem, errorumque portum per tot rerum discrimina tendebat, peruenisse tradidit. Sunt alij quidam Pierios modos uersus lyricos exponentes; quibus uates regum heroumque, ut eorum gratiam inirent, laudes conscripserunt; ac res iocosas, ludicras, uoluptariasque. cuiusmodi Pindari, ipsiusue Flacci odas legimus. Vnde Anacreontis totam poesim amatoriam esse asseruerunt. Lyrico præterea cātu ueteres sepe numero solitudinibus, animique angoribus medebantur. uidetur enim natura hominibus musicam tradidisse, ut facilius labores tolerarent, animique perturbationes mitigarent. quod fecit Achilles apud Homerum; qui summo dolore, ac tristitia affectus, ut mentem tamen paululum oblectaret, canoram citharam sumpsit. Vnde aliàs ipse Flaccus inquit,

O decus Phoebi, & dapibus supremi  
Grata testudo Iouis; ò laborum  
Dulce lenimen mihi cunque salue  
rite uocanti.

Quod hodie quoque fieri quis est qui nesciat? etsi odorum locū numeri hetrusci occuparunt. quocirca, concludit auctor, nemo in lyricis tanquam re parua, uili, & contemnenda, cum alioqui magna sit, atque præclara, elaborare indignum ducat. quamuis non nulli in uniuerso poesim omnem commendasse, eiusque origini debitum præconium adiunxisse contendant.



## NATURA, AN ARTE POETA FIAT.

*Natura fieret laudabile carmen, an arte,  
Quæsitum est. ego nec Studium sine diuite uena,  
Nec rude quid proffit uideo ingenium; alterius sic  
Altera poscit opem res, & coniurat amice.*

*Qui studet optatam cursu contingere metam,  
Multa tulit, fecitq; puer, sudauit, & alsit,  
Abstiniuit Venere, & Baccho. qui Pythia cantat  
Tibicen, didicit prius, extimuitq; magistrum.  
Nunc satis est dixisse, ego mira poemata pango;  
Occupet extremum scabies. mihi turpe relinqui est,  
Et quod non didici, sanè nescire fateri.*

Vetus opinio est iam usque à priscorum philosophorum ducta temporibus, nasci poetam, à natura que ipsa in matris utero ad condenda carmina aptum informari. adeo ut in poesi nō id euenire sint arbitrati, quod in cæterarum rerum studijs; quæ doctrina, præceptis, arteque constant. Atque hinc è ueteribus cum Græcis, tum Latinis nemo poetice præceptiones tradidit; cum reliquarum tamen rerum plures se doctores constituerint. Et profecto huius artium præclarissimæ, faciliq; principis nullas leges haberemus, nisi Aristoteles, atque Horatius noster tantæ ruinæ consulissent. qui regulas docuerunt, quas transgredi nequaquam licitum foret. quapropter eiusmodi sententiam tantum diu mentibus hominum insculptam non omnino euellendam existimans auctor (difficile quippe erat) sed quodammodo corrigendam, neque uenam sine arte, neque artem sine uena optimum poetam conformare posse decernit; quinimo alteram ope alterius, atque adminiculo omnino indigere. non enim satis

*re aggruunt ad scribenda poemata: satisq; magnâ se assequitas putant: si multa scripserint, qd uerum numero ceteros præuerrunt: quasi ignaros eos uideant, ac uirides, qui pauca scribunt.*

*Cursoris, qui agiles corporis, et celeres pedibus esse student, abstinent a comestationibus et ingurgitationibus meri: omne lasciuia uoluptatemq; corporis uitant: multa præterunt, multa, diuq; sudant; multam*

*Mos puerilis erat illi, qui in cursu ultimus esset, scabiem impre-*

*cari. assent ab ipsa pueritia, antequam habili sint ad currendum corpori.*

*Tibicines quoque, qui in Lythiis sacris, ubi cætera, mina sunt in Apollinis honorem, antequam suam cæsequantur laudem uisitare; existant: melius prius se in eo genere exercent: maiorumq; à quibus artem canendi didicerunt, præceptiones diligenter seruant; et illorum minas ac ferulas exhor-*

*rescunt: imitantes autem hoc sine ulla exeratione ac studio poetice artis, rema-*



est aliquem a natura facilitatem ad euomendos uersus accepisse; nisi autem percalleet; quam quidem ut addiscat, maximopere elaborare debet. cum in omni studio, atque exercitatione qui excellere cupit, eum labores maximos subire oporteat. nam, ut optime inquit Hesiodus,

Τῆς δ' ἀρετῆς ἰσχυρὰ θεοὶ προπάρουεν ἔθικαν  
 Ἀδάνατοι. μακρὸς δ' ἐ, καὶ ὄρεδι οἶμ' ἐπ' αὐτῇ.  
 Καὶ τρυχὺς τὸ πρῶτον, ἐπὶν δ' εἰς ἄκρον ὀκνῶται,  
 Ρηϊδίην δ' ἠπείτα πέειν, χαλεπὴν περ ἐούσα.

Ille enim, qui alios cursu prauertere studet, primus uē ad optatam metam peruenire, iam a puero in currendo se exercuit, multosque tulit labores, sudauit, & alsit. qui uero cantibus se dedit, abstineat necesse est à libidine; eius quippe nimius, atque intemperatus usus uoci officit. quæ, auctore Aristotele, quando primum pueri in uenerem soluantur, mutantur, deprauanturque. Vini quoque immoderatus potus eam crassiolem, asperam, & quasi subraucam reddit. Sunt qui aliter locum hunc explicantes ita construunt. Ille, qui cursu excellere optat, à Venere, & Baccho admodum abhorreere debet. illa enim pariter, atque uinum immoderate sumptum corporis uires debilitat, enervantque. Tibicinem præterea, ut modulate canat, musicas leges didicisse prius oportet, docentique magistro obtinperasse. alioqui nemo sine labore, doctorisque industria, ac diligentia præstans in arte qualibet euadet. nam etsi natura plurimum pollet, artis tamen ad præclare agendum societate indiget. difficilius enim est, inquit Aristoteles, bene quippiam facere, quam facere. quod secus hac tempestate usuuenire quis ambigat? succedit quippe scientiæ inscitia, artiumque peritis indocti. qui arrogantia, cæcoque sui amore ducti, se mira poemata condere arbitrantur; nihil turpius existimantes, quam in infimis, atque postremis carminum conditoribus haberi, & tanquam in cursu nouissimum ab alijs relinqui. imo, quod absurdus est, sua mala opinione obcæcati fateri nolunt se nescire quæ non didicerint; cum longe satius esset confiteri nescire quæ ignorant, quam ea profiteri quæ non callent. Hanc enim ob causam sapientissimū ab Apolline Socratem iudicatum esse uolunt, quia se scire non putabat quæ nesciebat; demumque id unum se percallere asserbat,



rebat, quòd nihil sciebat.

## FUGIENDOS ESSE ASSENTATORES.

*Vt præco ad merces turbam qui cogit emendas,  
Assentatores iubet ad lucrum ire poeta  
Diues agris, diues positus in fœnore nummis.  
Si uero est, unctum qui recte ponere possit,  
Et spondere leui pro paupere, & eripere atris  
Litibus implicitum, mirabor, si sciet inter  
Nosceret mendacem, uerumq; beatus amicum.  
Tu seu donaris, seu quid donare uoles cui,  
Nolito ad uersus tibi factos ducere plenum  
Lætitiæ; clamabit enim pulchre, bene, recte;  
Pallefcet super his; etiam stillabit amicis  
Ex oculis rorem; saliet, tundet pede terram.  
Vt qui conducti plorant in funere, dicunt,  
Et faciunt propè plura dolentibus ex animo; sic  
Derisor uero plus laudatore mouetur.  
Reges dicuntur multis urgere culullis,  
Et torquere mero quem perspexisse laborent,  
An sit amicitia dignus, si carmina condes,  
Nunquam te fallant animi sub uulpe latentes.  
Quintilio si quid recitares, corrige sodes  
Hoc, aiebat, & hoc, melius te posse negares:*

Q

Et si nonnulli lachrymas ab assentatore præ lætitiâ effundi solere asserunt; non erit tamen inepta expositio, eum lugere quâdoq; ut dolore præ se ferat. nã si triste aliqd, aut lugubre inter legendû occurrit, tâto mœrore se affici ostendet, ut lachrymas præ dolore cõtinere non potuisse simulet.

Quidam hic propriè mulieres præficas, quæ ante domum mortui laudes eius canebant, designari arbitrantur; alij uero, quod magis placet, uiros intelligunt, qui in funebribus orationibus, defunctorumq; laudationibus se exercebant.



Bis terq; expertum frustra, delere iubebat,  
Et male tornatos incudi reddere uersus.

Quod si adhuc pu-  
erum in sua fuisse  
sententia, maluerit  
errata sua defendere,  
quàm corrigere, tui-  
lus hanc emendat,  
ne uno q̃e amplius  
uerbo plura. Quia  
opus est manem in-  
super labore corrigere  
ut eos qui sibi plac-  
ent nimis placeat.  
sed nimis super reme-  
ritatis penas danti-  
bant. ut in maxi-  
mas incurrunt re-  
prehensiones, et pa-  
sim ab alijs rident.  
ita fit, ut sua pre-  
mata, nemo preter  
ipsos aut probet,  
aut legat.

Si defendere delictum, quàm uertere malles,  
Nullum ultra uerbum, aut operam sumebat inanem,  
Quin sine riuali teq; & tua solus amares.

Quoniam artem cum natura germanitatis uinculo copulandam  
esse, alteramque sine alterius adminiculo bonum poetam facere  
nunquam posse decreuit; atque elaborandum magnopere in ar-  
tis præceptionibus ediscendis monuit, ut præstantiæ fulgor ac-  
quiratur: idcirco quod obstat fugiendum merito subdit. Ac  
primo à poematibus amouendam esse assentationem uitiorum  
adiutricem, uirtutumque pestem iubet; cauendumque magno  
pere, ne assentatoribus aures quispiam patefaciat; imo penitan-  
dis carminibus uerorum amicorum, eorundemque doctissimo-  
rum uiuorum acre iudicium subeat. qui recte conscripta proba-  
bunt, liturisque digna interlinent. amici quippe mendum pec-  
catum suum existimabunt; cum ea sit inter amicum atque assen-  
tationem differentia, quæ inter coquum & medicum. quorum  
alter saporum lenocinia, ac uaria exquisitissimorum ciborum  
condimenta excogitat, ut gustui tantummodo suauitatem præ-  
beat, nullam incolumitatis rationem habens; alter uero ea come-  
denda esse admonet, quæ bonam seruent ualeitudinem, gustatū  
autem nequaquam oblectent. eodem itaque modo amicus ami-  
co non nisi utilia, omnibusque de rebus ueritatem, etsi plerun-  
que pariat odium, insufurrat. Assentator autem cuncta tam lau-  
danda, quàm improbanda extollit, dummodo se placere sentiat;  
et, ut Cicero inquit, ad alterius non modo sensum ac uolunta-  
tem, sed etiam uultum atque nutum conuertitur. Quo fit, ut  
diuites quidam largitionibus assentatores inuitantes non secus,  
atque præco ad emendas merces populū conuocat, simulataque  
eorum approbatione decepti poeticam profiteri audeant; carmi-  
naque à nemine unquam commendanda uero iudicio effundant.  
imo qui opibus affluens mensarum assecclis opiparam frequenter

Sine rivali  
liger dicant  
qui stultici  
rant, et  
alius con-  
uiscat.



coenam dare, sponſionem uē pro egenis facere ualeat; aut ſi eā  
 n urbe auctoritatem obtineat, ut a malis concertationibus, ri-  
 xis, atque iurgiis eripere, inque litigioſis controuerſijs cui uelit  
 fauere poſſit; tantam apud ſe pernicioſorum aſſentatorum mul-  
 titudinem habebit, ut eorum blanditijs obœcatus nullo pa-  
 cto uerum amicum a falſo dijudicare poſſit; cum omnes æque  
 de rebus omnibus aſſentiantur. quocirca nunquam obœratos,  
 aut munerum ſpe deuinctos ſuarum lucubrationum cenſores cō-  
 ſtituet, qui recto iudicio præditus de ſe recte iudicari uolet. et-  
 enim largitione allectus ſemper lætitiæ plenum, amorisquæ, etſi  
 falſi, oſtentatorem ſe præbebit. quinimo eius carmina legens,  
 cui blanditur, non abſque ſumma admiratione clamabit; Dij im-  
 mortales, quàm præclare, optime, atque diuinitus rem hanc cō-  
 ſcripſit? adeoque ſe totum aſſentationi addicet, ut miratio-  
 ne obſtupefactus exalbeſcat. Cumquæ mentis inconstantia, &  
 prauitate uultum quoque eius indicem crebra colorū mutatio-  
 ne uariabit non ſecus, atque chamæleon; qui ſtatim quæcūque  
 attigerit colorem reddit; præ ſimulato etiam gaudio lachrimas  
 effundet, falſaquæ lætitiæ elatus immoderate exultabit, ac teme-  
 re geſtiet; imo pede terram quandoque tundens nihil melius, ele-  
 gantius uē pertractari potuiſſe adiurabit. Aſſentator quippe ſi-  
 mulata mente ad alterius uoluntatem ſe ſe accommodans magis  
 laudare, inque laudando commoueri uidetur, quàm uerus lau-  
 dator, atque amicus. qui proſecto non niſi commendanda pro-  
 lat, uituperandaquæ reprehendit. quemadmodum expreſſiorē  
 ſtendunt mœſtitiam, maioremquæ lachrimarum uim profun-  
 dunt qui mercede conducti, ut defunctorum interitum deplo-  
 rent, dolorem & fletum ſimulant; quàm qui uere eorum mor-  
 tem dolent. atqui eam inter ſe habent diſſimilitudinem, qua ue-  
 rus dolor a falſo diſtat. illis enim lachrimis, quæ quidem citiſſi-  
 me areſcunt, tantum oculi turgent; hiſce autem intimo mœro-  
 re cor, atque diutino cruciatur; illi in alienis malis dolentes ap-  
 parent, cum uere nequaquam mœreant, hi uero ex animo con-  
 dolent. Quapropter ab eo, qui optimo iudici ſua carmina per-  
 pendenda committere cupiet, reges, ac principes imitandi erūt.  
 ut quemadmodum hi uino replere (tunc enim occulti mores, ac  
 ſecreta animi proferuntur) & quodammodo multis poculis exa-

Q ij



minare solent eos; quos in familiarium numero admittere uolunt, ne prius quàm adsciscant ignorent, an sint amicitia digni. ita uir acrioris iudicij, amicusque ab experientia rerum magistra comprobatus eligendus est, cui uersus examinandos tradat; ne à uasorum adulatorū latentibus fallacijs, quasi uulpeculę fraude decipiatur. qui quidem rerum omnium simulatores pariter, ac dissimulatores cuncta blanditiarum caligine adeo confundūt; ut nulla amplius ueritatis lux splendescere possit. Quod contra euenire liquet, si doctissimo uiro, integro, optimoque uiro, inquam sine fūco & fallacijs, qualis Quintilius Varus habitus est Vergiliani poematis, ut asserunt, ab Augusto censor electus, carmina pensitanda quispiam commiserit. qui profecto in aliquod erratum incurrentē modeste, atque amice commonefaciet. quod si ille sæpe & sæpius frustra expertus melius reddere posse recusat, tunc male compactos uersus penitus delere, iterumque alios politiores effingere, & quasi denuo nouam materiam informare iubebit; non aliter ac fabri ferrarij male informatum opus in rudem iterum, atque impolitam massam redigunt; incudique restituto meliorem formam addere solent. At si ille nimium per uicax, duræque ceruicis homo prorsus correctionem respuet, erroremque potius defendet, quàm litura delebit; tunc nullū ultra uerbum subijciet; imo falsa opinione inflatum in tenebris errare patietur; ne operam & oleum frustra amittat. qui enim non audientem admonet, minimeque obtemperanti præcipit, tempus absumere uidetur, perinde ac si furdo caneret. Quo fiet, ut philautiæ igne inflammatus, qui monitorem spernit, solus magnificat sua, probet uē, & quodammodo sine riuāli sui ipsi us amator sit. quippe ab omnibus despectus exhibilabitur.

## DE EMENDATORIS OFFICIO.

*Vir bonus, & prudens uersus reprehendet inertes;*

*Culpabit duros; in comptis allinet atrum*

*Transuerso calamo signum; ambitiosa recidet*

*Ornamenta; parum claris lucem dare coget;*

*Arguet*

*Transuerso calamo  
allinire, p 80 qd est  
lammare.*



*ambigua quæ* Arguet ambigue dictum; mutanda notabit;  
*nequa, utro* Fiet Aristarchus. Nec dicet, cur ego amicum  
*sensu sint* Offendam in nugis? hæc nugæ seria ducent  
*alupienda* In mala derisum semel, exceptumq; sinistre.

*traverso si* Ut mala quem scabies, aut morbus regius urget,  
*gnabit cala* Aut phanaticus error, & iracunda Diana,  
*ma-* Vesanum tetigisse timent, fugiuntq; poetam

*incipiet. n.* Qui sapiunt; agitant pueri, incautiq; sequuntur.

*ex illo inter* Reliquum est, ut optimi, prudentisque emendatoris officium  
*poeta,* designetur; postquam id munus doctissimi uiri, atque (ut græ-  
*nec profuit.* co utar uerbo) *magnas n.* φιλαρχίου proprium esse asseueravit; ut in hac ar-  
*fecit poet.* tis præceptione nihil desideretur. Et quamuis immensus sit cam-  
*irrogans t* pus, in quo euagari oporteret, si cuncta, quæ in examinandis  
*e pueris.* poematibus requiruntur, recensere uellet; breuiter tamē rem  
 hanc perstringit; ne lex, quam de breuitate promulgauerat in  
 præceptis tradendis, abrogaretur. Bonus itaque corrector, ue-  
 ritatisque sectator carmina sine ullo artificio compacta, nulla  
 cura elaborata, impolitaque reprehendet; dura mollienda, in-  
 compta uero superinducta linea penitus delenda esse præcipiet.  
 Ornamentorum quoque nimiam, ac redundantem luxuriam si-  
 lo depascendam esse monebit; obscura etiam illustranda, ambi-  
 gua que explicanda commonefaciet; sed ea uero, quæ mutanda  
 iudicabit, notam apponet. fietque demum alter Aristarchus fa-  
 cientissimus iudex. ille quippe uir doctissimus, ac certo prædi-  
 tus iudicio, cū sibi prouincia a Pisistrato data fuisset, ut Homeri  
 fusa, ac dispersa carmina colligeret, quæcunque homericā redole-  
 bant maiestatem dijudicans in rhapsodiarū ordinem digessit; adul-  
 terinum autem uersum asterisco notabat. Talis ergo cæsor opti-  
 mus, ac prudentissimus, qualis Aristarchus, obsequium sper-  
 net; nec inquiet, quod assentatores consueuerunt: quid mea in-  
 terest alterius errorem coarguere? aut cur amici nugas reprehen-  
 dens illius odium in me concitabo? is enim, cui semel leuia deli-

*nequa, utro* ad-  
 notandis autem erit obli-  
 gens, ut alim ferunt  
 Aristarchum fuisse.

Fiet utique poeta ille  
 in scribendo negligens  
 paulatimq; ita pueris  
 scriberis assuescet, ut  
 postea nullis amon-  
 strationibus, nulla admonitio-  
 ne, aut admonitione  
 strahis possit ad recti-  
 tudinem. saltem e-  
 igit, sollicitate suam  
 corrigendo amon offe-  
 der, quodam diuina  
 none aliqua negligē-  
 te fideret: ut postea  
 ab omni rideat: solat  
 hanc ex ea r. uis. ato  
 inflari, & insolentem  
 ut mors ueluti, quā  
 plane exitialis eos  
 uiget.



ita condonantur, mala postea illeceus indulgentia in grauiora incidet; falsoque ab adulatoribus laudatus, reipsa occulte derisus adeo praua opinione sua obcecabitur, ut nunquam deinde castigationem admittat. quinimo falsa ac simulata eiusmodi approbatione inflatus persuasum habebit, neminem se meliora poemata posse conscribere. quocirca ab eius tanquam stulti, & uesani colloquio, consuetudine, atque contactu omnes sapientes abhorrebunt; ac ueluti scabiosum, malaue alia contagione laborantem, aut morbo regio affectum (eo quippe corripui uolunt medici, qui bili nimium uexantur, cuius equidem ui in insaniam ac furorem incidere solent) aut phanaticum, furijue agitatum fugient; ne contagium contrahant, aut cum insipientibus ipsi quoque insanire cogantur. eundem praeterea incauti pueri, qui nesciunt quantum periculum subeant, conuijs, sibilis, atque lapidibus per urbem insectabuntur. erit denique omnibus ludibrio, & tanquam morio uulgo exhibilabitur. **RESTAT**, ut qui sint proprie, quos ab iracunda Diana uexari dixerit, explicetur. Et quamuis non nulli eos accipiant, quibus ipsa, iratumue aliud numen furorem immiserit; alij tamen comitali morbo laborantes, quos Graeci uocant επιληπτικός, intelligunt. eum quippe ob cerebri uitium euenire asserunt medici; cui Luna, quae eadem est cum Diana, quemadmodum Sol cordi, dominari existimatur. praesertim quod epilepsi affici uolunt illos Astrologi; quorum in genitura Luna horoscopum tenens e regione aduersos habuerit Saturnum pariter, atque Mercurium. tunc enim merito irata dici potest; nam mala in configuratione collocata noxio aspectu irradiatur. uel quod lunatico morbo corripui solent, qui interlunij coniunctionisue tempore, quam uocant coitum, editi fuerint; cum luna laborare fertur, & quodammodo iracunda lumen denegat; unde lunaticos dictos uolunt.

*Hic dum sublimes uersus ruclatur, & errat,  
Si ueluti merulis intentus decedit auceps  
In puteum, foveam ue; licet succurrite longum*



Clamet io ciues, non sit qui tollere curet.  
 Si quis curet opem ferre, & demittere funem,  
 Qui scis, an prudens huc se deiecerit, atque  
 Seruari nolit? dicam, Siculiq; poeta  
 Narrabo interitum. Deus immortalis haberi  
 Dum cupit Empedocles, ardentem frigidus Aetnā  
 Insiluit. sit ius, liceatq; perire poetis;  
 Inuitum qui seruat, idem facit occidenti.  
 Nec semel hoc fecit; nec si retractus erit, iam  
 Fiet homo, & ponet famosa mortis amorem.

Adhuc Horatius insanos insectatur, qui opinione sua inflati poe-  
 sin profitentur; ac nescio quo pacto irridens nūquam sibi satis-  
 facere uidetur; inque eis eludendis iocosum, atque ridiculum  
 exemplum interponit. inquit enim, tanto eiusmodi insania af-  
 fectum omnibus esse odio; ut si, dum tumidus, uersusque euo-  
 mes huc & illuc uagatur, ueluti auceps aucupio inhians, in fos-  
 sam puteum ue incidit; quod quidem Thaleti Milesio sidera  
 contemplanti accidisse perhibent; licet uehementer, diuque cla-  
 met, io ciues succurrite, uestrumque municipem seruate, nemo  
 tamen opem ferre curet. Nam si quis forte auxilio uelit esse, su-  
 nemue demittere, statim ego occurram. qui scis an consulto,  
 sponte sua, & perlibenter huc se deiecerit, seruarique nolit?  
 Non ne Empedocles Agrigentinus physicus poeta, uel, ut Ari-  
 stoteles decreuit, potius φυσικός, quam poeta uocandus; cui  
 ius dogmata noster diuinus Lucretius latinitati tradidit; dum  
 stultus, ac uecors immortalitatem adipisci cupiebat, Deusque  
 a posteris haberi, in ardentem Aetnam se praecipitauit? quod  
 quidem, auctore Philostrato, sic antea praedixerat; χάρειν γὰρ δὲ  
 ὅ μιν θεὸς ἀμβροτοῦ, οὐκ ἔτι θνητός. Cum itaque homo quilibet mor-  
 tem oppetendi liberam habeat facultatem; quā Deus tanquam

Pro frigido stultū ac  
 temerariū accipit. sub  
 glaciali quippe coelo  
 editos stolidos, incōsul-  
 tos, mortisq; contem-  
 ptos esse constat.  
 Quod quidem in fer-  
 uenti regione contra  
 euenire hinc patet, q̃  
 Heraclitus sub siccio-  
 re aere animam esse  
 prudentiore afferebat.  
 uel potius ad aliā do-  
 ctorū hominū senten-  
 tiā alludit; qui calido  
 sanguine praeditos sa-  
 pere, frigido uero cō-  
 tra desipere arbitren-  
 tur. Vnde Maro: Sin-  
 has ne possim natura  
 accedere partes, Fri-  
 gidus obstiterit circū  
 praecordia sanguis.



optimum remedium in tantis uitæ poenis mortalibus dedit; liceat poetis sibi ipsis mortem consciscere; eosque a uita discedere sinamus: idem enim scelus est inuitum seruare, quod occidere. Nec semel hac uia, sed sæpe & sæpius mortem attentauit. Quod si nunc retractus seruabitur, non idcirco amissam rationem, à qua discedens belua euasit, hominisque mentem recuperabit, imo à temerario, & incōsulto proposito non decedens nunquā famosæ mortis cupiditatem deponet, donec ipsam assequetur. Nemo igitur a casu uoluntario eum extollat; ne, dum inuare conetur, offendant; aut dum *ἀνδραποδὸν ἀνθρώπου δαίμονιον* esse uelit (ut est in græcorum prouerbio) ab ipso lupus habeatur.

*Loca tæta fulmine  
maiores acri studio  
procurabāt, sacerdotē  
adhibebāt, diffusa ful-  
minis uestigia collige-  
bāt; terræq; sacris rite  
peractis, construatq;  
ara, ac bidēte cæsa en  
locū bidental appella-  
bāt; quē uiolare ne-  
fas erat. Par. Cæterū  
triste dixit, uenerādū,  
atque horrendū. Lo-  
cus. n. sanctus, ac reli-  
giosus animis supersti-  
tione deuinetis terrore  
incutit. Qua quidem  
de causa et Maro hor-  
rēdā uocauit sibyllā.*

*Nec satis apparet cur uersus facit et, utrum  
Minxerit in patrios cineres, an triste bidental  
Mouerit incestus. certe furit; ac uelut ursus  
Obiectos caueæ ualuit si frangere clathros,  
Indoctum, doctumq; fugat recitator acerbus.  
Quem uero arripuit, tenet, occiditq; legendo,  
Non missura cutem, nisi plena cruoris, hirudo.*

Consueuerunt hic non nulli critici de Horatii inconstantia admirari; ut qui in tradendis præceptis breuitatem diligentissime custodiendam esse præceperit, ac postremo in eludenda quorundam pseudopoetarum infania, quæ quidem res nihil ad artem attingere uidetur, à sterilitatis angustiis in fertilitatis campos exierit; penitusque *λακωνιστὸν* deseruerit. Hisce ergo respondendum arbitror, Horatium, qui alioqui in condendis legibus omnium breuissimus fuit, pusilla quadam digressione opusculum hoc cōsulto terminare uoluisset; ut lectori notum faceret, se quādoque posse dicere copiose; ubertatisque floribus, cum oportuerit, redundare. uel acerbissimo odio inflāmatum, quo in insolentium uesāniam inuehebatur, breuitatis fuisse oblitū dicamus. Itaque opus absoluens, remque omnem poeticam uolens concludere

non



non ab re esse duxit, de causa cuiusmodi insipientiæ quærere, quo uidelicet læso numine, qua spreta religione, aut quo scelere per petrato furor ille cuiuspiam temere effutiendi carmina immissus fuerit. an fortasse, quod in parentum cineres minxerit, sepulchrumque uiolauerit? quod quidem nefas habebatur. Tanta quippe apud ueteres sepulchrorum erat superstitio; ut locum, quo quis inferebatur, aliquot pedes quaqua uersus designarint; inscriptioneque cauerint, ne citra designatum spatium alium quempiam humo contegerent; uel, ut quidam opinantur, arbores sererent, quæ radices egissent; terramue ararent, aut foederent, ne ossa detegerentur. Vnde auctor alibi inquit,

Mille pedes in fronte, trecentum cippus in agrum

Hic habet.

An potius illi infantiã Dij dederunt, quod impurus, ac sacrilegus locra sacra polluerit? qualia erant de cœlo tacta, bidentalibus nuncupata, quod ibi binæ oues mactabantur; quæ uomere, aut alio rustico instrumento uiolare crimen habebatur. Vt cunque sit, aut quouis scelere coinquinatus, certe furit, bacchanaturque. imo cum urbe uagatur recitator odiosus, perinde atque ursus conuulsis repagulis, effractisque cancellis erumpens populum perterret, doctosque pariter atque indoctos fugat; ne eius molestia recitatione distineantur; dignus equidem qui in carcerem, tanquam teterrima belua in caueam, detrudatur; cathenisque ac uinculis constringatur, ne amplius egredi possit. nam si forte aliquem arripuerit, nunquam dimittet, donec incondita carmina eruētans furorem suum expleuerit; miseroque illi tantam molestiam iniecerit, ut uitam sibi esse acerbam putet. Imo quæadmodum hirudo, si semel cuti inhæserit, nunquam exugere desinit, ni sanguine plena, satiataque fuerit; a quo sugendo sanguisugæ nomē acquisiuit: ita poeta ille ineptissimus si quem natus fuerit, cui carmina euomere possit, tandiu recitando detinebit, quoad uitæ poenitere faciat; potiusque mortem, quæ rerum omnium est extremum, efflagitare, quam rursus in eiusmodi pestem irruere. **SED IAM** receptui canere tempus admonet, ac riuulos claudere; quoniam sat prata biberunt: ut desinant oblatrare, qui hoc opus ab Horatio imperfectum relictum fuisse contendunt, nihil enim, meo iudicio, quod ad ar-



tis huiusce præceptiones attineat, in eo desiderari potest. Nam si leuiores quædam conscribere uoluisset, quæ alioqui conscribendorum carminum ratio postulare uidebatur, grammatici officium persoluisset. si præterea nonnulla alia parerga adiunxisset; quæ potius uerborum ubertatem, quàm materiam perutilem studio his apportassent; frustra paginam absumpsisset; imitatusque hî rudinem, legislatoris decorum non retinuisset; quod à breuiloquio nequaquam discedere oportere supra monuerat: nam imo crimen subiisset, quod ab alijs summopere eius tantum iusserat. Vnde non inconsulto eiusmodi comparatione libellum conclusit; ut innueret, satis, superque de arte poetica præcepisse, nihilque amplius ea de re dicturum; ne pro uoluptate molestiam, aut demum pro emolumento detrimentum attulisset.

FINIS.

SERIES LITERARVM.

ABCDEFGHIKLMNOPQ.

Omnes sunt duerniones, præter Q ternionem.

APVD ALDI FILIOS.


VENETIIS, M. D. XLVI.

MENSE AVGVSTO.




005266475











3750<sup>c</sup>